

Glasgow
University Library



Ferguson Collection
1921

Ao - a. 31.





Vol. II



Digitized by the Internet Archive
in 2016

https://archive.org/details/b24927156_0002

JOSEPHI FRANCISCI A JACQUIN,
CHEMIÆ ET BOTANICES PROFESSOR. ADJUNCTUS
REGIÆ SCIENTIARUM ACADEMIÆ TAURINENSIS
CORRESPONDENTIS ; SOCIETATIS LINNÆANÆ
LONDINENSIS, PROVINC. ART. ET SCIENT. UL-
TRAJECTINÆ, PHYSICO-MEDICÆ BASILEEN-
SIS, AGRAR. TAURINENSIS, etc. SOCII.

ELEMENTA

CHEMIÆ UNIVERSÆ ET MEDICÆ,
PRÆLECTIONIBUS SUIS ACCOMMODATA.

EX LINGUA GERMANICA IN LATINAM
VERSA.

VOLUMEN II.

VIENNÆ AUSTRIÆ,
APUD CHRISTIANUM FRIDERICUM WAPPLER.

1 7 9 3

GLASGOW
UNIVERSITY
LIBRARY

SUMMA VOLUMINIS SECUNDI.

REGNUM VEGETABILE.

- XC.** **E**xploratio corporum vegetabilium in calore ad usque aquae ebullientis gradum.
- XCI.** De Infusione.
- XCII.** De Decoctione.
- XCIII.** De Extracto.
- XCIV.** De Fecula.
- XCV.** De Aquis destillatis.
- XCVI.** De Oleis aethereis.
- XCVII.** De Oleis unguinosi.
- XCVIII.** De Cera, Resinis, Balsamis et Gummibus.
- XCIX.** De Camphora.
- C.** De Saccharo.
- CI.** De Sale Acetofellae.
- CII.** De Acido benzoico.
- CIII.** De Acido citrico.
- CIV.** De Acido malico.
- CV.** De Acido gallaceo.
- CVI.** De caeteris Salibus plantarum nativis.
- CVII.** Habitus plantarum earundemque partium in temperatura altiore.
- CVIII.** De Habitu singulari partium quarundam plantarum in temperatura altiore.
- CIX.** Consideratio generalis remotorum plantarum principiorum.
- CX.** De Fermentatione generatiua.
- CXI.** De Fermentatione vinosa.
- CXII.** De Tartaro.
- CXIII.** De Fermentatione acida.
- CXIV.** De Putrefactione vegetabilium.
- CXV.** Theoria fermentationis.
- CXVI.** De quibusdam singularibus Compositionibus pharmaceuticis.

KĒGNUM ANIMALE.

- CXVII. De Lacte.
CXVIII. De Sanguine.
CXIX. De Acido prussico.
CXX. De Bile.
CXXI. De Succo gastrico.
CXXII. De Lacrymis.
CXXIII. De Muco.
CXXIV. De Saliva.
CXXV. De Pure.
CXXVI. De Semine.
CXXVII. De Axungia.
CXXVIII. De Ovis.
CXXIX. De partibus albis mollibus animalium.
CXXX. De Musculis.
CXXXI. De Ossibus.
CXXXII. De Phosphoro.
CXXXIII. De Pilis, Plumis et Serico.
CXXXIV. De Synovia.
CXXXV. De Urina.
CXXXVI. De Calculo.
CXXXVII. De Faecibus humanis.
CXXXVIII. De Sudore.
CXXXIX. De Liquido in hydropse secreto.
CXL. De Liquido per vesicantia secreto.
CXLI. De Acido formico.
CXLII. De Acido bombyco.
CXLIII. De Cantharidibus.
CXLIV. De Castoreo et Moscho.
CXLV. Consideratio generalis principiorum proximorum
et remotorum corporis animalis.
CXLVI. De Putrefactione partium animalium.
Descriptio Apparatus woulfiani in destillationibus com-
positis.
-

REGNUM VEGETABILE.

XC. EXPLORATIO CORPORUM VEGETABILIIUM IN CALORE AD USQUE AQUAE EBULLIENTIS GRADUM.

§. 698.

Planta viva & vegetans nuterimentum suum partim trahit ex terra, cui ope radicum suarum adnectitur, partim ex atmosphæra per extensam suam, vasis bibulis, obtectam, superficiem. Ut est corpus organicum, sic planta alimentis, utraque illa via advectis, nec eget omnibus, nec immutatis; sed per circulum continuum partem eorundem, posteaquam diversimode resoluta sunt, denuo dimittit.

A

§. 699.

Præcipua plantarum alimenta sunt aqua & varia illa corpora aëriiformia, quæ exsorbere ex atmosphæra possunt; & sunt etiam corpora aëriiformia, aqua, & particulæ odoriferæ, excrementa plantarum. Priora illa non semper eadem sunt, sed pro partium plantarum adjunctorumque diversitate diversa. Flores, plerique fructus, radices, & omnes vegetabilium partes non virides, reddunt, qualiacunque fuerint adjuncta, gas azoticum & gas acidum carbonicum. Folia autem omnesque partes plantarum virides exspirant, luci solari exposita, gas oxygenium fere purum, in umbra vero noctuque, florum adinstar, gas azoticum & gas acidum carbonicum.

Aqua, quam in atmosphæra temperatura exhalant plantæ vivæ, sæpe purissima est, sæpe autem imprægnata particulis odoriferis, si quas tales vegetabilia possederint. 7 Ad hanc obtinendam colligendamque aquam, planta recens in valis clausis exponitur temperaturæ, calorem solarem vix superanti, hoc est, de-

fil.

Stillatur calore circiter 30 graduum. In excipulum depluet aqua pellucida & limpida, quæ omnes, in hac temperatura volatiles, plantæ partes continet. Quæ remanet planta, si sat diu protracta operatio fuit, est sicca, friabilis, & omnis odoris humidique expers.

§. 701.

Hæc igitur aqua præcise eadem est, quam plantæ in solis calore emittunt, nec præter parvam sæpe olei ætherei copiam, aliud quid secum vehit quam illud earundem principium, quod odorem producit. Hoc neque visu percipi nec sapore, sed solo odoratu potest. Hucusque nec sibi solum aut liberum potuit, nec resolvi; quare Chémici pro corpore simplici habent, vocantque *Aroma* vel Boerhaavium secuti *Spiritum rectorem*.

§. 702.

Plantas omnes, quæ suo nos odore afficiunt, continere aroma vel spiritum rectorem, evidentissimum est. Anne vero plantæ illæ, quæ ita nos non afficiant, careant omni aromate, quæstio non decisa est. Videmus sæpe, animalia solo distinguere odoratu plantas,

in quibus homo observare odorem potest nullum; quæ quidem res magis nostris obtusioribus organis, quam defectui aromatis in plantis, attribui debere videtur.

§. 703.

Aroma in aliis plantis suave olet, in aliis fætet, in aliis solummodo stimulat; at hæc omnia etiam, relata ad singulos homines, varietates patiuntur. Nec omnes ejusdem plantæ partes eandem aromatis speciem habent; sæpe enim flores longe alio odore polent quam folia &c. Nec iterum in omnibus ejusdem plantæ partibus, etiamsi eadem aromatis specie gaudeant, idem est aromatis vigor; sic in foliis sæpe aroma acrius est quam in caule aut floribus, & sic porro. Tandem nec omni tempore æqualem aromatis copiam possident; quam tunc solent tenere maximam, quando ad perfectum statum pervenerunt.

§. 704.

Aroma quidem omne volatile est; sed est non raro in volatilitatis gradu magna diversitas. In plerisque plantis calorem aquæ ebullientis non sustinet; in quibusdam, uti in

Jas-

Jasmino, jam ad levissimum calorem avolat. Dantur tamen etiam plantæ, ut Crocus, Valeriana &c., quæ vel post evaporatam omnem aquam non totum aroma suum deperdunt. Aroma, sola aqua ligatum, paulatim avolat aut perit, idque in vasis etiam optime clausis.

§. 705.

Ex ante dictis intelligimus:

1. Ex quibus principiis consistunt effluvia plantarum in calore solis vegetantium, scilicet ex gas oxygenio, aqua, aromate, & sæpe ex oleo æthereo.

2. Quo possint pacto effectus, quos sæpe plantæ, maximo numero prope crescentes, produxere, explicari.

3. Nihil posse sperari a plantis exsiccatis, quarum omnis virtus medica a solo aromate dependeat.

4. Ipsas etiam has plantas, quæ exsiccatae magnam aromatis partem retinent, ad usum medicum caute tamen semper & in umbra exsiccandas esse, nec esse loco calido asservandas.

XCI. DE INFUSIONE.

§. 706.

Si plantæ recenti aut exsiccatae superaffunditur aqua fervida, atque sic in vase clauso aliquandiu relinquitur, vocatur hæc operatio *Infusio*, & aqua, a planta dein separata *Infusum*. Non tantum hic aroma omne & quidpiam de oleo æthereo ab aqua infusi suscipiuntur, sed etiam plures aliæ partes in aqua solubiles, quales sunt gummosæ, mucilaginosæ, colorantes, salinæ &c.; ut remaneat planta, aromate suo & saporis magna parte spoliata.

§. 707.

Copia solutarum ab aqua partium, præter aroma, diversa est pro ratione cum abundantia & temperaturæ aquæ adhibitæ, tum magis minusve protractæ infusionis. Quin ipsæ sæpe, intra prima infusionis minuta solutæ, particulæ ab illis, quæ tandem solvuntur, quam maxime discrepent. Omnium primum ab aqua suscipitur, oleo æthereo ligatum, aroma; serius particulæ colorantes, adstringentes, & gummosæ; unde infusio brevis

vis infusum palato dare gratum , ejusdem plantæ diuturnior dare amarum & acerbum potest.

§. 708.

Semper igitur in usum medicinalem, dum infusa præscribuntur , determinare medicus debet & copiam aquæ , & hujus temperaturam , & moram infusionis , prout scilicet aut his partibus aut illis , aut parcius aut copiosius, imprægnata esse illa cupit. Nec minus etiam vegetabilia omnis aromatis expertia infundi sæpe solent, exempli causa, partes tenellæ, uti flores, quos nimium destrueret decoctio, aut istiusmodi vegetabilia, quæ in decoctione partes resinosas deponerent, in usu interno nocituras &c.

§. 709.

Nonnunquam medici etiam plantas præscribunt dumtaxat macerandas in aqua, aut digerendas.

XCII. DE DECOCTIONE.

§. 710.

Si planta integra aut pars ejusdem in aqua tantæ exponitur temperaturæ, ut hæc ebulliat, vocatur hæc operatio *Decoctio*, & aqua dein effusa *Decoctum*.

§. 711.

Cum possit hic aqua & diutius & in temperatura altiore in plantam agere, sic etiam illarum plantæ partium, quæ solvi in aqua possunt, multo major copia in decoctum transit, quam in infusum, multo hinc etiam saturatius infuso coloratum magisque sapidum. At vero aroma, quod in temperatura aquæ ebullientis ut plurimum volatile est, fere semper sic abigitur, ut nihil de illo in decocto supermaneat.

§. 712.

Nec igitur in usum medicum plantæ illæ, quarum virtus in partibus volatilibus residet, decoctioni submittendæ sunt; ubi ex adverso illas, quarum vis a solis pendet partibus fixis,

xis, decoqui potius quam infundi oportet. Exceptiones tamen hic locum habent, ut:

1. Flores tenelli melius infunduntur; quia vel sic aqua vim omnem facile & abunde extrahit; tum quod decocti nimio opere dissolvantur, redderentque sine utilitate decoctum turbidum.

2. Infunduntur sæpe plantæ, quæ aromate carent; ut ne per decoctionis protractam altioremq; temperaturam ab aqua suscipiatur nimia particularum resinifarum copia, quæ in usu interno tormina &c. producere possent.

§. 713.

Iterata plantæ decoctione in nova aqua, extrahi tandem, quicquid in planta solubile est, potest; sed tædiosa demum repetitione eo pervenimus. Pro usu autem medico tam decoctionis mora determinari quam copia aquæ debet, idque ratione habita ad singularia rerum adjuncta.

§. 714.

Definitur mora decoctionis:

1. Ex compage partis plantæ decoquendæ, quæ vel ob hoc ipsam non raro mechanicam præparationem, puta conscissionem, contusionem &c. exigit.

2. Ex saturatione, qua medicus vult esse suum decoctum.

3. Ex observationibus peculiaribus quarundam plantarum. Sic novimus exempli causa, rhei in decoctione magis magisque minui virtutem purgantem, increfcere contra virtutem adstringentem; myrobalanos breviter decoctas solum purgare, diutius decoctas etiam adstringere; liquiritiæ radicem longa decoctione gratam dulcedinem amittere; opium sic perdere multum de vi sua narcotica; & sic porro.

§. 715.

Aquæ copiam determinat 1) mora decoctionis, 2) copia plantæ, 3) ejusdem compages, & 4) medici scopus. Cum autem
tria

tria priora momenta ex usu quotidiano plerumque pharmacopæo quam medico sint magis cognita, hic illius arbitrio relinquit determinandam copiam aquæ, & solam determinat decocti obtinendi quantitatem.

§. 716.

In decoctis compositis non semper simul eunctæ partes eodem tempore, sed successive secundum singularum proprietates, committi aquæ debent.

§. 717.

Ebullitionis impetu compages plantarum, partim dissolvitur, & particulæ solidæ avelantur, quæ turbant decocta. Hæc *clarificantur* live purgantur 1) filtratione, 2) decantatione decocti frigescenti a fæcibus depositis, & 3) nova decoctione cum albumine ovi in spumam conquassati & subsequa filtratione.

§. 718.

Quæ ope caloris & aliarum plantæ partium solutæ in decocto calido hærent particulæ

culæ resinolæ, ex refrigerato maximam partem excidunt, & sedimentum formant; aut in clarificatione per albumen ovi solidatum inviscantur, & tolluntur. Sæpe igitur decocta sic jacturam patiuntur partis maxime actuosæ, unde tunc filtratio decocti adhucdum fervidi foret clarificatio aptissima.

XCIII. DE EXTRACTO.

§. 719.

Si plantæ decoctum calori iterum exponitur, aqua in vapores redacta successive abigitur, fixæ autem partes ex planta extractæ manent, tandemque obtinetur massa magis minusve nigra, spissa & ferme sicca, quæ *Extractum aquosum* vel *gummosum* vocatur. Omnes in eo hærent plantæ partes, quas aqua susceperat, ab aqua nunc liberatæ & puræ.

§. 720.

Eodem modo parari etiam possunt extracta ex succis recentibus vegetabilium expressis, ex succis fructuum, & ex liquidis de planta per incisionem obtentis. Hæc autem
ex-

extracta a prioribus in eo discrepant, quod non tantum contineant partes in aqua solubiles, sed etiam solidas illas, quæ vi pressio-
nis simul abscedunt.

§. 721.

Scopus præparandorum extractorum in usus medicos est: 1) ut habeamus in compendio copiam maximam partium fixarum actuosarum vegetabilium; 2) ut habeamus illa sub forma, sub qua asservari diu illibatae, atque etiam transmitti ad externos commodè possint; & sub qua 3) porrigi ægris tam solidæ quam liquidis immiscæ queant. Cæterum sponte patet, solas illas plantas bona dare extracta, quarum virtus partibus fixis debetur.

§. 722.

Ut igitur extracta ad usus medicos apta parentur.

1. Ambustio quam maxime præcavenda est, utpote qua, si non pereat aut imminuatur eorundem virtus, saltem saporem odoremque acquirunt ingratum. Antevertitur illa agitatione continua ope spatulæ lignæ,
&

& evaporatione decocti jam spissescientis ultima in balneo aquæ.

2. Evaporatio fieri debet leni calore, quo evitetur validior ebullitio. Nam cogitandum est, quo spissius decoctum evadit, eo altiore temperatura egere ad ebullitionem, multoque majore quam egeat aqua simplex; atque in hoc calore non tantum plures partes fixas cum aquæ vaporibus avolare, sed etiam extractum inde affici, & mutationem pati notabilem posse.

3. Cum extracta contineant etiam salinas plantarum partes, nunquam in vasis metallicis, minime in cupreis orichalceis aut plumbeis, essent asservanda. Multa quidem parari in orichalceis possunt; at non in illis refrigerari. Sed nec parari in his deberent pulpæ & fructuum succi.

4. Decocta pro extractis haud aliter quam filtratione fervida clarificentur.

§. 723.

Extracta ratione spissitudinis suæ dividuntur in *sicca* & *mollia*, & ratione materie ad-

adhibitæ in *simplicia & composita*. Molliæ extracta spissitatem mellis habent, virtute & solubilitate præferenda siccis. Hæc tamen, quæ tractata digitis non adhærent, diutius illibata servantur.

XCIV. DE FECULA.

§. * 724.

Si recentes plantarum partes contusæ committuntur prelo, succum largiuntur, qui successive plus minus pulveris deponit, in aqua frigida non solubilis, quem *Feculam* dixere. Melius faciliusque hæc obtinetur, si contusis plantis aqua frigida affunditur, & expressum hoc infusum quieti datur.

§. 725.

Uti pleræque plantæ sic parvam feculæ quantitatem præbent, ita maximam dant radices farinosæ & semina. Tales hinc feculæ parari solent ex tuberibus solani esculenti, radicibus bryoniæ, pæoniæ, & ari. Omnium vulgatissimæ sunt Amylum & pulvis cyprius.

§. 726.

§. 726.

Sicuti partes vegetabilium solidæ proprietatibus differunt a partibus fluidis, sic feculæ ad eandem normam virtute medicâ differunt a parte plantæ, unde paratæ fuerunt. Sic ex acerrimo aro fecula extrahitur insipida, eademque innocua ex venenata bryonia. Omnes hæ feculæ proprietatibus suis inter se haud parum conveniunt; cum vero nulla tam accurate examinata sit quam amyllum & pars plantæ, ex qua illud conficitur, sufficiat interea nobis horum contemplatio.

§. 727.

Farina vulgo vocatur materia sicca, insipida, friabilis illa, quæ ex molitis exsurgit seminibus tritici, hordei, avenæ, oryzæ, & similium. Omnes hæ farinæ in tres partes constitutivas facile disjungi possunt, quas triticum in proportionem magis æquali continet. In hunc finem depfitur farina tritici cum aqua in pastam, quæ, linteo inclusa, intra aquam frigidam manibus comprimitur tam diu, donec aqua ultra non tingatur. Remanet in linteo massa cinerascens & viscosa, dicta *Gluten farinæ* vel *Materia vegeto-animalis*. Aqua ad-

adhibita deponit quiete feculam, quæ est *Amylum*; & post hujus depolitionem evaporata sistit liquidum fuscescens & syrupo simile, *Materiem saccharinam* farinæ.

§. 728.

Pars farinæ glutinosa est materies ex albo cinerascens & tenax, quæ in aëre exsiccatur in massam corneam. Nec solvitur in aqua, nec in spiritu vini. In aqua cocta solidescit instar albuminis ovi. In igne comburitur ut cornu, & cum hoc eadem dat per distillationem siccam producta. Asservata loco frigido humidoque facile putrescit. Recens ab aceto solvitur.

§. 729.

Amylum ab aqua frigida non solvitur; cum fervida coit in massam semipellucidam & gelatinosam, in glutinum farinaceum; quod in aëre & calore duratur in massam cornui similem, sed in aqua calida iterum solubilem. Humiditati autem expositum, brevi subit fermentationem acidam. In universum proprietatibus suis chemicis amyllum convenit cum gummosis & mucilaginosis vegetabilium

partibus, quibuscum etiam eadem producta largitur in destillatione sicca.

§. 730.

Tantilla materies illa fusca, quæ obtinetur ex aqua ablutionis evaporata, posteaquam amyllum inde separatum fuit, chemicas omnes sacchari proprietates possidet, nec minus uti hoc primo fermentationem vinosam, dein acidam patitur.

§. 731.

Hæ tres farinæ partes, dum ex diversa matura sua in tres cognitæ fermentationes tendunt, videntur farinam subactam in singulare illud conjicere fermentum, quod ad conficiendum panem omnino necessarium est; & videtur singularis illa dictarum partium in farina triticea proportio hanc præcise farinam ad bonum panem reddere aptissimam.

XCV. DE AQUIS DESTILLATIS.

§. 732.

Cum non sint partes plantarum volatiles in aqua destillata per se (§. 700.) abunde ligatæ, nec sic possint asservari, parantur, ut illi scopo fiat satis, sic dictæ *Aquæ destillatæ medicinales*. Scilicet vesica cuprea, stanno probe obducta, impletur ad dimidium planta recente, & ad duas tertias aqua communi. Alambico & dolio refrigeratorio cum tubo serpentino applicatis, fit destillatio, quæ calore moderato protrahitur, quamdiu aqua depluens odorem manifestat. Si plantæ portio parva est, operatio etiam ex cucurbita vitrea cum alambico vitreo institui potest.

§. 733.

Est hæc operatio proprie decoctio in vasis clausis. Aroma &, quod hujus ope in aqua solutum hæret, oleum æthereum una cum parte aquæ additæ in vapores expansæ in excipulum transeunt, simulque faciunt aquam destillatam medicinalem, quæ a planta adhibita nomen habet, uti sunt *Aqua menthæ*, *Aqua salviæ* &c.

R 2

§. 734.

§. 734.

Hinc jam intelligere est, aquas destillatas bonas folis ex illis plantis parari posse, quæ aroma observabile oleumque æthereum continent; illas autem plantas, quarum vis medica partibus fixis inhæret, cujusmodi sunt mere dulces, amaræ, acerbæ, nutrientes, emollientes &c. aquas destillatas dare inefficaces & inodoras. Sunt quidem plantæ, quarum virtus narcotica aut purgans in aquas destillatas migrat; at certe tantilla hæc est, ut ne mereatur operam.

§. 735.

Aroma in aquis destillatis oleo æthereo ligatur, nec igitur tam facile avolat. Sed etiam propter eam aquæ destillatæ istiusmodi plantarum, quæ oleum æthereum vix possident, brevi aroma suum omne perdunt, imo sæpe nec quidquam de illo fuscipiunt.

§. 736.

Multæ aquæ destillatæ tanta abundant olei ætherei copia, ut solutum retinere nequeant. Excussam itaque aquam mechanica
mi.

missione turbidam reddit, tandem vero in aquæ superficie aut fundo colligitur, quando aquæ redit limpeditas. Sunt & aquæ, recentes limpidae, ætate turbidæ; si nempe aroma, quod, ad copulandum cum aqua oleum, requiritur, avolat. Sunt tandem recentes turbidæ, & per annos turbidæ mansuræ; sed hoc ab alia quam ab oleo causa pendere videtur.

§. 737.

Unicuique aquæ destillatæ sua sit saturitas; quam experientia & plantarum cognitio determinabunt. Omnis aqua potest esse nimis debilis; quædam etiam esse possunt nimis fortes. Primum vitium cohobatione emendatur, quando talis aqua super nova recente ejusdem speciei planta destillatur. Alterum vitium tollit aqua destillata simplex affusa.

§. 738.

Ut aquæ destillatæ bene parentur, adhibendæ sunt cautelæ sequentes.

1. Vesica ne sit herbis nimio opere impleta; possent enim motu ebullitionis & spume-

ſcentiæ in alambicum elevari, atque ſic turbare operationem.

2. Omnes commiſſuræ charta adglutinata ſint probe occluſæ, ut ne ulla fiat vaporum jactura.

3. At ex illis commiſſura, quæ inter roſtrum ſerpentis & excipulum eſt, tunc demum claudatur, quando operatio jam rite procedit; ut aëri, in principio de plantis copioſius ſe extricanti, concedatur exitus.

4. Aqua in dolio refrigeratorio ſervetur ſemper frigida, ut aqua deſtillata, per ſerpentem tranſiens, jam ſufficienter refrigerata in excipulum adveniat; ſecus aroma magnam partem diſſiparetur.

5. Quam primum aqua deſtillans odorem plantæ ultra non habet, finienda operatio eſt; nam quæ nunc prodire aqua pergit, omnis virtutis expers, prius obtentam bonam aquam nimio opere dilueret & debilitaret. In turbidis aquis finis operationis indicatur vel per ipſam ſolam limpiditatem. Quin poſſit rei peritus ex copia plantæ adhibitæ & aquæ obtentæ de hoc ſine judicare,

6. Aquæ sufficiens quantitas jam ante destillationem affundenda est; ne plantæ dein in vesica siccescant atque amburantur, quo odor aquis destillatis conciliaretur ingratus, & acidi empyreumatici una quidquam transgrederetur.

7. Vesica & imprimis alambicus sint stanneo probe obducta, ne ærugo nascatur.

§. 739.

Aquæ destillatæ in cellis frigidis siccisque asserventur, in vasis vitreis aut terreis, subere & charta leviter clausis. Quæ pro usu quotidiano in officinis locantur, in lagenis vitreis, subere exacte occlusis, contineantur; atque in his etiam cavendum, ne oleum æthereum supernatet, quod facile in misturas medicas effundi posset.

§. 740.

Partes vegetabilium compagis durioris, aut quæ oleo æthereo quam maxime abundant, ante destillationem macerari in vesica per aliquot horas solent, ut possit aqua majorem partium volatiliū suscipere copiam.

In hac maceratione aliqui proponunt additamentum salium, qui, si non noceant, vix prodesse poterunt.

XCVI. DE OLEIS AETHEREIS.

§. 741.

Si aqua destillata plus olei ætherei tenet, quam tenere solutum potest, hoc congregatur in stratum singulare aut in superficie aut in fundo aquæ. Ut sic obtineatur hoc oleum majore in copia, cohobatur aliquoties aqua destillata super recente simili planta, & subministratur ignis jam in principio fortior, ut ne oleo tempus detur insinuandi se aquæ.

§. 742.

Cæterum hæc operatio in tractatione & cautelis congruit cum destillatione aquarum prægressa. Triplici methodo olea ab aquis separantur :

1. Cochleari argenteo.

2. Infundibulo vitreo.

§. Filo xyliño, per quod oleum transmeat in lagenulam collo excipuli appensam. Cum simul hac methodo omnia inquinamenta in aqua remaneant, merito hæc reliquis præfertur.

Olea, quæ aquam gravitate superant, aut separantur sola altera methodo, aut soluto sale communi aqua oleo redditur gravior, ut oleum supernatet, quando reliquæ duæ methodi etiam habere locum possunt.

§. 743.

Olea ætherea, essentialia, stillatitia, destillata sunt omnia in calore aquæ ebullientis volatilia, quin pleraque vel in ipsa avolent atmosphæra. In hac pauca continuo congelantur, & altiore egent temperatura ad liquefactionem. In aëre libero omnia spissescunt, tandemque in massam resinofam mutantur, ubi quædam salem acidum, alia camphoram deponunt.

§. 744.

Olea ætherea valde variant colore; alia excoloria sunt, flava alia, aut fusca, vel ru-

B 5

bida,

bida, imo cærulea, aut virentia. Sæpe vel unius ejusdemque plantæ oleum pro diversitate foli plantæ nativi, ætatis plantæ, gradus ignis in operatione adhibiti &c. colore discrepat. Nec minus olei vetustas mutat colorem.

§. 745.

Pleraque olea ætherea, ejusmodi sunt Europæa, sunt aqua specificè leviora, ejusdemque superficiem petunt. Pauciora sunt graviora aqua, cujus ad fundum cadunt; quorum olea pertinent ex aromatibus utriusque Indiæ. Plura olea sunt valde tenuia & liquida; quædam autem, etiam recenter parata, sunt spissa & mucilaginosa, sic ut in destillatione ubique rofiro alambici & serpenti refrigeratorio adhæreant, uti oleum millefolii. Hæc autem oleorum spissitas nihil facit ad eorundem gravitatem specificam.

§. 746.

Semper olea ætherea odorem habent plantæ, ex qua eliciuntur. Sapore pollent acri & urente; at non semper hæc acrimonia est proportionata acrimoniæ plantæ, sic oleum

artemisiæ dracunculi parum acre est, comparatum cum planta ipsa.

§. 747.

Sunt autores, qui perhibent, ex plantis ficcis plus olei obtineri quam ex recentibus. Etiam si hoc ita se non haberet, dant tamen siccæ oleum purius & tenuius.

§. 748.

Olea ætherea sunt vera educta, inque plantis talia latitant, qualia inde acquirimus; quod evincitur, dum ex quibusdam vegetabilium partibus sola pressione oleum æthereum educi potest, uti ex cortice fructuum aurantii & citri.

§. 749.

Cum olea ætherea semper caro consent pretio, sunt obnoxia adulterationi; quæ sit:

1. Per olea pressa.
2. Per spiritum vini.

3. Per olea ætherea viliora.

Prima fraus detegitur, quando charta, oleo examinando illinita, prunarum calori exponitur, ubi macula pellucida, si oleum genuinum est, tota quanta disparebit. Aut ejus gutta instillatur in spiritum vini, qui oleum æthereum solvet, presso relicto intacto.

Alteram fraudem dignoscimus, si olei guttam unam alteramve ex alto in aquam demittimus, quæ vestigium lacteum post se relinquet, si est adulteratum.

Suspiciamur fraudem tertiam, quando linteum, hoc oleo imbutum, cito calefit, ex odore; nam hæc adulteratio ut plurimum fieri ope olei terebinthinæ solet.

XCVII. DE OLEIS UNGUINOSIS.

§. 750.

Quædam plantarum partes continent aliam olei speciem, æquè essentialis & liberi, ab oleis æthereis tamen diversissimi. Tales partes præprimis semina sunt, uti amygdalæ, nuces, semina lini, cannabis &c., ex quibus
tusis

lulis & linteo involutis sola pressione illud elicere possumus. Verisimiliter omnes plantæ hoc oleum ceu partem constitutivam tenent, at plurimæ cum partibus reliquis mucilaginosi & resinosis tam arcte connexum, ut ne facile extricari queat.

§. 751.

Hæc sic dicta *Olea unguinosa* aut *pressa* ab æthereis imprimis differunt, quod odore careant, sapore gaudeant miti; quod altiorē temperaturam sustineant immutata & fixa, tandemque prius resolvantur quam avolent; & quod in aqua & spiritu vini solvi omnino renuant.

§. 752.

Pleraque olea unguinosa in atmosphæræ temperatura sunt liquida; quam, ut congelascent, remissiorem exigunt. Pauca tamen quædam in eadem congelata perstant, uti olea baccarum Lauri & feminum Cacao, quod ultimum propterea butyrum Cacao vocatur. Cum hæc olea ex prelo non facile defluant, alia obtinentur via, dum semina tusa aliquandiu decoquantur in aqua, ubi oleum calore
li-

liquefactum ex feminibus se extricat, aquæ superficiem petit, & in frigesfacta iterum congelatur.

§. 753.

Major olei copia est, si semina ante pressionem aut coctionem leviter torrentur, quo mucilaginosæ feminum partes desiruuntur. Cum vero ipsa hæc mucilago sit, quæ ad oleorum blanditiem multum facit, acquiruntur sic olea dilutiora & minus blanda. Tum etiam hic quam maxime feminum ambustio præcavenda est, ne olea empyreuma redoleant. Feruntur quoque olea ex feminibus tostis citius rancescere.

§. 754.

Olea unguinosa, diu asservata, corrumpuntur & rancescunt; acidum eorum evoluitur, iisdemque saporem dat acrem & odorem mordacem. Hæc corruptio aut citius aut tardius contingit, ut plurimum in ratione inversa temperaturæ ad congelationem oleorum requisitæ. Quando olea unguinosa tenuiter expansa aëri exponuntur, oxygenium ex hoc in se trahunt, transeuntque in massam ceræ

fi.

similem. Idem citius fit per acida, imprimis per acidum muriaticum oxygenatum. Solo tritu cum acido sulphurico concentrato paratur ex illis sic dictus *Sapo acidus*.

§. 755.

Hæc olea, ad ebullitionem sine additamento cocta, etiam inspissantur; multo autem citius, si coquuntur cum metallis oxydatis, quorum oxygenii partem attrahendo spissiora evadunt. Hoc modo ex oleo lini & calce plumbi conficitur *Vernix*, quæ dicitur *oleosa*, quæ facilius exsiccat, atque hinc ad colores adhibetur.

§. 756.

Olea unguinosa non agunt in terras, sed agunt in sales alcalinos, quibuscum causticis copulantur in *Sapones vegetabiles*. In hunc finem lixivium alcalinum causticum coquitur aliquandiu cum oleo unguinoso. Sapo in aqua solubilis est, & ab acidis resolvitur, quæ oleum excutiant. Cum soda sapo paratur siccus, cum lixiva autem in aëre humescens. Sapo ammoniacalis solo longo tritu perficitur.

§. 757.

Tam olea unguinosa quam ætherea sulphur opè caloris facile solvunt, formantque liquorem spissum & fuscum. Si partes duodecim olei unguinosi cum una parte sulphuris tractantur super igne in vase terreo, incrustato plumbi vitro, vocatur massa hinc orta *Balsamum sulphuris Rulandi*. Materies in hac operatione valde intumescit, & facile incenditur. Incensio præcavetur prudenti ignis regimine. Istiusmodi etiam præparantur balsama sulphuris cum oleis æthereis in phialis chemicis; sed hic incensio promptior est, cum periculosissima sæpe explusione conjuncta.

Si semina, multo oleo unguinoso turgida, cum pauca addita aqua tunduntur in mortario, massæ expressione. liquor obtinetur albus & lacti similis, qui *Emulsum* nuncupatur. Tussio enim est pressio continuata, qua oleum unguinosum ex seminibus educitur, & ope partium farinacearum & mucilaginosarum, una secum excretis, in aqua solutum aliquandiu manet.

§. 759.

Est nihilominus hic partium constitutivarum nexus in emulso debilis; nam oleum una cum partibus farinaceis quiete paulatim ex aqua secedit; quod tamen in eam quassatione redire potest. Facit mucilago, ut emulsum brevi fermentetur; quod fieri calidissimis æstivis diebus paucas intra horas solet. Ab oleo unguinoso etiam rancescit.

XCVIII. DE CERA, RESINIS, BALSAMIS ET GUMMIBUS.

§. 760.

Cera proprietatibus suis, quam maxime congruit cum oleis unguinosis puris, eademque se ratione habet in igne & in compositionibus suis. Cera ex natura sua albet, foloque a melle colorem flavum adipiscitur, qui iterum illi adimi lotione & expositione ad aërem, tum etiam per acidum muriaticum oxygenatum potest. Vocatur tunc *Cera virginea* vel *candida*.

C

§. 761.

§. 761.

Cera vulgaris ex plantarum floribus ab apibus colligitur. Dantur tamen etiam plantarum partes, quæ tanta ceræ copia abundant, ut sola possit coctione ex illis fecerni. Talis est cera viridis illa, quam præbent fructus Myricæ ceriferæ, oleis unguinosis magis accedentem. In India occidentali apes degunt, quæ ceram largiuntur atram & lotionem dealbari nesciam.

§. 762.

Gummi est succus inspissatus plantarum, quem aut sponte aut ex læso cortice exsulant. Coloris est plerumquæ albi aut flavescentis, rarius fusci aut rubri. In aqua solutum facit *Mucilaginem*. Nec alcohol, nec æther, nec olea æthereæ aut unguinosa gummi solvunt. Mucilago, ex aliis plantarum partibus uti ex radice althææ, seminibus cydoniæ &c. per coctionem extracta, tum quoque amyllum, a gummi in aqua soluto haud differunt.

§. 763.

§. 763.

Eadem ratione, uti gummi, etiam *Resinæ* ex vegetabilibus exoriuntur. Hæ sunt inflammabiles, odoremque accensæ spargunt fortem propriumque. Perfecte solvuntur in alcohole, quocum faciunt *Tincturas*, *Essentias* & *Elixiria*. Fere ex quavis planta partes resinosa ope alcoholis extrahi possunt, tincturaeque sic parari, quæ ad affusam aquam iterum resinam omnino omnem excutiunt, quæ tunc etiam *Extractum spirituosum* audit. In oleis æthereis & unguinosis resinæ non minus solvuntur, cumque illis vernices, cum his balsama artificialia fiunt. Potest etiam ex quibusdam resinis, ope destillationis cum aqua, oleum æthereum elici.

§. 764.

Balsama a resinis sola discrepant fluiditate sua; tum etiam quod oleo æthereo ditiora sint, unde odor illis fortior & aliquis sapor. Omnes resinæ nativæ erant in ortu suo balsama, & omnia vicissim balsama possunt jactura artificiali olei sui ætherei in resinas converti.

Gummirefinæ sunt succi nativi vegetabilium inspissati, compositi ex gummi & ex resina. Arte conficiuntur, posteaquam plantarum partes in alcohole diluto digestæ fuerunt, per evaporationem hujus alcoholis. Propterea etiam plures tincturæ continent gummirefinas.

Ab omnibus hisce corporibus discrimina-
tur *Gummi elasticum* vel *Caoutchouc*, sive
succus inspissatus *Iatrophæ elasticæ*, Indiæ
occidentalis plantæ. Nec solvitur ab aqua,
nec ab alcohole; ab oleis unguinosi rarius; ab
æthere autem & naphtha solvitur perfecte. In
igne funditur in massam unguinosam, non de-
nuo solidandam. Naturaliter ex albo flave-
scit, fumo autem artificiali denigratur. Cum
hoc corpore etiam tantisper convenit succus
expressus & inspissatus ex baccis *Visci albi*.

XCIX. DE CAMPHORA.

§. 767.

Camphora est corpus singulare, in pluribus plantis odoriferis latitans, sed exigua omnino copia, & dumtaxat spontaneo ex oleis æthereis secessu observabilis. Solis in Lauro *Camphora*, Lauro *Cinnamomo* & Arbore *camphoriferâ* *Sumatreusi* tanta continetur copia, ut non solum ex trunco ramis radicibusque exfudet, sed etiam ope sublimationis ex iisdem acquiri possit. Illa, quæ in Europa venalis est, omnis debetur Lauro *Camphoræ Japonensi*.

§. 768.

Camphora coloris est candidi & compagis crystallinæ. Proprio pollet validoque odore. Avolat in atmosphæræ temperatura absque relicto vestigio sui ullo. In vasis clausis sublimatur immutata. Aqua specificè levior est, a qua plane non solvitur. Facile autem solvitur in spiritu vini, oleisque æthereis & pressis.

Sic etiam solvitur in acidis mineralibus, & si octo partes acidi nitrici per destillationem abstrahuntur ab una parte camphoræ, atque hoc duodecies cum novo acido repetitur, obtinetur sal acidus siccus, *Acidum camphoricum*, quod proprietatibus suis ab acido oxalico non discrepat. Mistia destillataque cum argilla, camphora in oleum mutatur flavescens, *Oleum camphoræ*, a camphora ipsa præterquam fluiditate sua haud diversum.

C. DE SACCHARO.

Saccharum est corpus album & crystallinum, ex arundinis sacchariferæ succo expresso per evaporationem & depurationem obtentum. Idem quoque parari ex succo multarum aliarum plantarum potest. Nec manna & mel, rite purgata, a saccharo chemice differunt.

§. 771.

Saccharum proprietatibus suis generalibus cum salibus quodammodo convenit. Proprio dulcique gaudet sapore, in aqua & spiritu vini solvitur, oleaque conjunctione sua reddit in aqua solubilia.

§. 772.

Si sacchari pars una cum tribus acidi nitrici partibus destillatur, & iterum, quando gas nitrosum prodire cessat, cum aliis tribus acidi nitrici partibus destillatur, in residuo liquido sal albus crystallifatur, qui *Acidum sacchari* est. Acidum nitricum hic partim resolvitur, dum ejus oxygenium cum saccharo copulatur in acidum sacchari, gas nitrosum avolat, & reliquum acidum nitricum transit in excipulum.

§. 773.

Acidum sacchari format crystallos prismaticas tetraëdras normales, sapore præditum acri acido nec ingrato. Solvitur in dupla aqua frigida cum crepitatione. Super igne in vasis clausis partim sublimatur ceu

pulvis albus, partim resolvitur & in excipulum depluit ut acidum sacchari empyreumaticum.

§. 774.

Acidum sacchari cum salibus alcalinis fixis copulatur in sales neutros, in aqua calida facile solubiles; qui superfaturari acido possunt, tunc forma columnari crystallifabiles; & qui, dum igne resolvuntur, sales alcalinos mites post se linquunt. Cum ammonia qui exsurgit sal neuter, etiam crystallos columnares tetraëdras habet, in aëre fatiscit, & in igne partim resolvitur, partim sublimatur.

§. 775.

Inter omnes bases alcalinas calx in proxima fiat affinitate cum acido sacchari. Sal inde enatus medius est in aqua fere insolubilis; unde acidum sacchari purum æque ac sales neutri acido - saccharini optima sunt criteria pro detegenda calce. Aptissime sal ille paratur resolutione nitratis calcis per acidum sacchari.

§. 776.

§. 776.

Baryta & magnesia cum acido sacchari faciunt sales medios, qui, dumtaxat acido supersaturati, in aqua sunt solubiles, & quorum tunc prior crystallifari se patitur. Alumina acido-saccharina sibiit massam flavescentem, non crystallisabilem & in aëre deliquescentem.

§. 777.

Acidum sacchari ferme cum omnibus metallis conjungitur in sales medios, in aqua difficulter solubiles. Mercurius acido-saccharinus possidet, igni expositus, vim tonitruantem.

CI. DE SALE ACETOSELLAE.

§. 778.

Oxalis Acetosella, Rumex Acetosa, & forsitan omnes plantæ saporis vere acidi, continent salem, qui in succis earundem expressis & evaporatis quiete crystallifatur, & illarum *Sal essentialis* vocari suevit. Ut obtineatur ex Acetosella, succus recens ad mel-

lis fere spissitudinem evaporatus infunditur in lagenam collo angusto donatam, & tegitur firato superafusi olei olivarum. Post elapsas aliquot hebdomades crusta lateribus lagenæ adnata conspicitur, quæ est *Sal Acetofellæ*, cujus copia major ex eodem succo per repetitam operationem acquiri potest.

§. 779.

Sal hic acetofellæ est sal neuter acidulus, constans ex lixiva acido naturæ propriæ supersaturata. Coit in crySTALLULOS subtiles lamellares, solvitur in sex partibus aquæ fervidæ, & in atmosphæra constans est. Ut resolvatur, in ejusdem solutionem aquosam instillatur quidpiam nitratis barytæ; quæ copulatur cum acidò oxalico, dum acidum nitricum jungitur cum lixiva. Præcipitatus oxalas barytæ dein resolvitur digestus cum acidò sulphurico.

§. 780.

Antea habebatur. *Acidum oxalicum* proprio acido, diversoque ab acido saccharino; at hodie per experimenta evictum est, in nulla proprietate ab invicem illa recedere,

&

& hinc Acidum oxalicum & Acidum saccharinum promiscue usurpantur.

CII. DE ACIDO BENZOICO.

§. 781.

Resina Benzoë singularem in se tenet liberumque salem, qui *Acidum benzoicum* nuncupatur, & qui inde extrahi variis potest modis, quorum duo prævalent. Scilicet aut funditur benzoë leni calore in cucurbita figulina cum imposito cono papyraceo aut terreo, ex quo sublimatæ crystalli subtiles & candidæ tolluntur, & asservantur sub titulo *Florum benzoës*, qui sunt Acidum benzoicum. Aut benzoë in pulverem redacta cum calce recens extincta coquitur in aqua, lixivium filtratur & evaporatur, cui frige facto acidum instillatur muriaticum, & sic acidum benzoicum forma pulveris albi præceptus datur.

§. 782.

Acidum benzoicum saporem habet urentem & proprium, & in crystallos concrevit sericeo-nitentes & subtiles, in aëre constantes. In aqua frigida difficulter solvitur, facilius in
fer-

fervida & in spiritu vini. In vasis clausis sublimatur totum nec mutatum. In contactu autem cum atmosphæra igni expositum comburitur cum flamma & odore grato. Ab acido nitrico parum afficitur.

§. 783.

Cum salibus alcalinis facit sales neutros, in aciculas crystallisabiles, ex atmosphæra humiditatem attrahentes aut fatiscences. Cum calce sal medius enascitur, in aqua omnino solubilis & saporis dulciusculi. Omnes hi sales igne resolvuntur.

§. 784.

Multæ aliæ resinæ & balsama pariter acidum benzoicum largiuntur; cujusmodi Balsamum peruvianum, tolutanum, storax &c.

CIII. DE ACIDO CITRICO.

§. 785.

Succus citri proprie componitur ex quatuor partibus; ex *Acido citrico*, ex acido malico, ex mucilagine, & ex aqua. Acidum citri-

tricum purum sequenti modo exinde secerni potest. In succum citri purum calefactumque injicitur creta pura, quæ cum acido citrico conjungitur in falem medium, in aqua indissolubilem, dum alia cretæ pars cum acido malico copulatur, inque aqua soluta manet. Sal præcipitatus separatur, digeriturque cum acido sulphurico diluto, quod cretam invadit, dum ex lixivio superfluo evaporato acidum citricum nunc purum in crystallos concrevit.

§. 786.

Acidum citricum cum salibus alcalinis abit in sales neutros crystallisabiles & deliquescentes, cum terris alcalinis sales medios non crystallisabiles. Ab acido tartari imprimis in eo discrepat, quod muriatem lixivæ non resolvat. Coctum cum acido nitrico mutatur in acidum sacchari.

CIV. DE ACIDO MALICO.

§. 787.

Succus pomorum continet acidum proprium, dictum *Acidum malicum*, quod ex illo

illo sequenti ratione obtinetur. Succus pomorum saturatur lixiva; lixivium hoc filtratur, in quod acetas plumbi instillatur donec præcipitatio cesset. Edulcatum præcipitatum digeritur cum acido sulphurico diluto, & liquor effusus purum est acidum malicum.

§. 788.

Acidum malicum, si purum est, nunquam in crystallos adigi potest. Cum acido nitrico coctum abit in acidum sacchari. Cum salibus alcalinis format sales neutros deliquescentes. Calce perfecte saturatum, salem medium facit indissolubilem in aqua; imperfecte vero eadem saturatum, salem in aqua facile solvendum.

§. 789.

Acidum malicum facile solvit ferrum, ut, si illud recens cum ferro digeratur limato, exsurgat solutio fusca, quæ per se sola evaporando exsiccata facit sic dictum *Extractum martis cum succo pomorum*, cum alcohole autem ligata *Tincturam martis cum succo pomorum*.

§. 790.

§. 790.

Præter poma etiam plures alii fructus aciduli continent acidum malicum, ceu partem sui constitutivam, semper autem magis minusve cum acidis citrico tartarosoque commistum. Tales habent fructus berberis, ribes rubrum, prunus spinosa, cerasus, rubus idæus, fragaria, rubus fruticosus, sambucus, &c. ex quibus omnibus ad normam (§. 787.) præscriptam acidum malicum secerni potest.

CV. DE ACIDO GALLACEO.

§. 791.

Nota jam a longo tempore proprietas quarundam plantarum est, quæ *adstringens* vocatur, & quæ attribuebatur parti earundem cuidam singulari, propterea *Principio adstringenti* dictæ. Hodie evictum experimentis novissimis est, esse illud salinum & verisimiliter naturæ acidæ. Vegetabilium partes, quæ hoc magis abundant, sunt diversarum arborum cortices uti quercus, cinchonæ; folia theæ, sumach; præ reliquis autem gallæ, unde nomen *Acidi gallatei* acquisivit.

§. 792.

§. 792.

Tam aqua quam spiritus vini acidum gallaceum ex plantis extrahunt; & hinc enata infusa atque tincturæ proprio adstringente sapore & eo se manifestant, quod metalla ex solutionibus suis cum singularibus phænomenis præcipitent, uti aurum & argentum in statu metallico, cætera vero metalla sub diversis coloribus. Præprimis notissimum est nigrum ferri præcipitatum ex vitriolo ferri per acidum gallaceum, & natum inde cum corpore gummoso usitatissimum *Atramentum*.

§. 793.

Hæc omnia præcipitata haberi possunt ceu sales medii; ab acidis mineralibus iterum solvuntur; a vegetabilibus acidis manent intacta, quare acetum atramento additur, quo contra mucaginem defenditur.

§. 794.

Ut acidum gallaceum obtineatur purum, gallis in pulverem tuis superaffunduntur octo partes aquæ frigidæ; hoc infusum per aliquot dies quiescat, tunc flavescens effundatur, &

re-

reponatur in loco calido, quando post aliquot menses deponet materiem fuscam, quæ extrahatur superaffuso alcohole, & tinctura ad siccitatem evaporata dabit acidum gallaceum minutissime crystallisatum.

§. 795.

Acidum hoc gallaceum saporis est acidi, tincturam heliotropii rubefacit, cumque alcalibus aëratiss effervescit. Solvitur ab $1\frac{1}{2}$ parte aquæ & a 4 partibus alcoholis. Destillatione sicca dat phlegma acidulum & salem sublimatum siccum, acido benzoico visum similem, sed proprietates possidentem ipsius acidi gallacei. Coctum cum acido nitrico fere totum mutatur in acidum sacchari.

CVI. DE CAETERIS SALIBUS PLANTARUM NATIVIS.

§. 796.

Præter modo memoratos sales ferme omnes plantæ adhuc quidpiam salis alcalini fixi in se continent, quod digestionem cum acidis inde extrahi potest. Porro sæpe adhuc quibusdam in plantis per modum accidentis

D

ad-

adsunt sales minerales neutri & medii; uti in heliantho, nicotiana, boragine, aliisque nitrum; in plantis litoreis sal communis; in millefolio & plantis quibusdam aromaticis arcanum duplicatum; in tamarice sal mirabilis &c.

CVII. HABITUS PLANTARUM EARUN- DEMQUE PARTIUM IN TEMPERA- TURA ALTIORE.

§. 797.

Omnia huc usque instituta tentamina nos docuerunt, plantas ratione mutationis, quam patiuntur vexatæ fortiori igne, duplici sese modo habere, & ex hoc fonte fuisse a Boerhavia divisas in duas classes. Ut hac methodo plantæ examinentur, sine ullo additamento immittuntur in retortam vitream, igne urgentur per gradus lentos aucto ad usque candescentiam retortæ, & prodeuntia in diversis hisce temperaturis producta singulatim colliguntur.

§. 798.

§. 798.

Plantæ classis primæ dant hoc modo omnes:

1. Aquam nativam plantæ, sæpe etiam, ut plantæ sunt, aromate & oleo æthereo imprægnatam.

2. Liquidum fuscum empyreumaticum & acidum, successive saturatius fuscum, tandem nigricans.

3. Oleum spissum, nigrum & empyreumaticum. Tandem una exit copiosum gas hydrogenium & acidum carbonicum, & ultimo igne validissimo parca carbonatis ammoniæ portio. In retorta restat solus carbo.

§. 799.

Qui primus transit in excipulum liquor, est aqua nativa plantæ (§. 700.), sed sæpe jam subsequituris productis tantisper inquinata. Alterum productum est verum acidum, non equidem tale in plantis antea contentum, quale illud nunc extrahimus, sed quod enatum est ex earundem partibus mucilaginosiss

oleolisque, in alta hac temperatura combustis & partim ope oxygenii aquae nativæ plantarum in acida mutatis. Hoc acidum, majore copia ex partibus plantarum durioribus, uti ex lignis, acquirendum, vocatur ab hodiernis Chemicis *Acidum pyro-lignosum*. Ambusti sætor hujus acidi oritur imprimis a conjuncto oleo empyreumatico, a quo partim purgari iterata destillatione potest.

§. 800.

Olèum empyreumaticum, quod ultimo sum acido empyreumatico prodit, certe in ipsa demum operatione generatum est, & verisimiliter ab oleis æthereis discrepat sola majore carbonii copia, quam in se tenet. Destillatione sæpius repetita, sola per se hæc olea empyreumatica evadunt magis decoloria, excernunt semper quiddam acidi, & carbonem relinquunt. Tandem quoque in spiritu vini solvuntur.

§. 801.

Carbonas ammoniæ, qui ultimo candelæ igne ex plantis adscendit, etiam merum productum est. Omnes enim acidi car-

bo-

bonici & ammoniæ partes constitutivæ jam plantis inhærent, & in hac tantum temperatura redduntur aptæ; ut pro re nata inter se conjungi possint.

§. 802.

Caput mortuum hujus operationis est materies atra, quam *Carbonem* vocare solemus. Hic in vasis clausis ultra non mutatur, quamvis igne urgeatur, quo usque lubeat. At vero in contactu cum atmosphæra comburitur cum flamma candida; dum fere tres quartæ ejusdem partes copulantur cum oxygenio in acidum carbonicum; & solummodo lixiva aut soda, calx & particulæ metallicæ supermanent, quæ simul sistunt *Cinerem vegetabilem*.

§. 803.

Quæcunque partes plantarum primæ classis, tum etiam earundem extracta aquosa, pari sese modo habent; nisi quod hæc ultima minorem aquæ largiantur copiam, plus acidis oleique empyreumatici, & in carbonis cinere multum salem alcalinum & paucam terram. At vero si planta, multiplici decoctione prius exsucta, destilletur, dabit parum aci-

di & olei, & carbonem, in cujus cineribus particulæ terreæ & metallicæ, at nullæ alcalinæ, reperiuntur.

§. 804.

Cinis ergo, quæ ex combustio vulgari carbone, vel hujus ipsa planta recente combusta in igne aperto, acquiritur, constat ex partibus salinis, terreis & metallicis, quæ vero non semper eadem sunt, nec eadem ubique proportionem. Salinæ a reliquis facile separantur solutione in aqua, filtratione & evaporatione.

§. 805.

Ex hoc destillationis siccæ extractorum plantarumque excoctarum exitu concludere licet:

I. Tam acida atque olea empyreumatica, quam falem alcalinum fixum pro maxima parte, trahere originem suam ex plantæ partibus in aqua solutis.

2. Carbonem vulgarem constare ex substantia propria, quæ cum sale alcalino fixo, terra particulisque metallicis concrevit.

3. Substantiam hanc, quæ huc usque resolvi nequivit, & basin facit acidi carbonici, in plantis jam antea exstitisse, & esse verum eductum. Vocatur *Carbonium*.

§. 806.

Quæ procul ab aquis salis plantæ crescunt, omnes in cineribus suis lixivam habent; quæ vero ad litora maris aut lacuum salinarum vegetant, sic habent sodam, sed quæ ipsæ, dum aliis in locis coluntur, tantum lixivam gerunt. Major quantitas sodæ & lixivæ, quæ in commercio venduntur, dicto modo ex plantarum cineribus elixatur.

§. 807.

Sed non est hæc soda pura, nec est lixiva; sed plerumque plure vel parciore sulfate lixivæ, sulfate sodæ, sale muratico &c., inquinata. Ut hi sales secernantur, solvitur lixiva aut soda in aqua, lixivium filtratum evaporatur ad cuticulam, & refrigeratur; sic

sales illi neutri in cryſtallos coëunt, & ſal alcalinus in lixivio manet.

§. 808.

Nec eadem eſt in omnium plantarum cineribus copia ſalis; in partibus vegetabilium compactioribus & durioribus, cujuſmodi ſunt ligna dura, major eſt quam in teneris; quamvis etiam hæc inter ſint, quæ lignis iſtis vix cedant, uti pteris aquilina, abſinthium &c. Lixiva vulgaris, vulgo *Cineres clavellati*, dum purgata eſt, ſemper præciſe idem ſal eſt, ex quacunque planta fuerit parata; unde evidenter patet, quam ſint inutiliſſimæ lixivæ illæ, quæ olim tam numeroſæ ex diverſis plantis combuſtis extrahebantur, notiſſimæ in pharmacopæis ſub magnifico & falſo *Salium eſſentialium* titulo.

§. 809.

Erat etiam olim alia hæſce ſales præparandi methodus. Comburebantur plantæ in ſartagine ferrea, operculo leviter occluſa, in carbonem; hic dein, operculo ſublato, in cineres; qui elixantur. Vocabantur hi ſales ab inventore *Sales Tacheniani*; paulo mitio-

res & ob adhærens oleum empyreumaticum parum flavescentes. Sin vero, ut volebant aliqui, cineres ante elixationem in tigillo calcinabantur, nullo momento a vulgari lixiva differre poterant.

§. 810.

Sunt præterea in usu medico sic dicti *Sales essentielles cum sulphure parati*. Scilicet sal essentialis supra memoratus in crucibulo funditur cum florum sulphuris portione æquali, & relinquitur crucibulum candens & apertum in igne per aliquot horas, donec massa albescat. Hoc tunc in aqua solvitur; solutio colata evaporataque refrigerando crystallifatur. Cum totum hic sulphur deflagret, facillimum videre est, essentialem talem cum sulphure paratum sale esse nihil aliud quam merum sulfatem lixivæ seu vulgatissimum arcanum duplicatum. Interea caveat pharmacopola, ne essentielles illos duos sales ex incuriæ commutet.

§. 811.

Quando ex cineribus omnis sal elixatus est, restat pulvis, qui ex calce, nonnunquam

D 5

ex

ex pauco gypſo , pauciſſimo ferro metallico
& magnefio oxydato componitur.

§. 812.

Si plantæ, quas Boerhaavius in ſecunda ſua claſſe locat, ſimili tractantur, ſine ulla re addita, deſtillatione ſicca, uti ſupra dictum eſt, dabunt:

1. Eandem plantæ nativam aquam, hic plerumque fætidulam.

2. Oleum empyreumaticum fætidiffimum.

3. Carbonatem ammoniæ, tam ſiccum, quam liquidum.

Reſiduum in retorta eſt carbo ſemicolliquefactus, cujus combuſti cinis nullum continet ſalem, ſed tantummodo terram & particulas metallicas.

§. 813.

Generatio horum productorum ſolo eodem explicari modo poteſt, uti in plantis primæ claſſis. Produci hic nullum ſalem al-

ca-

calinum fixum, sed solum volatilem, pendet fortasse a diversa relatione partium constitutarum in plantis utriusque classis. Carbo plantarum hujusce classis multo difficilius in cineres collabatur quam carbo priorum, atque hinc ad carbonem animale propius accedit.

§. 814.

Pleræque cognitæ plantæ pertinent ad primam classem. Altera classis complectitur primo acres illas omnes plantas, quarum odor aut excitat sternutationem aut ciet lachrymas. Istiusmodi sunt nicotiana, helleborus, cepa, allium, sinapis, armoracia, & tota plantarum cruciformium classis, in qua crambe tataria exceptionem facit. Huc pertinet etiam morus alba &c.

CVIII. DE HABITU SINGULARI PARTIUM QUARUNDAM PLANTARUM IN TEMPERATURA ALTIORE.

§. 815.

Tam olea ætherea quam unguinosa, de stillata per se igne fortiori, dimittunt gas hydrogenium, gas acidum carbonicum, aliquid aci-

acidi empyreumatici, & oleum empyreumaticum, relicto carbone, qui uritur in cineres mere terrestres sine ullo sale.

§. 816.

Si olea qualiacunque in vasis clausis comburuntur in gas oxygenio aut aëre atmosphærico, producuntur mera aqua & acidum carbonicum, idque in diversa proportionem pro diversitate olei. Videntur itaque olea in universum constare ex hydrogenio, acido carbonico & tantilla terra, quæ omnia in diversis oleis diversa portione continentur.

§. 817.

Cera, oleis unguinosis in proprietatibus chemicis tam analoga, destillatione sicca & combustionem dat. etiam similia producta. Ex cera destillata per se ex retorta transit in exipulum massa fastida butyracea, *Butyrum ceræ* dicta, & quidpiam acidi, remanente tantillo carbone. Hoc butyrum nova destillatione mutatur in oleum liquidum, vulgo *Oleum ceræ*, cum secretionem novi acidi & residuo novo carbone. Potest etiam unica destillatione ex cera obtineri oleum purius & magis de-

volør, si scobs ceræ cum æquali ad minus
portione calcis destillatur.

§. 818.

Gummi, mucilagines & substantiæ vegetabilium saccharoideæ eadem cum plantis primæ classis producta largiuntur, nisi quod acidum illorum empyreumaticum ab acido pyrolignoso tantisper discrepet, unde nomen proprium *Acidi pyro-mucosi* acquisivit. Carbo horum corporum plerumque valde spongiosus nitidusque est, cujus cinis sale alcalino destituitur, solummodo compositus ex calce & phosphate calcis. Nova destillatione per se aut cum addita argilla purâ potest acidum pyro-mucosum purgari.

§. 819.

Producta resinarum, tum etiam resinæ elasticæ, per destillationem siccam congruunt cum illis plantarum primæ classis, excepta aqua nativa, qua carent. Tum etiam olea earum empyreumatica non tam ingrate olent, quin sint quædam suaveolentiâ, uti oleum benzoës. Parum carbonis relinquunt, imprimis

mis si puriores sunt, in ejus cinere nullus adest sal alcalinus.

§. 820.

Balsamorum, posteaquam primo calore oleum suum æthereum dimiserunt, eadem producta sunt cum resinis.

§. 821.

Producta gummiresinarum componuntur ex productis gummi & resinæ.

§. 822.

Gluten farinæ destillatione sicca dat producta plantarum secundæ classis; tota autem farina dat producta primæ classis, nisi quod acidum empyreumaticum hic sit pro parte cum ammonia copulatum.

§. 823.

Fuligo est corpus illud, quod in combustionem vegetabilium, fumi specie elevatur, dum nedum poterat plene comburi, & cami-

no se affigit. Hæc per se destillata promit producta plantarum secundæ classis.

CIX. CONSIDERATIO GENERALIS REMOTORUM PLANTARUM PRINCIPIORUM.

§. 824.

Quamvis ab accurata & ultima vegetabilium analyfi adhuc longe absumus, possumus tamen ex ante memoratis factis, & ex observatione generali, vegetabilia omnia combustionem in acidum carbonicum, aquam, ammoniam, sales alcalinos, terras, ferrum & magnesiumum resolveri, in universum concludere, ultima generalia vegetabilium principia esse 1. oxygenium, 2. hydrogenium, 3. azotum, 4. carbonium, 5. calcem, 6. ferrum, 7. magnesiumum.

§. 825.

Substantiæ hæ simplices, in diversis proportionibus inter se ligatæ, sistunt ad mentem Lavoisieri omnia corpora vegetabilia. Sic olea conflantur ex hydrogenio & carbonio. Hæc duo, diversimode proportionata inter se,

se, facerent cum azoto & parco oxygenio substantias saccharoideas, gummi, mucilagines &c., quæ omnia celeberrimus Lavoisier pro veris oxydis habet. Quibus si additur plus oxygenii, evadunt varia acida vegetabilia.

CX. DE FERMENTATIONE GENERATIM.

§. 826.

Mutatio illa, quam partes plantarum sponte & sine calore artificiali, certis sub conditionibus, patiuntur, & qua in chemicis suis proprietatibus magnopere alterantur, dicitur *Fermentatio*; quæ pro diversitate productorum suorum in tres species dividitur, scilicet in *Fermentationem vinosam*, qua alcohol; in *acidam*, qua acetum; & in *putridam*, qua ammonia produciuntur.

CXI. DE FERMENTATIONE VINOSA.

§. 827.

Non omnes plantarum partes sunt ad fermentationem vinosam aptæ, sed solæ illæ, quæ

quæ materiem sacchari aut mucilaginem in
 majore copia possident. Conditiones præter-
 ea, ad hanc fermentationem requisitæ, sunt:

1. Certus quidam liquiditatis gradus.
 Nimis liquidi, & nimis spissi plantarum succi
 difficulter fermentantur.

2. Temperatura circiter $+15$ graduum.

3. Massa paulo major; in minoribus
 enim hæc fermentatio haud bene procedit.

4. Accessus atmosphæræ; saltem hic non
 plane præclusus.

§. 828.

Si sub his conditionibus succus plantæ
 recens fermentari cœpit, in eo observatur
 motus intestinus, qui semper augetur, donec
 fermentatio ad summum statum perrexit. Eo-
 dem tempore liquor etiam proportionate ex-
 panditur, & temperatura ad gradum 20 spon-
 te elevatur. Tunc liquor turbatur, atque
 evolvitur ex illo cōpia magna gas acidi carbo-
 nici, quod, si omnia tranquilla sunt, liquori
 seu stratum singulare incumbit. Omnia hæc

E

phæ-

phænomena sic iterum gradatim decrescunt; liquor revertitur ad pristinam limpiditatem, gaudet nunc vi inebriante, vocaturque *Vinum*.

§. 829.

Quantumvis qualiscunque succus vegetabilis, qui aliquam materie saccharini copiam tenet, sit ad vinosam fermentationem aptus, possitque dare vini speciem, solent tamen pro usu œconomico sequentia præprijis corpora in hunc finem adhiberi.

1. Succus uvarum; ex quibus vinum proprie sic dictum paratur.
2. Succus malorum pyrorumque.
3. Hordeum; ex quo cerevisia.
4. Mel; ex quo hydromel.
5. Cerasa.
6. Pruna.
7. Oryza.
8. Saccharum.

Prio-

Priora quatuor vini genera sic per se potantur. Ex ultimis quatuor solus destillatione abstractus spiritus in usu est.

§. 830.

Principes omnium vinorum partes constitutivæ sunt liquor singularis volatilis, *Alcohol* dictus; sal proprius, qui *Tartarus* vocatur; & extractum resinoso-gummosum, a quo partim pendent color vinorum saporque.

§. 831.

Ut alcohol a reliquis vini partibus separetur, liquor qualiscunque destillatur ex balneo aquæ aut alias leni igne, quando alcohol decolor in excipulum transit. At in prima hac destillatione, imprimis si ignis subministratus sit paulo validior, alcohol adhuc aquam & quidpiam olei ætherei continet, a quibus per alteram & prudentem destillationem ex aquæ balneo liberari potest.

§. 832.

Vinum, post alcoholis abstractionem superstes, omnem perdidit odorem, habet-

E 2

que

que saporem acidum acerbum & ingratum. Constat ex tartaro & ex particulis gummosis resinosis & colorantibus, potesque per evaporationem in verum *Extractum vini* inspissari.

§. 833.

Variae in usum tractae fuerunt methodi dignoscendae alcoholis puritatis, cujusmodi sunt ejusdem deflagratio, quando aquam post se linquere haud deberet; aut ejusdem accensio super pulvere pyrio, qui inde & ipse incenderetur. At vero omnes fallaces sunt, & pendent partim a proportionata adhibiti alcoholis copia. Optima examinandi alcoholis methodus est ope lixivae siccae, quae ex alcohole aquam in se trahit, nec cum alcohole tunc copulatur, sub quo stratum liquidum separatum sistit. Sed vel certior faciliorque exploratio est aërometro.

§. 834.

Alcohol purum est liquor limpidus, decolor, acris calidique saporis & odoris grati, qui pro diversitate corporum, ex quibus paratum est, proprii quiddam habet. Nullo

cognito frigoris gradu congelatur. Gaudet gravitate specifica 0,8293. In vasis clausis elevatur immutatum; in contactu cum atmosphæra si incenditur, deflagrat flamma cærulea, sine fuligine & sine carbone. Sola sic producitur aqua cum tantillo gas acido carbonico.

§. 835.

Alcohol cum aqua copulatur in omni proportionem; tantaque est ejusdem cum aqua affinitas, ut plures sales neutri, quos solvere alcohol nequeat, hujus ope ex aqua præcipitentur; haud aliter atque alia in alcohole soluta corpora, quæ in aqua solvi recusant, per aquam inde excuti possunt, uti exsurgit ex tinctura benzoës cum addita aqua sic dictum *Lac virginis*.

§. 836.

Quæ nota sit, nullam alcohol vim exertit in terras & metalla. Sales neutros solvit nonnullos, alios intactos relinquit. Sales alcalini fixi caustici puri cum alcohole connubium ineunt; ut, si lixiva caustica digeratur aliquandiu in alcohole, obtineatur solutio fu-

scorubra, quæ in arte medica vocatur *Tinctura salis tartari*. Optimum alcohol sic solvit partes 0,187. lixivæ causticæ.

§. 837.

Ammonia caustica pariter ab alcohole solvitur; quæ solutio *Spiritus salis ammoniaci vinosus* vulgo audit. Hic optime paratur per directam missionem spiritus salis ammoniaci caustici concentrati (§. 236.) cum alcohole; vel si in prioris confectione iufundatur excipulo woulsiano spiritus vini loco alcoholis.

§. 838.

Spiritus salis ammoniaci oleosus fit, quando in spiritu salis ammoniaci vinoso solvitur oleum quoddam æthereum; qualis est *Spiritus salis ammoniaci lavandulatus*, vulgo dictus *Aqua anodyna*. Si plura simul olea ætheræa adduntur, nomen *Salis volatilis oleosus* habet.

§. 839.

Ammonia mitis in alcohole omnino non solvitur, quin potius ab hoc ex saturata sua
so-

soluzione aquosa præcipitur. Hinc si partes æquales spiritus salis ammoniaci concentrati vulgaris commisceantur cum alcohole optimo, exoritur massa alba crySTALLINA & veluti glacialis, quæ *Offa Helmontii* vel *Sapo chymicus* dici solet, quæ tamen in atmosphæra paulatim deliquescit, atque tunc a diluto spiritu salis ammoniaci vinoso discriminatur solo ammoniæ miti statu,

§. 840.

Acida fere omnia agunt in alcohol, & singularia sic phænomena producant. Si in retorta vitrea alcoholi sincero affunditur portio æqualis acidi sulphurici concentrati, calor notabilis nascitur, & vapor evolvitur suaveolens. Si porro hæc misura in balneo arenæ cum applicato excipulo woulfiano aut alio amplo calefit ad ebullitionem, sequentia transeunt producta.

1. Alcohol suave olens, partim jam cum subsequo producto copulatum.

2. Liquor singularis, sub titulo *Ætheris vitriolici* vel *sulphurici*, aut etiam *Naphthæ vitrioli* notissimus.

3. Acidum sulphurosum volatile cum parca copia olei flavi, quod *Oleum vini dulce* vocatur.

Aucto dein igne, tota mistura reliqua ceu massa spongiosa & nigra in excipulum transcendit. Caute autem subministrato igne residua in retorta manet massa sicca & resinosa.

§. 841.

Cum per iteratam commissurarum solutionem plurimus æther deperderetur, solent priora duo producta in eodem excipulo colligi, & dein æther volatilissimus ab alcohole repetita destillatione ad calorem lampadis separari. Antea misuræ tantilla lixiva additur ad attrahendum, si quod adsit, acidum sulphurosum.

§. 842.

Æther est liquor omnium volatilissimus, grati odoris, maxime inflammabilis, & sapore præditus acri & urente. Tanta est ejus volatilitas, ut vel in atmosphæræ temperatura mutetur in gas valde inflammabile, quod
at-

atmosphæram gravitate specifica superat. In omni casu comburitur cum residua fuligine & generatione acidi carbonici.

§. 843.

Una pars ætheris solvitur in decem partibus aquæ, cui sic saturæ reliquus æther supernatat olei adinstar ætherei. Nullam exercet vim in terras & sales alcalinos fixos; cum ammonia vero caustica jungitur in quacunque proportionem. Aurum ex solutione sua in acido nitrico - muriatico in se rapit. In olea ætherea & in resinas agit uti alcohol. Optimum est menstruum resinæ elasticæ.

§. 844.

Ex æthere cum æquali circiter portione alcoholis ligato exsurgit liquor, qui in usu medico vocatur *Liquor anodynus Hoffmanni*. Ut hic paretur levioribus expensis, tribus partibus alcoholis una affunditur pars acidi sulphurici, quæ leni calore destillantur uti prius, donec vapores adscendant acido - sulphureosi. Si horum quidpiam operatoris incuria in excipulum transiverit, liquor exceptus cum addita tantilla lixiva de novo destillandus est.

Supra dicta mixtura sine omni destillatione apud Medicos audit *Elixir vitrioli dulce* vel *Aqua Rabelii*.

§. 845.

Multo fortius velociusque acidum nitricum quam sulphuricum in alcohol agit. Si partes æquales spiritus nitri fumantis & alcoholis commiscantur, calor in mixtura sponte nascitur ad ebullitionem; & primo evoivitur fluidum gasforme odoris grati, scilicet *Æther nitricus*; dein sequitur gas nitrosum magna in copia; remanet paucillus liquor acidus, qui evaporatus salem largitur, olim *Crysallos Hiernii* vocari solitum, verum sacchari acidum.

§. 846.

Hinc æther nitricus difficillime in statu liquido obtinetur. Optima methodus hæc habetur. Retorta tubulata, in balneo arenæ posita; connectitur cum aliquot excipulis woulfianis. Hærenti in hac retorta nitro exsiccato affunditur lentissime æquali pondere mixtura composita ex æqualibus partibus acidi sulphurici & alcoholis. Sic nitrum resolvitur,

&

& acidum nitri fumans & gasforme cum alcohole copulatum transit ut æther nitricus in excipula, ubi liquori acidulo supernatans conspicitur,

§. 847.

Aether nitricus semper flavet, & omnes possidet ætheris vitriolici dotes, saporem vero acriorem. Ligatus cum alcohole sistit *Spiritum nitri dulcem*, qui subsequa parari methodo solet. Aquæ fortis pars una destillatur cum quatuor partibus alcoholis, aut pars una spiritus nitri fumantis cum duodecim alcoholis, ex retorta vitrea cum excipulo applicato vulgari, donec liquor, qui transit, acescat. In retorta remanet quidpiam acidi sacchari. Rite paratus spiritus nitri dulcis haud effervesce debet cum alcalibus aëratiss, quod foret signum, continere illum ex præparatione vitiosa aut ex vetustate acidum nitricum liberum,

§. 848.

Acidi muriatici vulgaris in alcohol actio haud magna est; & licet vel decem alcoholis partes cum una acidi illius concentrati parte
mi-

mistæ destillentur calore leni, acquiritur dum-
 taxat species spiritus salis dulcis, semper aci-
 di & acris saporis. Ut igitur melior hic spiri-
 tus, imo vel æther muriaticus, paretur, in
 diversas itum est vias, quæ omnes eo spec-
 tant, ut acidum muriaticum antea deducatur
 in statum oxygenatum. Optima videtur hæc
 methodus. In retorta affunduntur $1\frac{1}{2}$ parti
 magnesi oxydati vulgaris 5 partes acidi mu-
 riatici concentrati & 3 partes alcoholis; retor-
 tæ in balneo arenæ positæ applicatur excipu-
 lum woulfianum, cujus ultima lagena adhuc
 aliquantum alcoholis teneat. Post destillatio-
 nem leni calore peractam, collectus in prima
 vacua lagena verus *Spiritus salis dulcis*, sed
 cum liquore acido commistus, reperitur; dum
 contentum in ultima lagena alcohol, ob at-
 tractum in se gas æthericum, similiter in de-
 bilem spiritum salis dulcem conversum est.
 Ex primo liquore potest, per destillationem
 cum parca lixiva, non tantum optimus spiri-
 tus salis dulcis, sed etiam genuinus *Æther*
muriaticus abstrahi; ubi non minus, quam
 apud ætherem vitriolicum, oleum æthereum
 grave secernitur.

§. 849.

Eodem ferme modo, quo acida mineralia tria memorata, etiam reliqua fere omnia acida cognita alcohol afficiunt; unde oriuntur *Aether aceticus*, *Aether oxalicus*, *Aether formicus*, & alii, qui proprietatibus præcipuis suis cum modo dictis ætheribus prioribus propemodum conveniunt.

§. 850.

Theoria formati ætheris & hujus chemica compositio huc usque obscuræ sunt; quamvis ex phænomenis cognitis verisimile sit, oxygenium acidorum præprimis facere ad formationem horum liquidorum, idque vel cum toto alcohole vel cum aliquibus solis ejusdem partibus constitutivis ligatum.

§. 851.

Facillime conjungitur alcohol cum aromate plantarum; quocum stare in majore videtur affinitate quam aqua & olea ætherea. Hinc si vini spiritus destillatione abstrahitur a partibus vegetabilium aromaticis, imprægnatur earundem aromate, & vocatur tunc *Spiri-*

ritus aromaticus. At vero si spiritus vini loco in hac operatione adhibita fuit mixtura aquæ & spiritus vini vel ipsius dumtaxat vini, obtinetur liquor, in quo aroma tam aqua quam spiritu vini solutum hæret, dictus *Aqua destillata vinosa.* Ambo possunt esse vel simplicia vel composita, prouti aut planta unica aut plures in usum tractæ fuerunt.

§. 852.

Spirituum aromaticorum destillatio optima sit ex balneo aquæ; nec sic tamen hæc ad siccitatem usque producenda est, quia ultimo prodeuntes gratum illum priorum odorem sæpe non spirant. Præterea etiam bonitas istiusmodi spiritus magnam pendet partem a bonitate & sinceritate alcoholis. Nec possident recens parati suaveolentiam, quæ pollent vetustiores bene conservati.

CXII. DE TARTARO.

§. 853.

Tartarus sive *Lapis vini*, qualis spontaneo ex vinis secessu obtinetur, pluribus partibus extractivis & colorantibus inquinatur,

a quibus ope coctionis cum argillis pinguibus & crySTALLIFICATIONE mundatur. Sic albescit, coit in crySTALLOS tetraëDRAS pyramidales, & vocatur *CrySTALLI tartari* vel *Cremor tartari*.

§. 854.

Tartarus sic purgatus eli sal neuter acidulus, constans acido proprio scilicet: *Acido tartaroso* & lixiva. Solvitur in aquæ fervidæ partibus 28 vel 30, ex refrigerata iterum pro magna parte crySTALLIFATUS excidens. Si plene saturatur lixiva, sal neuter exsurgit, in columnas tetraëDRAS coalescens inque atmosphæra deliquescens, dictus *Tartritis lixivæ*, vulgo *Tartarus tartarifatus*.

§. 855.

At si sic saturatur soda, sal nascitur, qui concrevit in magnas crySTALLOS, in aëre fatiscientes, *Tartritis sodæ*, vulgo *Sal polyehre-
flus Seignetti*.

§. 856.

Perfecte saturatus ammonia sistit salem neutrum, in crySTALLOS rhomboidales coëun-
tem,

tem, & in aëre constantem, qui est *Tartritis ammoniacæ*; vulgo *Tartarus solubilis*.

§. 857.

Ad fecernendum ex tartaro acidum tartari sincerum, sic proceditur. Superfluum acidum solutionis tartari fervidæ saturatur creta depurata; unde sal medius exoritur in aqua insolubilis, qui a liquido reliquo, nunc mere tartaro tartarifato, per filtrationem separatur. Hic *Tartritis calcareus* dein digeritur in acido sulphurico diluto, & excussum sic acidum tartari per colationem a gypso liberatur. Lixivium hoc colatum evaporatione & frigefactione dat cryсталlos columnares tetraëdras normales, grate acidi saporis.

§. 858.

Cryсталli tartari, destillatæ igne fortiori, dant acidum empyreumaticum, dictum *Acidum pyro-tartarosum* vel *Spiritum tartari*, & oleum empyreumaticum fætidissimum. In retorta hæret carbo, jam plurima lixiva fetus; qui igne aperto in cineres dilabitur, maximam partem constantes lixiva, paucissima terra, at nullo sale neutro. Lixiva hæc mi-
tis,

34
tis, a partibus terrestribus purgata, vocari
solet *Sal tartari*; in aëre deliquium passa,
Oleum tartari per deliquium.

CXIII. DE FERMENTATIONE ACIDA.

§. 859.

Corpora omnia, quæ fermentationem primam sive vinosam subierunt, possunt transire in fermentationem alteram; & forte nunquam sine prægressa fermentatione vinosa habere locum acidam potest, sed est sæpe illius duratio tam brevis & ipsa tam parum observabilis, ut dignosci nequeat. Præter corpora illa, quæ ad fermentationem vinosam apta sunt, huc insuper pertinent præprimis fæculæ in aqua coctæ.

§. 860.

Conditiones, ad fermentationem acidam requisitæ, sunt:

1. Calor + 20 ad + 25 graduum.

2. Certa quædam liquiditas.

3. Accessus atmosphære.

4. Massa non nimia.

Phænomena, quæ hic occurrunt, sunt motus intestinus & absorptio magnæ aëris copię. Liquor limpidus turbatur in ipsa fermentatione, & post hanc pristinam limpiditatem recuperat.

§. 861.

Liquor fermentatus constat nunc pro maxima parte ex singulari quodam acido, vocaturque *Acetum*. In hoc ne vel vestigium alcoholis superest, quod totum resolutum est; & quo majore quantitate alcohol ante fermentationem in liquore fuerat, eo major veri aceti copia nunc liquori inhæret. Acetum semper colore magis saturo gaudet quam vinum, unde ortum est, & calido loco diutius asservatus corrumpitur.

§. 862.

Acetum concentratur, quando congelatur; nam sola aqua frigore solidatur, nec ipsum aceti acidum; ut itaque, si liquidum
ab

ab hac glacie separetur, acetum obtineatur multo fortius. Sed hac methodo acetum non purius redditur, hoc est, non potest sic ab adhærentibus particulis colorantibus & extractivis purgari.

§. 863.

Si acetum ex retorta destillatur igne successively aucto, primo prodit aqua acidula, quam sequitur acidum fortius & grati odoris, dictum *Acetum destillatum*, semper gradatim fortius, sed brevi simul odore empyreumatico inquinatum. Tandem transit acetum valde ambustum, oleum empyreumaticum, & tantilla sub finem ammonia mitis.

§. 864.

Hoc acetum destillatum sive *Acidum acetosum* decolor est, & plerumque jam leve quid amibui habet. Cum lixiva ad saturationem copulatum est *Acetis lixivæ*, *Lixiva acetata*, vulgo *Terra foliata tartari*. In hunc scopum solutio lixivæ aquosa in vase vitreo aut stanneo deducitur ad ebullitionem, cui tunc tamdiu instillatur acetum destillatum, donec effervescencia cesset, & melius paululum

lum plus. Hoc lixivium caute & lente evaporatur ad siccitatem, quando sal manet albidus & squamosus, scilicet acetis lixivæ, in aëre deliquescent, & tunc sistens sic nominatum in officinis pharmaceuticis. *Liquorem terræ foliatæ tartari.*

§. 865.

Cum calor etiam haud intensus acetum amburat, concilietque terræ foliatæ tartari flavum vel fuscum colorem; sal ille præterea in usum medicum ex aceto dumtaxat vulgari confici solet, ut sic particulæ hujus acetii colorantes & extractivæ compagem salis intrent, hinc variæ methodi fuerunt propositæ saltem dealbandi. Harum præcipuæ sunt, 1. qua sal exsiccatus tandem in vase fictili vel melius argenteo funditur cum continua agitatione, donec vapores inflammantur; dein sal denuo solvitur in aqua, colatur, & post additum quidpiam acetii destillati caute evaporatur. 2. Qua lixivium evaporandum miscetur cum carbonum pulvere, & tunc demum filtratur; quando fere siccescere incipit; tandem in balneo aquæ ad siccitatem deducitur:

§. 866.

Terra foliata tartari sapore pollet acriusculo, & ex atmosphæra humiditatem valide attrahit. In æquali portione aquæ frigidæ & calide facile solvitur, ex qua ad syrupi spissitudinem evaporata refrigerataque excidit sub forma crySTALLULORUM acicularium. In spiritu vini etiam perfecte solubilis, exigit alcoholis calefacti duas partes, ut totus suscipiatur.

§. 867.

Ex copulata cum aceto destillato sôdâ oritur sal neuter, concreescens in crystallos columnares, in aëre non deliquescentes, sed fatiscentes; qui vocatur *Acetis sôdæ*, *Soda acetata*, vel *Terra foliata tartari sicca*. Ejus præparatio cum priore congruit. Est etiam in spiritu vini solubilis, & uti prior ab acidis mineralibus & ab igne resolvitur; & ab acidis quidem excutitur in statu concentratissimo ceu acetum radicale (§. 873.); ab igne autem ipsum acidum resolvitur, abigiturque ut gas hydrogenium, gas acidum carbonicum, & ammonia.

§. 868.

Acetum destillatum, ammonia saturatum, sistit liquorem salinum neutrum, cui *Acetis ammoniæ*, *Ammonia acetata*, vel *Spiritus Mindereri* nomen est. Ut hic liquor habeatur concentratissimus, optime proceditur, si acetum destillatum fortissimum saturatur ammonia miti sicca. Acetis ammoniæ difficillimæ est crystallisationis. Dum per se ex retorta destillatur, tandem sublimatur crusta salina alba, quæ est acetis ammoniæ in statu sicco.

§. 869.

Acidum aceti coit cum terris alcalinis omnibus, cumque his proprios format sales medios terrestres, omnes in aqua facile solubiles, vix crystallisabiles, in aëre deliquescentes, & in igne resolvendos. Sic etiam acidum aceti solvit pleraque metalla, idque vel in statu metallico vel in oxydato, & facit cum his sales medios metallicos, quos inter subsequi primarii sunt.

§. 370.

Cuprum metallicum, multo tamen facilius oxydatum, in aceto solvitur. Cuprum metallicum ab aceto in principio dumtaxat corroditur sive oxydatur; quæ quidem operatio in Gallia meridionali perficitur colloca-tione laminarum cupri cum reliquiis uvarum pressarum fermentantium per series continua-tas. Sic obtentum, & a cupri laminis abra-sum, cupri oxydum viride, in commercio audit *Viride æris* vel *Aerugo*, parumque cu-pri acetati continet.

§. 371.

Hæc nunc ærugo facillime & perfecte in aceto destillato solvitur; quæ solutio viret, & evaporata refrigerataque crysallos deponit pulchre virides tetraëdras pyramidales & trun-catas, quæ dicuntur *Acetis cupri*, *Cuprum acetatum*, *Aerugo destillata* vel *crysalisata*, *Crysalli Veneris*.

§. 372.

Acetis cupri sapore pollet valde siiptico. Solvitur in aquæ fervidæ partibus quinque,

F 4

&

& perfecte etiam in spiritu vini. In atmosphæra fatiscit in pulverem pallide virescen-
tem. A salibus terrisque alcaliis resolvitur,
& cuprum inde ceni calx viridis præcipitatur;
solâ autem ammonia oxydum cupri præcipi-
tatum mox iterum suscipit.

§. 873.

Si ærugo crystallifata, in pulverem re-
ducta, ex retorta destillatur, primo transcen-
dit in excipulum aqua crystallisationis, quam
sequitur liquor decolor, limpidus, fortiter
acriterque acetum spirans, dictus *Acetum ra-
dicale* seu *æruginis*. Manet in retorta, si
sub finem ignis nimius subministratus non fuit,
pulvis fuscus, qui est cuprum metallicum, &
pyrophori species. Cum acetum radicale sæ-
pe sit cupro tantisper inquinatum, ab hoc fa-
cile purgatur, si novæ & lentæ destillationi
ad lenem calorem subjicitur, nec abstrahitur
ad perfectam siccitatem.

§. 874.

Multis proprietatibus suis acetum radica-
le ab aceto vulgari destillato discrepat, & ha-
betur a chemicis recentioribus pro *Acido ace-*

quæ sive *Acido aceti perfecto*, dum acetum destillatum vulgare *Acidum aceti imperfectum* *Acidum acetosum* credunt; quæ sententia confirmatur per phænomena præparationis ejusdem.

§. 875.

Acetum radicale est acerrimum, causticum, & tam volatile, ut jam vel in atmosphæræ temperatura aufugiat. Ejus calefacti vapores sunt inflammabiles, quin illud ipsum inde videatur incendi. Cum salibus alcalinis proprios sales neutros cumque terris alcalinis tales medios efficit, qui ab illis cum aceto vulgari paratis diversi sunt. Cum alcohole legitime destillatum dat *Aetherem aceticum*.

§. 876.

Tam plumbum metallicum, quam multo melius idem oxydatum, in aceto destillato solvitur, quæ solutio *Acetum lithargyri* seu *Saturni* audit. In usum medicum hæc parari solet ex lithargyro in aceto vulgari bono ad saturationem soluto; evaporata ad syrupi spissitatem dicta *Extractum Saturni*.

§. 877.

Quando tenues plumbi laminæ exponuntur vaporibus aceti, obteguntur pulvere niveo, qui abrasus *Cerussa* est. At non est hæc cerussa acetis plumbi, sed ejusdem solus carbonas. Hic vero ad saturationis punctum solutus in aceto destillato non minus vertitur in acetum Saturni, quod evaporatione & refrigeratione deponit crySTALLULOS albas aciculares tetraëdras prismaticas, quæ sunt *Acetis plumbi*, vulgo *Saccharum Saturni*.

§. 878.

Saccharum Saturni sapore gaudet dulci & siptico, & in atmosphæra fatiscit in pulverem. Solvitur optime in aqua & in spiritu vini, utriusque partes circiter æquales exigens in temperatura atmosphærae. Ab igne, & a salibus terrisque alcalinis resolvitur; ab igne acidum expellitur partim immutatum; a posterioribus plumbum oxydatum album excidit. Pariter resolvitur tam ab acidis nitrico, & sulphurico, quam a salibus neutris mediisque acido-sulphuricis. Acidum sulphuricum sæcernit acidum ut acetum radicale.

§. 879.

Sulphureta & aquæ, gas hydrogenium sulphuratum continentes, resolvunt saccharum Saturni, ubi sulphur una cum plumbo sub forma pulveris rubronigri præceps ruit; quare sulphureta, vel melius gas hydrogenium sulphuratum, maxime conducunt ad probanda vina saccharo Saturni adulterata. In hunc scopum laudatur præprimis aqua gas hydrogenio sulphurato secundum methodum Hahnemannii imprægnata. Ostrea & sulphur in pulverem tusa & æquali portione probe contrita candescant per duodecim minuta in crucibulo tecto. Sic obtentus pulvis cinereus; verum sulphuretum calcis, fervetur ad usum in lagena bene obturata. Quando probare vinum lubet, injiciantur in lagenam drachmæ duæ istius pulveris & drachmæ septem crystallorum tartari subtiliter pulveratarum, quibus superaffundantur uncia sedecim aquæ frigidaë, concutiat lagena per decem minuta, & liquor quiete dein fæces ad fundum deponat. Hujus liquidi supernatantis cochlearium si infunditur quatuor vel sex uncis vini examinandi, magis minusve nigricans præcipitatio sequetur, si plumbo adulteratum vinum fuit.

§. 380.

In hydrargyrum metallicum vix agit acetum; at vero si hydrargyrum oxydatum (§. 535.) aut mercurius præcipitatus flavus (§. 539.) cum aceto coquatur, fit solutio, quæ refrigerando dimittit squamas argentei nitoris, quæ sunt *Acetis mercurii*, etiam nuncupatæ *Terra foliata mercurialis*. Hic sal facilius paratur, instillando solutioni nitratis mercurii liquorem terræ foliatæ tartari; nam acidum nitricum se hic jungit cum lixiva in nitrum, & acidum aceti cum mercurio ligatum excidit sub forma squamarum. Difficulter hic sal in fervida solvitur; at nimia aqua resolvitur, & oxydum flavum deponit. Igne & salibus alcalinis etiam disjungitur.

§. 381.

Acidum aceti in stibium dumtaxat oxydatum, & digestionis ope agit; quæ solutio incrySTALLABILIS est. Stannum ab aceto, etiam si sit oxydatum, parum patitur.

§. 382.

§. 882.

Acetum, ope contentæ aquæ, tam gummi & mucilagines vegetabiles solvit, quam particulas plantarum æthereo - oleosâs, adstringentes aliasque extractivas; unde maceratione diversarum plantarum earundemve partium in aceto vulgari vel destillato parantur in officinis pharmaceuticis sic dicta *Aceta medicata*. Si vero acetum a plantis aromatis destillatione abstrahitur; obtinetur acetum destillatum, aromate imprægnatum; quale est officinarum nostratum *Aqua vulneraria cum aceto*. Resinas sinceras acetum haud solvit, camphoram tantum concentratissimum: Gummiresinas emollit.

§. 883.

Compositio aceti verisimiliter eadem est atque illa omnium acidorum vegetabilium (§. 825.), solaque proportione partium constitutarum diversum. Hoc præterea inde evincitur; quod possint gradu oxydationis majore acidum tartari & acidum sacchari in acidum aceti mutari; nam si duo illa acida cum magnesic oxydato aut cum acido nitrico in

in igne tractantur, acquiritur liquor, odore & omnibus aceti proprietatibus donatus.

CXIV. DE PUTREFACTIONE VEGETABILIIUM.

§. 884.

Omnes in universum plantarum partes possunt, dum conditiones adsunt requisitæ, putrescere. Quædam directe & sine ulla alia prævia fermentatione putridam subeunt, cujusmodi sunt plantæ classis secundæ. Multæ ex adverso ante acescunt; quorsum etiam pertinent succi vegetabiles illi, qui fermentationem vinosam passi sunt.

§. 885.

Conditiones, ad fermentationem putridam necessariæ, non sunt tam limitatæ, quam illæ fermentationum priorum; nihilominus requiruntur sequentes.

1. Certus humiditatis gradus; nam vegetabilia sicca non putrescunt.

2. Temperatura graduum ad minus quinque supra congelationis punctum.

3. Accessus atmosphærae; non tamen hic tam absolute necessarius uti in prioribus.

4. Certa quædam missio; nam alcohol, acetum, resinæ, olea ætherea & unguinosa in statu sincero nunquam putrefactioni obnoxia sunt.

§. 886.

Phænomena, quæ putrefactionem comitantur, sunt motus intestinus, non tamen tam conspicuus quam in fermentatione vinosa & acida. Putrescentia liquida etiam observantur turbida; sed in his temperaturæ augmentum non est valde notabile, quæ in putrescentibus massis siccioribus sæpe eo usque attollitur, ut accensio spontanea succedat. In putrefactione phænomena maximi momenti sunt mutatio odoris, qui vel in ipsis plantis aromaticis evadit ingratus & nauseosus; tum evolutio gas carbonici, hydrogenii & azotici; & tandem generatio ammoniæ, quæ successive ex massa avolat. Post absolutam putrefactionem restat puls, in qua, præter aliquot particulas

colorantes, nihil fere de partibus plantæ constitutivis reperire est. Puls paulatim exsiccatur in pulverem nigrum, ex terra paucoque sale constantem, veram *Humum*.

§. 887.

Tam puls illa quam humus destillatæ dant aquam foetentem; ammoniam, oleum empyreumaticum foetidum; & carbonem; ejus combusti cineres parum lixivæ tenent.

CXV. THEORIA FERMENTATIONIS.

§. 888.

Quantumvis extra omne dubium positum sit, vegetabilia in omnibus tribus fermentationibus resolvi in principia remota sua, atque hæc ipsa; nunc libera, aliis sub relationibus atque adjunctis iterum inter sese copulari, & formare corpora nova illa, quæ per fermentationem produci videmus; huc usque tamen nec explanari relationes illæ nec adjuncta vel obiter potuerunt; unde hoc sensu theoria mutationum harum chemicarum semper manet obscura & ambigua:

(§. 889.

§. 889.

Cum sola materies saccharina, aut corpora illa, quæ hanc materiem abundantius continent, ad fermentationem vinosam apta sint, atque eadem illa (§. 825.) ex carbonio, hydrogenio & oxygenio sit conflata; hinc existimat illustris Lavoisier, hydrogenium se conjungere cum parte carbonii, & sic formare alcohol, dum interea carbonium reliquum cum oxygenio ligatum format acidum carbonicum; sunt enim alcohol & acidum carbonicum ambo fermentationis vinosæ producta.

§. 890.

Acetum est acidum imperfectum, cui basis est composita, constans verisimiliter ex hydrogenio & carbonio. Unde intelligitur, quo possit modo alcohol oxygenatione transire in acetum, & quare accessus aëris ad hoc tam sit omnino necessarius. At verè cur nequeat alcohol sincerum fermentationem subire acidam, quin adsint simul partes mucilaginosæ, huc usque non potuit explicari.

Tandem putrefactione principia plantarum remota ferme tota in corpora gasformia convertuntur. In putrescentibus primæ classis vegetabilibus hydrogenium ceu gas inflammabile per se solum abit, carbonium vero ligatum cum oxygenio ceu gas acidum carbonicum; nec quidquam restat præter terras & particulas metallicas, forte cum paucis carbonio copulatas. At vero si plantæ plus azoti in se habent, uti illæ secundæ classis, azotum durante putrefactione se jungit cum hydrogenio in ammoniam. Phosphorus, cujus tantilla portio hisce plantis inesse solet, solvitur ab hydrogenio, & cum hoc ceu gas hydrogenium phosphoratum avolat. Propter hoc gas & ob majorem ammoniæ copiam vegetabilia secundæ classis putrescentia semper pejus olent vegetabilibus classis primæ.

CXVI. DE QUIBUSDAM SINGULARI-
BUS COMPOSITIONIBUS PHAR-
MACEUTICIS.

§. 892.

Conjunctio olei ætherei cum saccharo ,
fine calore facta , vocatur *Elæosaccharum* ;
quod paratur triplici methodo :

1. Instillando guttulam olei frustulo sac-
chari.

2. Terendo cum una drachma sacchari
unam duas tresve guttas olei in ratione ma-
joris minorisve acrimoniæ olei.

3. Atterendo corticem mali integri au-
rantii aut citri ad frustum sacchari, cujus su-
perficies, oleo nunc imprægnata, dein cultro
abraditur.

§. 893.

Tabulæ & Pastæ componuntur ex sac-
charo & mucilagine vegetabili; quarum pri-
mæ frigide , posteriores ope ignis parantur.
Tabulas sæpe ingrediuntur partes plantarum

solidæ in tenuissimum pulverem comminutæ.
Trochisci a tabulis discrepant præprimis compositione majore & forma externa.

§. 894.

Quando succi plantarum recentes, aquæ defillatæ, olea ætherea &c. , cum saccharo super igne liqueſunt, & guttatim super tabulam marmoream effunduntur, exſurgunt *Rotulæ*. A quibus *Morsuli* differunt, quod his etiam partes plantarum solidæ, dumtaxat ruditer tuſæ, vel ſolummodo ſic ſciſſæ, mechanice immiſceantur.

§. 895.

Si partes vegetabilium recentes & teneræ, folia & flores, in pultem in mortuario marmoreo aut ligneo contuſæ, ſubiguntur exacte ratione majoris vel minoris plantarum ſuccoſitatis cum dupla vel tripla ſacchari copia, exſurgit *Conſerva*. Siccioribus plantis in tuſione etiam quidpiam aquæ additur, uti exempli gratia roſis.

§. 896.

§. 896.

Conservis densitas sit pultis spissioris, ut digitis parum adhæreant; nimis enim liquidæ facile fermentescunt. Quin vel in optime paratis conservis observetur primis diebus motus aliquis intestinus; dum intumescunt, & partes solidiores a liquidioribus sese extricant. Nisi hæc secretio prævertatur motu iterato opæ spathulæ, pars liquidior in fermentationem abit, & tota corrumpitur conserva.

§. 897.

Minus etiam conservæ fermentationi obnoxie sunt, si loco frigido asservantur. Sed quidquid agamus, vix annum bonæ persistunt; cum enim earundem actio etiam a partibus volatilibus quam maxime pendere soleat, pleræque evadunt ætate effetæ. Hinc dumtaxat pro sola annua consumptione parari deberent, & vel pro breviori conservæ herbarum illarum, quæ per totum annum acquiri recentes possunt.

§. 898.

Etiam in solo necessitatis casu ex plantis siccis, in pulverem redactis, cum pauca addita aqua, conservæ confici solent; at vero præterquam quod istiusmodi conserva quidpiam terreï saporis habeat, nec tam facile aut perfecte diffluat in ore, quam confecta ex plantâ recente, nec esse tam actiuosa potest.

§. 899.

Quando in liquore vegetabili qualicumque, ut infuso, decocto, succo expresso, emulso &c., saccharum solvitur ad spissitatem mellis liquidioris oritur præparatum medicum, cui *Syrupus* nomen est; qui *simplex* dicitur, si planta unica, *compositus*, si plures ingrediuntur. Aceta sic cum saccharo tractata vocantur etiam *Oxysacchara*. Pro diversitate liquoris adhibendi diversus est syrupi parandi modus; quare præcepta habentur generalia, quæ syrupis omnibus, & particularia alia, quæ singularibus quibusdam competunt.

§. 900.

Saccharum supra memoratis liquoribus propterea imprimis additur, ut defendantur contra corruptionem, tum quam maxime contra fermentationem; sed ob hoc ipsum ut in certa definita proportionem adsit, necesse est. Syrupus, in quo sacchari requisita copia notabiliter deficit, nimis tenuis est, inque fermentationem tunc vel pronior, quam ipse sine omni saccharo liquor. Nimio saccharo oneratus, sive plus, quam solutum tenere liquor frigefactus possit, dimittit saccharum superfluum, quod in suam crystallisationem unam portionem non exiguam sacchari residui & necessarii trahit; unde syrupus iterum evadit nimis tenuis & fermentabilis. Quantitas igitur sacchari respondeat spissitati liquoris. Pleurumque sumitur pro fructuum succis, pro infusis & decoctis duplum saccharum; pro liquoribus spissis, exempli causa, pro emulsis copia æquali.

§. 901.

Mucilaginosæ plantarum partes propriæ sunt, quæ fermentationem acidam excitant; unde quoto magis mucilaginosus syrupus est, eo

citius & facilius fermentatur, & quo melius, ante vel post additionem sacchari, ope albuminis ovi clarificatus fuit, eo diutius persistit. Sic etiam syrupi oculis magis evadunt grati, sed de virtute medica plerumque tantumdem una perdunt. Aptissime igitur syrupi ebullientes purgarentur despumatione, & colatione fervida per telam laneam.

§. 902.

Cum ad fermentationem acidam semper temperatura requiratur paulo elatior, non minus syruporum fermentatio prævertitur, si asserventur loco frigido. Syrupus, qui fermentari modo cœpit, corrigi potest nova ebullitione cum tantillo addito saccharo; at fermentatio eo usque provecta ne sit, ut jam mutaverit syrupi proprietates.

§. 903.

Syrupi semper serventur in vasis vitreis, terreis aut purissime stanneis, quia plurimi partes acidas in se continent; quin vel ipsum solum saccharum cuprea aut ferrea arrodere possit. Syrupi ante probe refrigescant, quam in vasa infundantur; nam halitus, de syrupo

calido elevatus, parietibus superioribus vasorum se affigit sub forma guttarum, quæ ad syrupi superficiem ressuunt, & mucaginem producant. Quod ad vasa attinet, in quibus syrupi parentur, idem dictum puta, quod (§. 702. 703.) de extractis monitum fuit.

§. 904.

Saccharum decoctis plerumque jam mox ab initio additur, quæ dein ad spissitatem requisitam vaporantur; est tamen nunquam non evitanda nimia & non necessaria ebullitio. Emulsa, infusa & succi fructuum expressi nunquam cum saccharo coqui debent, sed in iisdem calefactis solvi dumtaxat saccharum, & ad summum calor ad unam alteramve ebullitionem intendi. Quin solutio fieri illa interdum in balneo aquæ debeat, uti in syrupo violarum, ut ne pulchri coloris faciat detrimentum.

§. 905.

Si in casibus prædictis loco sacchari mel adhibetur, vocantur *Mella*. In hunc finem mel cum liquore jungitur, iterumque vaporando ad mellis spissitatem reducitur. Quod

ita paratur cum aceto, *Oxymellis simplicis* nomine gaudet. Si tertium quoddam liquidum accedit, uti exempli gratia succus squillæ, hujus nomen additur, unde *Oxymel squilliticum* &c.

§. 906.

Si fructuum succi aut pulpæ cum una quarta sacchari parte coquuntur ad spissitatem extracti mollioris, priores vocantur *Roob*, posteriores *Pulpæ*. Si vero succis illis additur saccharum in portione æquali, obtinetur post evaporationem requisitam *Gelatina*. Sic ex mucilaginibus & saccharo parantur *Pastæ*.

§. 907.

Partes plantarum siccæ & in pulverem redactæ, extracta, conservæ, balsama, olea, gummi, aut resinæ, cum syrupo aut melle mixta ad usque spissitatem extracti liquidi, faciunt sic dicta *Electuaria*. Hæc plerumque valde composita sunt, & jam in principio pati solent speciem fermentationis, quæ nonnunquam per annos durat. Plurimorum vis medica hinc notabiliter haud afficitur; at quorun-

rundam tamen virtus mutatur, quæ itaque magna in copia parari non debent.

§. 908.

Balsama artificialia solent componi ex oleis pressis & æthereis, ex resinis aliisque corporibus solidioribus, quæ simul butyraceam spissitatem acquirunt. Plerisque basis sive sic dictum *Corpus pro balsamo* est oleum nucis moschatae pressum, sæpe etiam cera, butyrum &c. Moris est hæc balsama fuligine, croco, cinnabari aliisve tingere.

§. 909.

Unguenta constiant præprimis ex cera, melle, oleis pressis, axungia, butyro, resinis, similibusque, quæ cum plantarum partibus recentibus vel exsiccatis, calcibus metallicis, sulphure, aceto lithargyri, aliisque super igne ad spissitatem butyraceam colliquantur aut coquantur. Ab his discrepat unguentum mercuriale, quod mera est hydrargyri oxydatio & solutio in axungia porcina, per solum tritum continuatum peracta. Unguenta, butyro liquidiora, vocantur *Linimenta*, eodemque solidiora quæ sunt, *Cerata*.

§. 910.

Ab unguentis *Emplastra* discriminantur præcipue soliditate majore, ut manibus tractari possint, nec adhæreant, inque bacillos formari digitum crassos. Basin illorum constituunt vel cera & resinæ, vel oleum olivarum cum calce plumbi coctum. Unde in duo genera abeunt, in *Emplastra cerodea* & in *Emplastra saturnina*.

REGNUM ANIMALE.

§. 911.

Corpus animale vivum conflatur ex partibus liquidis & solidis, quæ omnes, per structuram vasorum organicam, ex nutrimento assumpto gradatim formatæ sunt, continuo renovantur, & pariter continuo, ceu excrementa varii generis, ex corpore eliminantur. Proprie illæ in tres classes dividi possent, scilicet in illas, quæ necessariam corporis vivi substantiam constituunt; in excrementitias; & in illas, quæ ad usus particulares in ipso corpore secernuntur. At vero dolendum est, cognitionem nostram chemicam omnium & fin.

singularum harumque partium nimisopere esse mediocrem, ut hiatus occurrerent nimii, si ad has classes corpora animalia tractare omnia vellemus. Sufficiat igitur partes animales liquidas solidasque proponere illo ordine, quo proprietates illarum chemicas magis minusve perspectas habemus.

CXVII. DE LACTE.

§. 912.

Lac est liquor albus, saporis subdulcis, odorisque debilis, qui in mammis animalium lactantium sexus fœminei secernitur, ad natam prolem in primo vitæ stadio nutriendam. Est hic liquor non tantum in animalibus diversis, sed vel in eodem quoque animali pro varia ratione diversus, quæ tamen diversitas quam maxime ab alimentis dependet. Nos hic lac vaccinum explorabimus.

§. 913.

Lac vaccinum recens, ex balneo aquæ destillatum, dat aquam insipidam, aromate lactis imprægnatam, citissime putrescentem. *Lac residuum totum in pulverem siccum re-*
pe-

peritur mutatum, verum *Lactis extractum*, quod, in aqua fervida solutum, lac pristinum reddit, sed omnis expers odoris.

§. 914.

Hoc extractum, ex balneo arenæ destillatum, largitur gas hydrogenium, gas acidum carbonicum, acidi empyreumatici quidpiam, oleum empyreumaticum & ammoniam. In retorta manet carbo, cujus cineres continent parcam lixivam, muriatem lixivæ & phosphatem calcis.

§. 915.

Lac recens non dat ullum indicium præsentis aut acidi aut salis alcalini. Quiete deponit ad superficiem *Cremorem lactis*, quo sublato reliat *Lac defloratum*. Cremor, per continuatam conquassationem ab adhærente adhuc lacte deflorato purgatus, est *Butyrum*; & lac hocce defloratum, nunc leviter acescens, vocatur *Lac ebutyratum*. Quæcunque corpora olea unguinosa in aqua solubilia reddunt, retardant vel impediunt secretionem butyri. Idem præstant nimium frigus & calor.

§. 916.

§. 916.

Lac defloratum leni digestionis calore novam secretionem patitur, in partem gelatinosam solidiorem, & in liquidam pellucidam. Hæc est *Serum lactis*. Quantumvis spontanea sit illa secretio, multo tamen celerius perficitur additamento plurium corporum, cujusmodi sunt acida omnia, sales neutri & medii, colostrum vitulinum, membrana interna ventriculi gallinarum, ventriculus humanus, vitellus ovi, gummi, saccharum, spiritus vini &c. Promovetur non minus temperatura altiore ad ebullitionem usque.

§. 917.

Vegetabilia quædam, ut sunt Galium luteum, Vaillantia cruciata, Rubia tinctorum, Cardui &c, separationem caseosæ partis a serosa lactis etiam accelerant, sed ex observationibus meis tunc solum, quando in lacte frigide infunduntur, aut quando infusum eorundem aquosum frigidum cum lacte miscetur. Si vegetabilia illa in lacte coquuntur, aut si lacti calido injiciuntur, potius inhibetur coagulatio quam promovetur. Aequè parum in lac agit infusum harum plantarum calide.

lide præparatum, aut illarum decoctum, aut
& ipsa aqua destillata.

§. 918.

Sales alcalini caustici, qui caseosam lactis partem solvunt, lac coagulare nequeunt. Idem aëratī quidem lac coagulant, sed alioquam priora corpora modo; copulantur enim cum caseo & butyro in massam saponaceam, quæ sub forma floccorum densorum albidorumque ex lacte iterum secedit, & ebullitione protracta flavescit ac demum fuscescit. Aqua calcis imperfectam dumtaxat coagulationem in lacte producit.

§. 919.

Primæ itaque partes constitutivæ lactis sunt serum, butyrum & caseus; quæ ob inchoantem feri fermentationem acidam aut per alia addita corpora, quæ caseum coagulant, sese ab invicem separant ipsæ. Si sic tractatur lac recens, nec defloratum, tunc caseus mixtus cum butyro secedit a sero.

§. 920.

Serum lactis saporem habet subdulcem & gratum, tum quoque ipsam lactis odorem, quando sine ebullitione paratum est. Semper autem turbidum est, soloque ovi albumine clarificari potest. Ex destillato fero in balneo aquæ obtinetur eadem aqua, quæ ex ipso lacte recenti; & supermanet massa, quæ ab adhærentibus partibus caseosis aliisque purgata dat crystallisatione *Saccharum lactis*.

§. 921.

Hoc saccharum saporis est fatui & subdulcis, in quadrupla aqua fervida perfecte solubile. Solum per se igne fortiori destillatum, eodem se modo habet uti saccharum vulgare. Si pars una sacchari lactis tractatur cum novem partibus acidi nitrici, uti pro parando acido sacchari (§. 772.) vidimus, in operatione pulvis albus excernitur, & liquor superfluus concrevit in crystallos longas, verum sacchari acidum.

§. 922.

§. 922.

Pulvis ille habet saporem terreum, & in aqua valde insolubilis est. Destillatus evadit niger, & partim sublimatur ceu sal acidus, acido succinico similis, carbonemque relinquit. Cum alcalibus facit sales neutros crystallisabiles, cumque terris alcalinis sales medios insolubiles. In metalla parum agit. A recentioribus Chemicis prædicatur sal acidus proprii generis, vocaturque *Acidum saccholacticum*.

§. 923.

Saccharum lactis conflatur igitur ex basis duorum acidorum; quarum altera cum oxygenio ligata facit acidum saccholacticum, altera esse videtur verum saccharum, quod accedente oxygenio in acidum sacchari mutatur.

§. 924.

Serum lactis, sibi relictum, cito acidam fermentationem patitur, unde potest ex illo, si ante fermentationem parum spiritus vini additur, verum *Acetum lactis* confici. Acidum vero illud, quod ex solo puro lactis sero acquiritur, multi Chemicæ hodierni habent

pro acido propriæ naturæ, & nominant illud *Acidum lacticum*. Alii ex adverso existimant, ab acido acetoso haud esse diversum. Ut obtineatur purissimum, serum fermentatum saturatur creta, cui solutioni colatæ instillatur acidum sacchari, donec hinc oborta præcipitatio cesset. Sic liberatum acidum lacticum filtratur denuo, ad mellis spissitatem evaporatur, & tandem cum triplo alcohole commiscetur. Alcohol solvit acidum lacticum, intacto relicto saccharo lactis. Alcohol separatur, & per destillationem abstrahitur ab acido lactico, nunc puro nec crystallisabili.

§. 925.

Pars caseosa sive caseus recens est materies alba, elastica, quæ sponte in putredinem brevi pergit. Destillatione sicca dat aquam insipidam, gas hydrogenium, gas acidum carbonicum, ammoniam, & oleum empyreumaticum foetidissimum. Caput mortuum carbonis est sat magnus, difficulter urendus in cineres, qui lixiva carent, phosphatē vero & carbonatē calcis tenent. Caseus in aqua indissolubilis est, in fervida duratur. Acida concentrata & alcalia caustica illum solvunt.

Ex

Ex quibus omnibus evincitur, convenire illum maxime cum glutino farinæ.

§. 926.

Ex caseosa recente lactis parte, salita & compressa, fit caseus vulgaris. Si illa ex lacte deflorato orta est, in quo parum hæret butyri, caseus macer est nec bonus. Si parata est ex lacte recente pingui, in quo mansit omnis cremor, caseus pinguior & melior est.

§. 927.

Butyrum, ab omnibus partibus caseosis & serosis purgatum, est molle, albidum vel flavescens, saporis grati & blandi, & inodorum. Leni calore funditur, & refrigerio pristinam soliditatem recuperat. Ex destillato parca prodit aqua insipida, acidum odoris acerrimi scilicet acidum sebacicum, & oleum male olens, *Oleum butyri* dictum. Carbonis animalis perparum in retorta manet.

§. 928.

In temperatura paulo elatiore acidum sebacicum ex butyro sponte sensim evolvitur; unde butyrum incipit acriter olere & sapere, quando *rancidum* dicimus. Quod quidem vitium partim corrigi potest, si alcohole, quod acidum sebacicum suscipit, butyrum lavatur. Cum alcalibus butyrum saponem facit. Ex his omnibus intelligere est, butyrum in proprietatibus chemicis ad olea unguinosa regni vegetabilis quam maxime accedere.

§. 929.

Proprie igitur lac constat ex oleo unguinoso, & ex glutino singulari, quæ, ope pauci sacchari in aqua imperfecte soluta, sistunt emulsum animale.

§. 930.

Si lac recens multum ponatur loco calido, & agitatione iterata in eodem impediatur secretio butyri & casei a sero, hoc quidem non minus fermentatur, at multo lentius, & periodus fermentationis vinosæ hic multo determinatior est, sic ut ex tali lacte destillato genui-

nuinum alcohol obtineatur. Fermentum additum promovet fermentationem lactis uti succorum vegetabilium. Verisimiliter etiam tanto plus spiritus vini lac largietur, quanto plure saccharo lactis scatet.

§. 931.

Lac omne, ex quocunque animali ortum, ex supra memoratis partibus concretum est, sed non eadem proportionem in omnibus; unde illa aliorum animalium a lacte bubulo sequenti modo discrepant.

§. 932.

Unicuique lacti proprium aroma est, ita ut expertus dignoscere queat, sitne lac oblatum vaccinum, caprinum, equinum, asinum, an humanum. Lac omne cremorem ejicit, sed est hic spissior in ovillo & caprino; tenuior contra & minus copiosus in asinino, equino & humano.

§. 933.

Butyrum in lacte caprino aequè secernitur facile quam in bubulo, solidum est, nec

cum reliquo lacte misceri de novo se patitur. Butyrum ovillum mollescit. Asininum, equinum & humanum plane non secernitur, vel saltem solum ut cremor; potestque ope caloris facillime in lac reliquum redire.

§. 934.

Pars caseosa lactis caprini est, uti & bubuli, solida & elastica; minus solida & elastica est asinini & equini; ovilli dumtaxat glutinosa. Humani nunquam soliditatem admittit, sed semper fluida est. Atque hujus etiam secretio difficillime succedit, nec fere unquam sponte.

§. 935.

Serum semper aroma lactis continet, propriumque inde habet & saporem & odorem, prout ex hoc vel illo animali ortum ducit. Lac humanum, asininum & equinum ferro dives est, minus caprinum & bubulum, minime dives ovillum.

§. 936.

§. 936.

Saccharum lactis ubique idem est, ex quocunque animali lac sit desumptum; at non in omni lacte copia eadem est. Post equinum & asininum continet lac humanum illud abundantius.

§. 937.

Reliqui sales neutri si adsint, sunt in lacte dumtaxat adventitii, pendentque ut plurimum ab alimento animalis. Sic exempli gratia in lacte bubulo muriatem lixivæ & calcis modo latitare, modo deficere, observarunt Chemicæ.

§. 938.

Ex ante dictis variis proprietatibus partium constitutarum lactis, earundemque diversa proportione in diversis lactis generibus, partim explicari diversa lactis indoles poterit. Sic quare lac humanum diutissime potest assevari, nec acescit? Quia butyrum & caseus non tam facile secernuntur, quæ, ligata cum fero, hoc a fermentatione defendunt. Quare lac equinum plus spiritus vini generat per

fermentationem quam bubulum? Quia plus sacchari lactis habet &c.

§. 939^a

Omnes hæ lactis diversitates etiam gradu differunt pro diversitate diætæ, qua animalia utuntur. Et hæc quidem momenti res magni est ratione lactis humani; quidquid enim de hoc lacte hactenus enarravimus, solummodo tunc locum habet, quando mulier, quæ dedit, diætâ mere animali, aut saltem diætâ vulgari, ex cibis animalibus & vegetabilibus mista, usa fuit; nam lac mulieris, quæ solis vescitur vegetabilibus, lactis bubuli indolem fere adipiscitur, citius acescit, faciliusque & perfectius per acida aliaque agentia coagulatur.

CXVIII DE SANGUINE.

§. 940.

Non tantum *Sanguis* in animalibus diversis, sed & vel in ejusdem animalis partibus diversis non idem est; sic novimus, quorundam animalium sanguinem habere temperaturam atmosphæræ, aliorum vero sanguinem

nem hanc superare ; sanguinem arteriosum esse propter absorptum oxygenium magis rubrum venoso ; & sic porro. Sed omnia illa discrimina non sunt huc usque abunde explorata ; quare sufficiat nobis interea analysis sanguinis recenter de vena tusa egressi in homine adulto sano.

§. 941.

Hic coloris est profunde rubri, spissus, & saporis parum salis. Sibi commissus, refrigerando primum totus coagulatur, sed brevi dein in duas partes secernitur. Harum altera densa rubraque dicitur *Cruor* vel *Placenta sanguinis*; altera liquida & flavescens *Serum* seu *Lympha sanguinis* vocatur.

§. 942.

Totus sanguis in temperatura mediocri sponte brevi putrescit. Calore paulo magis aucto siccatur in massam nigricantem sive in *Extractum sanguinis*. Destillatus sine additamento dat aquam insipidam & cito putrescentem, oleum empyreumaticum, & salem ammoniacalem neutrum, constantem ex acido empyreumatico, nedum probe examinato,

&

& ammonia supersaturato. In hac operatione sanguis quam maxime intumescit, expellit multum gas hydrogenium & gas acidum carbonicum, & relinquit carbonem valde spongiosum, difficillime in cineres urendum, cujus cinis constat ex sale communi, soda & phosphate calcis.

§. 943.

Serum est liquor ex viridi flavescens, plasticus, & saporis leviter falsi. Calore maximam partem coagulatur, antequam ebullit. Ex balneo aquæ destillatum dat aquam inspidam, remanetque coagulum. Igne fortiori dum urgetur, valde intumescit, & dimittit gas acidum carbonicum, liquidum alcalinum volatile, multam ammoniam aëratam, & oleum empyreumaticum spissum. Caput mortuum est carbo magnus, difficillimæ ustionis in cineres, compositus ex sale communi, carbonate sodæ & phosphate calcis.

§. 944.

Serum cum aqua frigida conjungitur sine mutatione in quacunque proportionem. In aquam fervidam injectum coit momento; dum
pars

pars quidem ejus cum aqua ligatur, quam lactescere facit, sed quæ potest iterum ab aqua per protractam ebullitionem aut per alcoholis affusionem avelli. Sic etiam concretum serum ab acidis mineralibus; cujus si pars coagulata separatur colatione, obtinemus ex evaporato liquido supersite salem neutrum illum, qui oritur ex addito acido, nunc cum soda copulato, licet tantilla quantitate. Acida vegetabilia concentratissima serum etiam cogunt; sales autem alcalini potius serum diluunt.

§. 945.

Serum concretum in aqua indissolubile est, & calore leni solidatur in substantiam corneam. Solvitur autem ab acidis mineralibus concentratis & a salibus alcalinis causticis. Primæ solutiones disjunguntur autem ab affusa aqua, posteriores ab acidis. In universum valde simile serum est parti caseosæ lactis. Si serum coactum cum acido nitrico diluto tractatur in temperatura altiore, prodit gas azoticum & nitrosium, inque residuo generatur acidum sacchari & quidpiam acidi malici.

§. 946.

§. 946.

Ex experimento adducto videtur ergo serum conflare ex aqua, lymp̃ha coagulabili, pauco glutine, sale communi, carbonate sodæ & phosphate calcis. Gluten animale est basis acidificabilis, quæ in acidum sacchari & malicum mutatur; lymp̃ha vero coagulabilis in destillatione sicca promit oleum, præcipue proprietate hac spectabilis, quod calore solidari possit.

§. 947.

Placenta sanguinis calore artificiali modico sensim exsiccatur, & evadit fragilis; in atmosphæra autem calida citissime putrescit. Lotione in aqua frigida potest in duas partes separari; quarum altera in aqua solvitur, eisdemque rubrum colorem conciliat; alia constat ex meris fibris albis, dicta *Pars fibrosa sanguinis vel cruoris*.

§. 948.

Rubefacta a placenta aqua continet proprie omnes particulas colorantes sanguinis. Neque hoc liquidum chemice examinatum,

a ferro sanguinis aliter discrepat, nisi quod magnam ferri copiam contineat. Hoc combustionem inde acquiritur, dum ex cineribus elixatis in filtro ceu calx fusca remanet. Hinc plures Physiologi ruborem sanguinis a ferro derivarunt.

§. 949.

Pars sanguinis fibrosa est omnis saporis expers, & in aqua & alcohole insolubilis. Cocta in aqua, aut alias modico calori exposita, induratur; atque hoc si subito contingat, crispatur instar membranæ. Ab alcalibus fixis causticis solvitur dumtaxat ebullientibus; sed nihil in illam ammonia caustica agit. Acida illam solvunt cum evolutione gas nitrosi & azotici; atque etiam hic per acidum nitricum generatur acidum sacchari & malicum. Etiam ex acidis per alcalia præcipitatur, sed mutata. In aëre humido cito putrescit. Destillatione sicca largitur multam ammoniam aëratam & oleum empyreumaticum fætidissimum. Carbo superstes facilius vertitur in cineres, qui solummodo calcem puram & phosphatē calcis continent, nullam vero sodam & nullos sales neutros.

§. 950.

§. 950.

In sanguine equino, & in morbis inflammatoriis etiam in sanguine humano, pars fibrosa placentæ partim excernitur, tegitque placentam ceu cutis flavescens & coriacea, dicta vulgò *Crusta inflammatoria*.

§. 951.

Quando sanguis, mox ubi ex vena missus est, includitur vacuo, aut vasi aërem non respirabilem continenti, concrescit quidem, sed non tam cito nec tam dense quam in aëre atmosphærico; nec etiam tunc placenta est tam rubicunda, sed potius nigricans. Si vero idem sanguis recens sic includitur in aëre vitali sive gas oxygenio, ocyus coagulum adest, æque rubrum quam in atmosphæra.

§. 952.

Si placenta, concreta in atmosphæra, & bene rubens, transfertur in vas aëre inflammabili repletum, aër hic sensim imminuitur, & placenta perdit ruborem, qui in purpureum & tandem in colorem nigricantem vertitur. Nigricans hæc placenta, aut illa, quæ in vacuo

cuo aut in aëre non respirabili coivit, nunc exponatur liberæ atmosphææ, vel (quod melius est) in vase clauso exponatur gas oxygenio, pristinum recuperabit ruborem. Hoc ultimo in casu gas oxygenium minuetur, & gas acidum carbonicum tantillum generabitur.

§. 953.

Si sanguis venosus recens, cui novimus colorem esse purpureum vel nigricantem, imprægnatur gas oxygenio, acquirit colorem rubrum; qui paulatim rursus in purpureum & nigricantem dilabitur. Hæc ultima mutatio succedit, etiamsi in continuo maneat contactu cum gas oxygenio, nec potest tunc ultra huic sanguini per novam gas oxygenii communicationem rubor ille reddi. Si ex adverso sanguis arteriosus læte rubens includitur gas cuicunque non respirabili, sensim ruborem perdit, fitque purpureus.

§. 954.

Si in sanguinem venosum recentem infunditur acidum muriaticum oxygenatum, momento nigrescit. Idem acidum; ejusdem fortitudinis cum priore, sed non oxygenatum;
 I nul-

nullam in colore mutationem producit; hoc idem concentratum subito sanguinem cogit, sed non denigrat.

§. 955.

Ex omnibus his tentaminibus notabilioribus hodierni Chemici & Physiologi concluderunt:

1. Sanguinem venosum nigricantem (§. 953.) cum gas oxygenio copulari, hoc solvere, & ab hoc ruborem suum petere.

2. Gas oxygenium, cum sanguine nunc rubro conjunctum, successive demum resolvi, dum oxygenium cum carbonio & hydrogenio sanguinis, singulatim sumptis, intimius concrevit, & sic aquam generat acidumque carbonicum, ubi sanguis iterum ruboris jacturam (§. 953.) patitur. Quæ quidem mutatio ultima celerius accidit in gas non respirabilibus, quam si sanguis continuato contactui gas oxygenii exponitur. At etiam hoc in casu contingit non minus, quia sanguis, simul ac hydrogenium suum carboniumque superfluum amisit, cum oxygenio affinitatem non ultra habere videtur.

§. 956.

§. 956.

Ex analogia phænomenorum, quæ in hisce experimentis observantur, præterea concludunt, in respiratione animalium idem obvenire. Gas oxygenium inspiratum conjungit se cum sanguine venoso in pulmones reducto, idem partim totum cum toto sanguine, partim resolutum cum ejusdem hydrogenio & carbonio singulatim sumptis. Nascuntur hinc aqua & acidum carbonicum, quæ expirantur. Et nascitur ex cōpulatione sanguinis nigricantis venosi reliqui cum toto gas oxygenio sanguis arteriosus ruber; in quo, tempore circulationis, conjunctio successiva oxygenii cum hydrogenio & carbonio ultra procedit. Interea non minus sanguis novum in decursu suo hydrogenium carboniumque aliunde attrahit; ut tandem his satur & nigricans per venas ad pulmones revertatur.

§. 657.

Ergo caloricum gas oxygenii non omne in pulmonibus secernitur, sed sola ejus portio. Nec hoc manet caloricum sensibile, quia ilico ad gasificationem generatæ aquæ & acidi carbonici impenditur. Pars maxima itaque ca-

lorici, quod in gas oxygenio continetur, primum in ipsa circulatione sanguinis, per copulationem successivam oxygenii cum superfluis hydrogenio & carbonio sanguinis, libera evadit, & ceu caloricum sensibile excutitur. Atque hoc ipsum caloricum sensibile proprie est, quod, æquabiliter & non interrupte diffundendo se per totum corpus, quam maxime contribuit ad producendam in illo temperaturam illam, quam *Calorem animale* vocamus. Ad hanc theoriam facile explicari poterit causa calorigi specifici majoris in sanguine arterioso quam in venoso; & poterunt plura alia phænomena physiologica & pathologica.

§. 958.

Ex sententia quorundam aliorum Chemicorum sanguis venosus, hydrogenio & carbonio oneratus nigerque, in pulmones redit; ubi gas oxygenium resolvendo, a se removet superfluum suum hydrogenium carboniumque ceu aquam & gas carbonicum, quæ expirantur. Caloricum, hac ratione liberatum, non sic ilico omne ut calor sensibilis expellitur, sed statim se conjungit cum sanguine rubro arterioso, qui pro cognita maiore sua capacitate ad caloricum, plure hoc eget, ut in eadem

ma.

maneat temperatura. Hoc majore calórico specifico præditus sanguis per totum se corpus nunc iterum diffundit, quo in decursu novum hydrogenium carboniumque accipit, simul pedetentim hinc majorem suam capacitatem perdit, & consequenter etiam pedetentim caloricum susceptum deponit, dum sic cum capacitate minore & denuo niger in pulmones revertitur.

CXIX. DE ACIDO PRUSSICO.

S. 959.

Si extractum sanguinis cum sale alcalino fixo leviter candeat, & hic dein per elixationem a carbone purgatur, invenimus, illum omnes salis neutrius acquisivisse dotes. Scilicet in combustionem sanguinis gignitur acidum naturæ propriæ, *Acidum prussicum* nuncupatum, quod jungitur cum sale alcalino in salem neutrum, qui vocari vulgo solet *Lixivium alcalinum phlogisticatum*, verus prussias salis alcalini. Eadem ratione etiam cum ossibus, crinibus, aliisque partibus animalibus idem parari sal potest.

§. 960.

Lixivium hoc colorem habet flavescen-
tem odoremque proprium. Cum acidis haud
effervesceat, syrupi violarum colorem non mu-
tat, nec magis sales neutros terrestres resol-
vit. Sed omnia soluta in acidis metalla in-
de præcipitantur, dum sal alcalinus se jungit
cum acido salis metallici & calx metalli hinc
excussa, cum acido prussico, quod illi pro-
prium colorem conciliat. Sic ferrum inde sa-
turate cæruleum, cuprum rubrofusum, plum-
bum album, & aurum flavum præcipitatur.

§. 961.

Si lixivium phlogisticatum lente evapo-
ratur, in illo concrescunt crystalli cubicæ &
columnares tetraëdræ coloris flavescantis, quæ
sunt *Prussias* aut *sodæ* aut *lixivæ*, prouti aut
hæc vel illa pro lixivio parando adhibita fuit.

§. 962.

Quod per lixivium phlogisticatum excu-
titur de solutione acido-sulphurica ferrum,
vocari vulgo solet *Cæruleum berolinense*; Che-
micis dicendum *Prussias ferri*; ex quo aci-
dum

dum prussicum, digestionem cum alcalibus causticis, iterum avelli potest; ubi recuperatur lixivium phlogisticatum, & ferrum sub forma calcis fuscae remanet.

§. 963.

Ut lixivium phlogisticatum habeatur purissimum, saturatur aceto destillato, evaporatur ad spissitudinem mellis, & commiscetur cum tribus partibus alcoholis. Hoc terram foliatam tartari dum solvit, excidit prussias lixivæ sub forma salis squamosi.

§. 964.

Ad obtinendum acidum prussicum in statu sincero, lixivio phlogistico aut prussiati alcalino crystallifato tantum additur acidi sulphurici, ut hoc superabundet; quæ mixtura tunc leni calore destillatur cum excipulo woulfiano. Sic acidum prussicum gasforme evolvetur, & ab aqua absorbebitur in excipulo contenta. Potest etiam idem acidum acquiri ex destillato sanguine cum acido nitrico.

§. 965.

Acidum hoc prussicum sapore pollet acti, & odore suffocante amygdalis amaris simili; sed præter proprietatem jungendi se cum alcalibus & metallis in sales neutros & medios, nullam aliam acidi indolem monstrat.

§. 966.

Facillima est copulatio acidi prussici cum ammonia; potest enim digerendo prussiatem ferri in ammonia caustica *Prussias ammonia* confici. Convenit hic plerisque dotibus suis cum prussiate lixivæ; & leni calore destillatus transit in excipulum totus & immutatus. Sic etiam digerendo prussiatem ferri in aqua calcis paratur *Prussias calcis*; qui per alcalia caustica resolvitur, dum hæc in se acidum prussicum rapiunt.

§. 967.

Non solo in regno animali acidum prussicum observatur, sed etiam concretum cum ferro in regno minerali, & producitur ex fuligine tractata cum salibus alcalinis.

§. 968.

§. 968.

Basis acidi prussici certe composita est; sed ejus partes constitutivæ huc usque obscuræ sunt, & opiniones Chemicorum divisæ. Sunt, qui suspicantur, constare illam ex hydrogenio, carbonio & azoto. Alii phosphorum partem principem credunt.

CXX. DE BILE.

§. 969.

Bilis sive *Fel* est liquor magis minusve ex flavo virens, tenax, saporis amari & odoris nauseosi, qui in hepate ex sanguine seceratur. In quibusdam animalibus tamen vel recens, in aliis quibusdam evaporatum, vel vetustum, odore pollet grato & simili moscho.

§. 970.

Quiete sola non mutatur bilis, sed putrescit calore aut vetustate. Ex balneo aquæ destillata dat phlegma insipidum, quod sæpissime ambram olet, & cito putrescit. Remanet massa sicca, fragilis, viridescens, dicta *Fel inspissatum*, vel *Extractum bilis*. Hoc

ficca destillatione ex balneo arenæ promit liquidum alcalinum volatile, ammoniam mittem siccam, & oleum fætidum empyreumaticum. Hic massa valde intumescit, & mutatur in carbonem magnum & splendentem, qui facilius in cineres vertitur, compositos ex soda, phosphate calcis & ferro.

§. 971.

Tam bilis ipsa quam ejus extractum in aqua non solvuntur. Ab acidis mineralibus & ab aceto resolvitur, quæ ex illa fecernunt massam coagulatam, coagulato sanguinis sero aut caseosæ lactis parti analogam. Est hæc præcipitata massa in acido superabundante de novo solubilis, cumque acido muriatico facit solutionem rubram. Ex evaporato liquido superstitite sal concrefcit neuter ex soda & ex acido adhibito.

§. 972.

Haud aliter atque acida etiam alcoholibilem resolvit. At vero si post separatum coagulum tinctura bilis reliqua leni igne evaporatur, acquiritur massa resinosa balsamica, in alcohole iterum tota, paucio glutine excepta.

cepto, solubilis; & quæ cum alcalibus solutionem viridem facit. Destillata illa massa sola dat aquam flavescentem amaram, oleum empyreumaticum spissum & balsamo simile, & leve indicium ammoniæ. Restat in retorta massa nigra instar colophonæ.

§. 973.

Bilis nec cum oleis æthereis, nec cum anguinosis, nec cum butyro copulari se patitur; eoque minus hæc corpora in aqua solubilia reddit. Nec igitur ut sapo considerari potest; & si quidem usui venit ad detergendas maculas ex panno laneo, causa est, stare bilem cum hoc panno in maiore affinitate quam olea unguinosa, unde bilis ex panno oleum extrudit, cujus guttulæ tunc in conspectum prodeunt.

§. 974.

Bilis igitur conflatur secundum experimenta adducta ex lymphâ coagulabili, materie resinosa, glutine animali, soda & particulis ferreis. Atque hæ parca copia adsunt; nec evictum est, sodam in statu libero in bile latitare.

§. 975.

Si bilis ex quacunque demum causa in vesica fellea diutius moretur, quam par est, deponit massulas solidas, fusci coloris & compagis plerumque radiatæ, quas vocamus *Calculos felleos*. In quibusdam animalibus fere semper adsunt certis temporibus. Hi calculi duplices sunt; nam eorum nonnulli solvuntur in spiritu vini, in oleis & in sapone, quando solutio spirituosâ deponit salem acidulum tenuissime lamellatum; dum alii contra calculi solo ex hoc acido sale constare dicuntur. Ex opinione plerorumque Chemicorum essent hi calculi mera bilis, ob attractum oxygenium densata; quæ quidem sententia confirmari ex eo videtur, quod ope acidi muriatici oxygenati bilis in similem mutari massam possit.

CXXI. DE SUCCO GASTRICO.

Succus gastricus ille liquor est, qui in ventriculo animalium secernitur, ut alimentorum digestionem inserviat. In omni animalium genere, ratione nutrimenti & structuræ ventriculi, diversus est. Sic in gallinaceis avibus
tan-

tantum tunc in chymum mutat alimenta, quando hæc ope ventriculi earundem musculosi ante huic negotio apta reddita sunt; in ardeis, autem inque corvis agit in alimenta non præparata solus. Similem quoque præparationem exigit in animalibus ruminantibus, qua non eget in amphibiiis & avibus rapacibus. In amphibiiis & piscibus digerit alimenta in temperatura atmosphæræ; in animalibus mammalibus autem inque avibus solummodo in temperatura elatiore; in prioribus segnius, in posterioribus celerius. In aliis animalibus sola agit in vegetabilia, in aliis sola in animalia, in aliis demum in utraque. Tandem potest succus gastricus quorundam animalium digere, sine omni adjumento motus mechanici, tendines, ligamenta, imo vel ipsa compactissima ossa, quam vim vel post animalis mortem exercet.

§. 977.

Succus gastricus odore caret, sapore gaudet salso, sponte solus nec fermentatur, nec putrescit; quin alia corpora admistione sua a fermentatione & putrefactione potius defendat. Syrupum violarum tingit colore rubro. Cum aqua in omni proportionem conjungitur.

Nec

Nec coagulatur acidis nec alcalibus. Cum spiritu vini producit præcipitatum gelatinosum. Cogit lac. Cum sanguine omne connubium respuit. Ab his succus gastricus animalium ruminantium adultorum in eo discedit, quod cito putrescat, syrupum violarum viridem reddat, nec lac coagulet.

§. 978:

Destillatione sicca videtur etiam succus gastricus diversorum animalium non plane eodem se modo habere. Plerumque tamen ferme totus ceu liquidum insipidum transit, nec acidum, nec alcalinum, cui sub finem associatur tantillum oleum empyreumaticum. Caput mortuum est massa falsa, sæpe constans ex sale communi, sale ammoniaco & paucis carbonibus. Raro ammonia prodit.

§. 979:

Ex allatis experimentis intelligimus, analysin chemicam succi gastrici ne longe quidem nos reddere aptos, qui explicemus omnia illa phaenomena singularia, quæ in digestionibus ab ejus virtute pendere videmus. Præprimis

ex

ex aqua, glutine animali & salibus constare, verisimile est.

CCXXII. DE LACRYMIS.

§. 980.

Liquor, in glandulis lacrymalibus secretus, qui, dum abundat, per nares & super palpebram inferiorem in genas depluit, *Lacryma* dictus, est in statu purissimo decolor & odoris expers, sed saporis multum falsi, syrupique violarum colorem mutat in viridem.

§. 981.

In atmosphæra & in calore modicolarum lacrymæ siccantur in substantiam flavam, in qua sæpe crysalli cubicæ clare conspici possunt. Hæc fortiori igne destillata dat parum aquæ & olei empyreumatici, manetque carbo, qui ustus in cineres exhibet salem communem, parum sodæ, phosphatē calcis & phosphatē sodæ.

§. 982.

§. 982.

Lacrymæ recentes in aqua totæ solvuntur; at vero aëri diutius expositæ vel planè jam exsiccatae, tunc ultra non solvuntur. Sales alcalini diluunt lacrymas, easdemque vel exsiccatas solvunt. Alcohol lacrymas cogit, & secernit partem glutinosam. Ex reliquo alcoholè evaporato obtinentur tunc sal communis & soda.

§. 983.

Acidum sulphuricum & muriaticum in lacrymas recentes parum activa videntur; siccitas vero solvunt cum effervescentia. In primo casu evolvuntur acidum muriaticum & gas acidum carbonicum, & remanet sulfas sodæ. In altero, solum evolvitur gas acidum carbonicum, & quod restat, totum murias sodæ est. Acidum salis oxygenatum momento in lacrymas illam mutationem producit, quam alias in atmosphæra lente patiuntur.

§. 984.

Sequitur ex allatis tentaminibus, lacrymas præcipue ex aqua, glutine singulari, sa-

le communi, phosphate calcis, phosphate sodæ, sodaque sincera conflari, quæ ultima in statu caustico adesse videtur, quia lacrymæ recentes aquam calcis non turbant, quod faciunt exsiccatae. - Verisimile præterea est, mutationem, quam subeunt lacrymæ in exsiccatione, a verâ absorptione oxygenii & acidi carbonici dependere.

CXXIII. DE MUCO.

§. 985.

Sub nomine *Muci* intelligitur illud liquidum, quod, imprimis in coryza, majore in copia per membranam schneiderianam fluit in cavitationem narium. In principio est limpidus, pellucidus, odoris expers, & sapore præditus acris & salso; quo in statu a lacrymis non differt proprietatibus chemicis & partibus constitutivis. At in natibus aliquandiu moratus, evadit opacus, flavescens, tenax, in aqua insolubilis, & denique in massam flavo-virentem liccatur.

§. 986.

Hujus mutationis causa videtur peti debere ab aëre, magna copia in inspiratione per nares irruente, qui oxygenium suum mucō tradit. Tum etiam acidum carbonicum, in aëre exspirato contentum, sodam nunc puram saturat; & in gradu coryzæ vehementiori temperatura, per febrim aucta, verisimiliter quoque mutationem illam promovet; quæ per inspiratum gas acidum muriaticum oxygenatum fere momento perficitur.

CXXIV. DE SALIVA.

§. 987.

Saliva in glandulis salivariis animalium ex sanguine secernitur, & per varios canales in os deducitur, cum ut, cibis in commanducatione immista, hos ad digestionem disponat, tum etiam ut illorum multos solvat, quo apti evadant vi irritante sua in papillas linguæ nerveas agere. In statu puro & sano est liquor spumofus, decolor, omni odore & sapore destitutus, & in aëre calido putrescens brevi.

§. 988.

§. 988.

Saliva recens haud mutat syrupum violarum, nec ullum præbet acidi aut salis alcalini libere latitantis indicium. In aqua sat bene solvitur; sed ab alcohole coagulatur. Non init connubium cum oleis pressis.

§. 989.

Cum acidis parce conjuncta, coagulatur; copiosa autem acida illam solvunt. Sic etiam solvitur a salibus alcalinis aëratiss; caustica autem alcalia & calx viva quidpiam ammoniæ ex illa expellunt.

§. 990.

Ex balneo aquæ destillata saliva dat aquam inspidam & inodoram, ultra quatuor quintas sui partes, quæ cito putrescit. Caput mortuum est massa alba splendens & fragilis, ex qua igne fortiori producta corporum animalium communia acquiruntur.

§. 991.

Quamvis hæc cum saliva huc usque instituta experimenta nedum nos doceant definita ejus principia, suspicari tamen ex illis possumus, salivam quam maxime cum muco convenire, & esse ab hoc præprimis majore aquæ abundantia diversam.

CXXV. DE PURE.

§. 992.

Pus est liquidum spissius, ex albo flavescent, unguinosum, opacum, quod mutatione singulari & præternaturali in omnibus corporis animalis partibus generari potest. Nec igitur potest in statu sano pars dici ejusdem constitutiva; licet tantam in externo habitu similitudinem cum muco monstret, ut sæpe sit difficillimum, alterum ab altero distinguere.

§. 993.

Pus recens & benignum odore caret, & sapore gaudet miti. Nec mutat syrupum violarum, nec aliud ullum præbet liberi salis aut acidi aut alcalini præsentis indicium. Tempe-

peraturæ modicæ expositum fermentationem acidam cito subit, & violarum atque heliotropii infusum tunc rubefacit. Hoc tandem pus acidum incipit, imprimis in aëre libero, putrescere cum evolutione ammoniæ & cum remanente liquido fœtido. Utramque hanc mutationem pus sæpe vel in ipso corpore animali patitur, quando apud medicos pus acidum illud *Pus malignum* & pus hoc putridum vocari *Pus ichorosum* solet.

§. 994.

Pus in aqua non solvitur, cumque hac, ope conquassationis aut tritus, solummodo format liquidum lactescens, ex quo pus quiete iterum secedit. Densatur quidem pus ab alcohole ob privationem aquæ, sed neutiquam solvitur. Nec magis illud perfecte solvunt olea unguinosa. Cum gelatina animali, muco & sero sanguinis pus in omni proportionem conjungitur.

§. 995.

Acida mineralia diluta parum in pus agunt; concentrata autem solvunt; quæ solutiones ab affusa aqua iterum disjunguntur, & pus parum

mutatum dimittunt. Sales alcalini aëratī secundum cl. Brugmans pus non solvunt; caustici cum pure coeunt in liquorem tenacem gelatinosum, ex quo pus per acida præcipitatur.

§. 996.

Pus destillatum ex balneo aquæ dat phlegma insipidum & inodorum, & restat materies fuscescens & spissa; ex qua igne fortiori tractata obtinentur producta partium animalium communia.

§. 997.

Ex omnibus hisce examinibus partes constitutivæ puris proximæ nedum definiri possunt, manentque nobis incognitæ. Etiam ex iisdem intelligimus difficultatem stabiliendi diagnosin certam muci & puris. Certior interea pro pure est, quod hoc in acidam fermentationem transeat, mucus autem directe & ilico in putridam.

§. 998.

§. 998.

Cl. Grasmeyer nuperrime diagnôsin puris, a cl. Salmuth primo indicatam, propius determinare & confirmare tentavit. Miscetur materies examinanda terendo cum aqua tepidæ portione æquali, cui dein affunditur lixivæ perfecte aëratæ solutio saturata in pondere æquali cum materie sumpta. Quassatur mistura parumper, & datur quieti. Si materies erat pus, aut etiam si pus dumtaxat habuerat immixtum, secernetur ex mistura, ad summum post paucas horas, gelatina tenax & pellucida; sin pus aberat, persistet mistura immutata.

CXXVI. DE SEMINE.

§. 999.

Semen vel Sperma viri sani in exitu suo de corpore duplicem habet formam; nam pars ejus est liquida & lactescens, dum altera pars est glutinosa, tenax & spissa. Odor illi proprius est, & sapor acer atque irritans. Recentissimum mutat syrupi violarum colorem in viridem, & resolvit sales medios terrestres & metallicos.

K 4

§. 1000.

§. 1000.

Ut primum temperaturam atmosphærae semen post egressum suum acquisivit, pelluciditatem magis perdit, magisque solidatur; sed iterum post paucas elapsas horas liquefit, imo fluidius fit pellucidiusque quam fuerat in principio. Et cum in hisce mutationibus nullum observetur ponderis incrementum, non pendent illæ vel ab attractione humidi vel ab absorptione oxygenii.

§. 1001.

Posteaquam semen dictas mutationes passum est, post aliquot dies deponit crystallos, partim pellucas & rhomboidales, partim opacas & lamellatas, ambas phosphatem calcis. Semen una tunc spissius evadit, tandemque siccatur in substantiam corneam.

§. 1002.

Semen recens in aqua plane non solvitur, post mutationem autem supra dictam facile cum aqua connubium init. Sales alcalini hanc solutionem promovent, ex qua alcohol & acidum muriaticum oxygenatum iterum semen

men sub forma floccorum alborum præcipitant.

§. 1003.

Ex femine via sicca destillato prodit quidam olei empyreumatici & ammoniæ; & reliat carbo, in cujus cineribus soda & phosphas calcis inveniuntur. Acida semen solvunt omnia, solo excepto muriatico oxygenato, quod semen coagulat in floecos albos.

§. 1004.

Ex his experimentis patet, partes feminis constitutivas esse aquam, gluten animale, sodam & phosphatam calcis; & quidem sicut 100 partes feminis contineant 90 partes aquæ, 6 partes glutinis, 1 partem phosphatis calcis, & 3 partes sodæ. Ex quibus ne longe quidem explicari phænomena singularia possunt, quæ in femine observamus.

CXXVII. DE AXUNGIA.

§. 1005.

Axungia, *Adeps* vel *Sebum* non tantum in animalibus diversis, sed etiam vel in eodem animali variat ratione partis corporis, in qua hæret. Sic in universum axungia in amphibis & piscibus fere fluida est, & in animalibus fructivõris solidior quàm in carnivoris. Sic porro axungia subcutanea & renalis firmior est intestinali. Firmior etiam & magis flava in animalibus senescentibus quàm in junioribus &c. Ex hoc diverso habitu externo & ortu pinguedo variis nominibus insignita fuit, cujusmodi sunt *Axungia*, *Sebum*, *Oleum balæne*, *Sperma cæti*, *Medulla* &c.

§. 1006.

Pinguedo animalis, ab omnibus heterogeneis, adhærentibus purgata, proprietatibus suis chemicis perfecte congruit cum oleis vegetabilibus unguinosissimis. Saporis est blandi, & odore caret. Igne modico funditur, & refrigerens denuo spissescit. Vetustate rancescit; & cum salibus alcalinis causticis coit in saponem.

§. 1007.

§. 1007.

Si axungia ex retorta destillatur, valde intumescit; & prodit aqua acida, oleum empyreumaticum, plurimum gas acidum carbonicum & gas hydrogenium. Caput mortuum est carbo splendens, difficulter urendus in cineres, constantes phosphate calcis & calce pura. Oleum hic obtentum solet habere spissitatem aliquam, sed potest repetita destillatione, adinstar oleorum similium vegetabilium, liquidius, magis decolor, oleisque æthereis similis reddi. Si tunc plane decolor est, vocatur *Oleum animale Dippelii*.

§. 1008.

Ut autem hoc oleum obtineatur commodius, destillatur oleum illud fuscum ex retorta calore, quantum fieri potest, modico; aut fit hoc cum addita aqua. Cavendum, ne, in infundendo in retortam oleo, ejus collo gutta adhæreat. Oleum Dippelii haud diu asservari potest illibatum, nisi vasa sint exactissime clausa; alias brevi iterum coloratur.

§. 1009.

§. 1009.

Acidum, tam illud, quod ex prima axungiae destillatione prodit, quam quod in olei rectificatione secernitur, a reliquis omnibus acidis notabiliter discriminatur, & hinc proprio nomine vocatur *Acidum sebaticum*. Ut obtineatur in statu puriori & concentrato, saturatur lixiva, & sal hinc ortus calcinatur, donec omnis adhucdum adhærens pinguedo combusta sit. Additur tunc dimidium pondus acidi sulphurici, & mistura destillatur. Sic acidum sulphuricum concrescit cum lixiva, & acidum sebaticum transit purum in excipulum.

§. 1010.

Etiam acidum sebaticum directe ex axungia separari potest, atque sic evinci, jam quae tale in axungia latitasse. Nempe funditur leni calore axungia, cui sub continua agitatione additur calcis vivæ una tertia pars; quæ copulabitur cum acido sebatico. Tota massa dein coquitur in multa aqua, solutura salom medium nunc in massa hærentem, cujus lixivium per filtrationem ab axungia superflua & a calce non soluta separatur, ad siccitatem eva-

evaporatur, leviter calcinatur, & cum acido sulphurico uti (§. 1009.) destillatur.

§. 1011.

Acidum sebacicum purum cum salibus alcalinis & terris absorbentibus format sales neutros & medios, ab illis acidi acetici haud multum discrepantes. Solvit aurum metallicum, melius tamen aurum oxydatum, facitque cum illo salem medium crystallisabilem. Eadem etiam ratione solvit argentum & mercurium. Præcipitat plumbum ex acido nitrico & acetico, & stannum ex aqua regia. Cum alcohole tractatum dat genuinum *Aetherem sebacicum*.

§. 1012.

Ex omnibus his elucet, posse axungias animales pro veris sic dictis saponibus acidis (§. 754.) haberi, utpote conflatis ex acido sebacico & ex oleo unguinoso animali. Potest etiam acidum sebacicum ope acidi nitrici in acidum sacchari mutari.

§. 1013.

Ad axungias animales præter *Cerumen aurium*, quod omnino verisimile est, axungiam esse, accessu aëris & calore factam rancidam & amaram, etiam pertinet *Zibethum*, ab aliis axungiis odore balsamico forti diversum.

CXXVIII. DE OVIS.

Ova avium constant accuratius observata ex quinque partibus; 1. ex *Testa*, 2. *Pellícula*, 3. *Albumine*, 4. *Cicatricula*, & 5. *Vitello*. Testa componitur ex terra calcarea & phosphate calcis, glutine animali conjunctis. Hinc directe testa in acidis concentratis difficulter solvitur; & fere tantum in calidis cum secretionē glutinis; in dilutis autem facilius.

Albumen dotibus chemicis planè convenit cum sero sanguinis & cum caseosa lactis parte. Syrupum violarum reddit viridem,
&

& sibi relictus, in putredinem citissime transit. Calore aquæ ebullientis induratur in massam gelatinosam, quæ protracto modico calore, aut in loco aëre perflato, siccatur in materiem corneam & pellucidam. Si hæc illi mutatio inducitur per destillationem ex balneo aquæ, in excipulum depluit aqua insipida, subito tamen putrescens. Igne fortiori dat gas acidum carbonicum, gas hydrogenium, oleum empyreumaticum & ammoniam. Carbo residuus, in cineres versus, dat phosphatem calcis & sodam.

§. 1016.

Albumen recens in aqua solvitur; non vero induratum. Per omnia acida coagulatur; & si, quod restat liquidum, a parte coagulata per colationem secernitur, evaporatum illud præbet salem neutrum, qualis ex soda & acido pro coagulatione adhibito exsurgere debet. Alcohol etiam albumen cogit.

§. 1017.

Vitellus præcipue consistat ex albumine, ligato cum oleo unguinoso animali & parca gelatina. Hinc partim in aqua solvitur in
spe-

speciem emulsi. Igne durescit, sed tantum in massam friabilem, ex qua, leviter ultulata, pars oleosa prælo exprimi potest, dicta *Oleum ovorum*, oleo unguinoso vegetabili spisso simile, cito rancescens. A pressione supersunt partes vitelli coagulabiles. Ab acidis & ab alcohole vitellus partim cogitur. Ex destillato via sicca eliciuntur producta animalia.

§. 1018.

Pellicula ovi congruit cum parte fibrosa sanguinis. Cicatricula ab albumine distinguitur sola majore spissitate.

CXXIX. DE PARTIBUS ALBIS MOL-
LIBUS ANIMALIUM.

§. 1019.

Cutis, Cartilagines, Tendines, Ligamenta, Tela cellulosa, Membranæ, Nervi &c., chemice considerata, eodem se habent modo, & verisimiliter dumtaxat differunt ab invicem textura sua organica. Omnia hæc corpora coctione partim solvuntur in aqua; & si pergitur in hac coctione, donec tandem aqua nihil ultra solvere potest, remanet materies
fi-

fibrosa, cum parte fibrosa sanguinis omnimode homogenea.

§. 1020.

Evaporata supra dictæ coctionis aqua refrigerando tandem coit in substantiam elasticam & pellucidam, dictam *Gelatinam animale*m. Evaporatione diuturniore substantia hæc fit fragilis & cornea, etiam pellucida, quæ vocatur *Colla*.

§. 1021.

Gelatina recens odore caret, sapore prædita insulso. Non est inflammabilis. Primo acescit, mox dein putrescit. In quacunque proportionem solvitur in aqua, nec in alcohole. Destillata ex balneo aquæ emittit phlegma insipidum, & colla remanet sicca; quæ destillatione sicca ex arena promit ammoniam & oleum empyreumaticum. Carbo capitis mortui difficulter uritur in cineres, ex sale communi & phosphate calcis constantes. Tam alcalia quam acida gelatinam optime solvunt, & acidum nitricum ex illa magnam gas azotici copiam extricat.

Ergo partes animalium albæ & molles conflantur præsertim ex gelatina & ex parte fibrosa sanguinis. Sed est gelatina magis minusve colorata & solubilis, prouti ex hac vel illa animalis parte desumpta est.

CXXX. DE MUSCULIS.

Musculus sive *Caro* est corpus mechanice compositum ex tela cellulosa, cujus interstitia impleta sunt partibus solidis & fluidis, quæ ob divisionem suam subtilem tantum per auxilia chemica separari queunt. Sic proprie caro concreta est ex substantia fibrosa, ex gelatina, sero sanguinis albo & rubro, pinguedine, materie singulari extractiva, & ex salibus.

Caro, ex balneo aquæ destillata; dat aquam insipidam, brevi patrescentem; & restat in balneo siccata. Fortiori autem igne dat phlegma alcalinum volatile, oleum em-

pyreumaticum & ammoniam mitem siccam.
In cineribus carbonis residui hærent parca sedita, & murias sodæ vel lixivæ.

§. 1025.

Ut partes carnis ab invicem segregentur, Effanturque solitariae, optime sequenti proceditur modo. Primo lavatur caro tamdiu in aqua frigida, donec hanc colorare cessat. Tunc digeritur sic lota in alcohole; & tandem in aqua plane excoquitur. Prima lotionis aqua in se suscepit serum sanguinis, quod longa evaporatione coagulatur, atque sic separari potest. Evaporatione ulterius protracta aliquot excutiuntur sales, Reliqui sales & partes extractivæ transeunt in alcohol. Coccione tandem in aqua gelatina & pinguedo eliciuntur, remanetque sola fibra musculosa.

§. 1026.

Serum sanguinis, gelatinam, pinguedinem, & fibram jam cognita habemus. At vero sic dicta pars extractiva carnis minus examinata fuit. Tam in aqua quam alcohole solvitur; saporis est subamari & acris; odoris aromatici, qui forti evaporatione augetur,

& tandem ad saccharum usum accedit, qualem in crusta fusca carnis tostæ observamus. Nec magis curate sales determinati sunt; qui quantum ad illa, quæ novimus, verisimiliter ex phosphate sodæ & calcis quam maxime constituuntur.

CXXXI. DE OSSIBUS.

§. 1027.

Ossa, Cornua, Ungulæ, similesque aliæ partes duræ animalium, sanguine rubro præditorum, componuntur imprimis ex gelatina, parca pinguedine, & ex sale medio terrestri, conflato ex acido proprio, dicto acido phosphori, & ex terra calcarea. Gelatina & pinguedo possunt iterata decoctione in aqua extrahi, uti ex partibus albis mollibus, remanente parte terrestri. Sic excoctum cornu cervi vocabatur olim *Cornu cervi philosophice præparatum*. In olla papiniana decoctio talis omnium optime perficitur.

§. 1028.

Ex destillatis igne fortiori ossibus obtinemus, præter multum gas hydrogenium & gas aci-

acidum carbonicum, liquidum alcalinum volatile, jam oleo empyreumatico inquinatum, oleum empyreumaticum sincerius, & ammoniam mitem siccam. Carbo residuus in cineres difficiliter vertitur. Ex cervi cornibus vocatur in pharmacopæis liquidum illud alcalinum *Spiritus cornu cervi*, ammonia sicca illa *Sal cornu cervi*, & carbo calcinatus ad albedinem *Cornu cervi ustum*.

§. 1029.

Ex calcinatis hisce, atque sic ab omni gelatina & pinguedine purgatis, partibus solidis, per aquam frigidam paucissima elixatur soda, & per fervidam adhuc quidpiam gypsi; & restat tunc merus phosphas calcis, ex quo acidum sic secerni poterit. Sub continua agitatione quatuor partibus ossium calcinatorum inque pulverem redactorum affunduntur partes tres acidi sulphurici diluti, quod cum terra calcarea copulabitur, atque ita acidum phosphori ex ossibus excutiet. Massa tunc aliquoties aqua elixatur; lixivium lente evaporantur; sic gypsum adhuc latens excidet, & tandem *Acidum phosphoricum* restabit in statu sicco & vitriformi.

§. 1030.

Aut solvantur ossa calcinata in acido nitrico; & solutioni tamdiu acidum sulphuricum guttatim instilletur, donec præcipitatio cesset. Sic post separatum gypsum habetur acidum nitricum cum phosphorico mistum, a quo nitricum per destillationem abstrahi potest.

§. 1031.

Ad acquirendum acidum phosphoricum sincerum & ab omni gypso & calce liberatum, saturatur totum ammonia; a calce præcipitata per filtrationem separatur, ab aqua per evaporationem, & ab ammonia & inmisce fortasse sulfate ammoniæ per calcinationem.

§. 1032.

Acidum phosphoricum sincerum est in statu vitriformi, sed ex aëre humiditatem cito attrahit, & deliquescit in liquorem odoris & coloris expertem. In igne valde fixum est, funditurque fertiori in massam vitream, in aqua solubilem, insolubilem vero, si est gypso aut calce inquinatum. In silicam non agit; sed agit in vitrum.

§. 1033.

§. 1033.

Acidum phosphoricum lixiva saturatum facit salem neutrum, *Phosphatem lixivæ*, cujus crystalli sunt tetraëdræ, prismaticæ, cum similibus extremitatibus. Hic sal in atmosphæra non deliquescit, in aqua facile solvitur, spumescit injectus prunæ, & funditur in massam vitream.

§. 1034.

Cum soda format salem neutrum, *Phosphatem sodæ*; qui in crystallos prismaticas & rhomboidales concrevit, imprimis si soda superfaturatus est, in atmosphæra fatiscentes, & saporis muriatici. Solvitur perfecte in tribus aquæ frigidæ partibus, in fervidæ parte una cum dimidia. In igne spumescit, & in massam vitream funditur. Vocatur etiam ille sal *Sal perlatus*.

§. 1035.

Saturatum ammonia sistit salem neutrum, *Phosphatem ammoniæ*, in crystallos prismaticas & rhomboidales coeuntem, in atmosphæra constantes, sapore donatas amaro & refri-

gerante, in sex aquæ frigidæ partibus solubiles, & in igne resolvendas, dum ammonia avolat, supersite acido solo.

§. 1036.

Calx viva phosphatem lixivæ resolvit, facitque omni in casu, saturata acido phosphorico, salem medium, in aqua fere indissolubilem, *Phosphatem calcis*. Acido autem supersaturata, in aqua solubilis evadit, & in crystallos lamellatas cogitur. Sales alcalini mites resolvunt phosphatem calcis affinitate duplicata. Phosphas hic in igne non mutatur, & solo intensissimo funditur in vitrum flavescens.

§. 1037.

Phosphas barytæ in aqua ferme insolubilis est, nec igitur crystallifabilis; cæterum etiam se habet instar phosphatis calcis. Etiam *Phosphas magnesiæ* in aqua difficillime solvitur, formatque post evaporationem plerumque solam massam gummi similem, rarius crystallos aciculares subtiles, in aëre fatiscentes. In igne funditur in vitrum pellucidum. *Phosphas aluminæ* in atmosphæra deliquium
pa.

patitur, & solvitur in aqua facilius, nec tamen crystallifabilis est, sed tantum massam gummosam sistit. In igne etiam in vitrum pellucidum vertitur.

§. 1038.

Acidum phosphoricum plura etiam metalla ex solutionibus suis præcipitat, cumque illis sales medios facit in aqua insolubiles; sic hydrargyrum ex acido nitrico præcipitat colore roseo, argentum & plumbum albo.

CXXXII. DE PHOSPHORO.

§. 1039.

Basis acidi phosphorici est corpus singulare inflammabile, quod ultra resolvi hucusque non potuit, *Phosphorus* dictum. Ut sistatur in statu puro, acidum phosphori resolvitur per materiem, cui cum oxygenio major est affinitas quam phosphoro, nempe per carbones. Si itaque acidum phosphori sincerum vel phosphas sodæ, ammoniæ aut plumbi, mista cum carbonum pulvere, destillantur ex retorta cum excipulo woulsiano, obtinetur phosphorus; nam oxygenium acidi phosphorici

conjungit se cum carbonio in acidum carbonicum, quod eodem tempore una evolvitur.

§. 1040.

Commodissima phosphori obtinendi methodus hæc est. Sumitur acidum phosphoricum, ad syrupi spissitatem evaporatum, & super igne miscetur cum tanta pulveris carbonum copia, ut tota inde massa siccescat. Relinquitur sic mistura sub continua agitatione, donec fundus vasis candescat. Tunc immittitur mistura in retortam porcellaneam cum collo amplo, quæ ponatur in furno reverberii, & pro excipulo applicatur retorta ampla sic inversa, ut fundus ejus, foramine pertusus, spectet cælum. Hæc retorta impletur aqua usque ad flexuram colli. Quando hæc operatio instituitur in majore quantitate, excipulum est vas cupreum figura retortæ donatum.

§. 1041.

In principio ignis subministratur modicus, lente auctus, donec tandem retorta tota candescat. Primo copia magna gas acidi carbonici evolvitur, quod sæpe secum vehit gas acidum prussicum &, si acidum phosphori
fin-

sincerum purumque non erat, acidum sulphurosum volatile. Dein sequitur gas hydrogënum, jam phosphoro soluto inquinatum; & tandem phosphorus prodit sub forma massæ butyraceæ guttantis, & vel cadit in aquam, vel manet, si ignis fuerit debilior, collo retortæ affixus. In capite mortuo est carbo superfluous & sæpe aliquid vitri phosphorici crystallisati.

§. 1042.

Phosphorus sic obtentus potest, ut purior reddatur, in aqua calida denuo fundi, & sic per corium premi. Est tunc semipellucidus, niveus, & densitatis ceræ. Funditur in temperatura $+ 36^{\circ}$, potestque lenta refrigeratione in squamas splendentes crystallisari. Calore $+ 83^{\circ}$ avolat vaporum forma lucentium. Calore $+ 232^{\circ}$ incipit ebullire. Omnia hæc experimenta, ut accensio prævertatur, in vacuo instituti oportet.

§. 1043.

Phosphorus, aëri expositus, lente comburitur cum vaporibus lucidis, & solum post se linquit liquorem acidum imperfectum, scilicet

licet *Acidum phosphorofum*. Hoc acidum ab acido phosphorico præcipue in eo differt, quod odorem spiret fœtidum, fere totum volatile sit, cumque lixiva & soda faciat sales neutros crystallifabiles, cum ammonia autem salern. neutrum deliquescentem. Phosphorus, in contactu cum atmosphæra ad altioretem temperaturam elevatus, comburitur velocissime cum flamma alba, & remanet tunc acidum phosphori perfectum. Substantia rubra illa, quam ultimo in casu sæpe residuam habet, & quæ etiam in destillatione phosphori una cum phosphoro acquiritur, verum est phosphori oxydum.

§. 1044.

In aqua phosphorus omnino insolubilis est; in illa tamen opacus fit, & partim in acidum mutatur. Spiritus vini phosphorum tantillum solvit; sed vertit illum in oleum pellucidum, quod lotionem in aqua pristinam soliditatem recuperat. Solvitur perfecte in oleis æthereis & unguinosi, tum etiam in æthere, quibuscum virtutem lucentem communicat. Acida omnia a phosphoro resolvuntur; & nitricum cum phosphoro in igne tractatum mutatur in verum acidum phosphoricum.

§. 1045.

Alcalia caustica phosphorum solvunt. Quæ solutio si sub aqua perficitur, evolvitur copia notabilis gas hydrogenii, quod phosphorum solutum vehit, ortumque suum aquæ resolutæ debet. Hoc *Gas hydrogenium phosphoratum* odoris est instar piscium putrescentium fætidissimi, incenditur, ut primum atmosphæram contingit, & cum gas oxygenium mistum validas explosiones producit.

§. 1046.

Cum sulphure phosphorus jungitur in omni proportionem, sed non ubique hæc compositio sibi similis est. Si ambo æqua proportionem copulantur ad modicum calorem, obtinetur massa, quæ vel in gradu + 4 adhuc fluida manet. Massa ex una parte sulphuris & ex duabus phosphori liquatur in gradu + 3. Ex adverso massa ex duabus sulphuris partibus & ex una parte phosphori solida manet in gradu + 12 ad + 15. Hæ compositiones in contactu cum atmosphæra valde inflammabiles sunt.

§. 1047.

Phosphorus via sicca copulatur cum omnibus metallis & semimetallis; in quem finem acidum phosphori vitrificatum adhiberi oportet. Metalla sic malleabilitatem perdunt, & evadunt fragilia. Omnia hæc *Phosphoreta metallica* in igne aperto iterum resolvuntur, dum phosphorus avolat.

Phosphoretum ferri, puro ferro immixtum, hujus sic dictam *Fragilitatem frigidam* producit. Si istiusmodi ferrum frigide fragile solvitur in acidis, phosphorus mutatur in acidum phosphoricum, quod cum ferro copulatum sub forma pulveris albi remanet, qui antea vocabatur *Siderum* vel *Hydrosiderum*, estque verus *Phosphas ferri*.

Si frustulum phosphori injicitur in solutionem auri, argenti, cupri &c., præcipitat hæc metalla in statu metallico, obduciturque pellicula metallica nitente. Sic etiam phosphorus via sicca arsenicum reducit.

CXXXIII. DE PILIS, PLUMIS ET SERICO.

§. 1050.

Pili animalium, quæ pro diversa sua longitudine, firmitate &c. nominantur *Pili*, *Setæ* vel *Lana*, in compositione sua chemica tam ab ossibus quam a partibus mollibus albis animalium sunt diversi. Nempe perparum habent de gelatina, pinguedine & lymphâ, sed videntur maximam partem constare ex fibra musculosa. Per coctionem aqua dumtaxat tantillum ex illis extrahit, quod gelatina est. Sales alcalini mites nihil agunt in illos; agunt autem iidem caustici, in quibus totî solvuntur. Acida ope caloris etiam solvunt; ab affusa tamen aqua sub forma floccorum alborum rursus illos excutiunt. Dant destillatione sicca communia animalium producta.

§. 1051.

Plumæ a supra memoratis partibus solummodo discrepant chemice, quod sit in illis proportio gelatinæ & pinguedinis adhuc multo minor. Earum vero *Caules* ad cornu propius accedunt, & calore etiam duriores & fragi-

giliores evadunt. Ob contentam gelatinam ex aëre humiditatem avidè attrahunt, & hinc, uti etiam pili & ossa balænæ, præcipue adhiberi pro hygrometris possunt.

§. 1052.

Sericum vel *Tela erucæ Phalænæ mori*, tum & telæ omnium aliarum erucarum, nec minus *Barba Pinnæ marinæ*, chemice considerata, fere omnimode conveniunt cum lana, à qua dumtaxat differunt, quod colores quosdam difficilius assumant, aliasque in arte tinctoria proprietates quasdam particulares possideant.

CXXXIV. DE SYNOVIA.

§. 1053.

Synovia est liquor semipellucidus, pallide virescens, viscosus, odoris pauci, saporis falsi, syrupi violarum colorem mutans in viridem, & turbans aquam calcis. Brevi, posteaquam ex articulis exempta est, assumit spissitatem gelatinosam, quæ impediri inspissatio nec calore modico, nec frigore, nec expositione ad atmosphæram, nec hujus exclu-

elusione potest. Sed brevi dein iterum liquidior evadit, deponit sedimentum fibrosum, & tandem putrescit.

§. 1054.

In pauca copia, aëri sicco expolita, siccatur cito in crustam squamosam, in qua sal duplex evidenter detegi potest; quorum alter, sub crystallulis cubicis apparens, sal communis, alter fatiscens, carbonas sodæ est.

§. 1055.

In omni proportionē cum aqua frigida copulatur in liquidum viscosum. Cum aqua vero fervida coagulatur partim, liquorem tacit lactescentem; semper adhuc viscidum; deponitque pelliculas aliquot coagulatas. Alcohol simile coagulum producit; nec tollit viscositatem.

§. 1056.

Acida concentrata mineralia & vegetabilia ex synovia præcipitant floccos; sed iterum brevi in liquorem redeunt & evanidos.

Acida dilutissima mineralia, & imprimis ve-

M ge-

getabilia , uti acetum , synoviam coagulant totam quantam , eidemque visciditatem demunt. Liquor iterum fit limpidus , dum simul deponit sedimentum fibrosum.

§. 1057.

Alcalia mitia synoviam optime solvunt, nec aliter illam mutant. Alcalia caustica illam diluere videntur, quin vel ipsam exsiccatam obtentumque (§. 1056.) sedimentum fibrosum solvant.

§. 1058.

Destillatione sicca dat synovia aquam inspidam & brevi putrescentem , liquidum alcalinum volatile , oleum empyreumaticum & ammoniam mitem siccam. Carbo, in retorta residuus, elixatus largitur salem communem & carbonatem sodæ, ustus in cineres adhuc quidpiam de phosphate calcis.

§. 1059.

Ex omnibus hisce elucet, synoviam esse liquorem singularem, qui substantiam albuminofam ovi vel lympham continet in statu duplici.

plici. Prior ille est, quo in omnibus reliquis liquidis animalibus adest, aquæ fervidæ & alcoholis ope (§. 1055.) separanda. In altero autem statu dumtaxat (§. 1056.) excutitur per acida vegetabilia aut in universum per acida dilutissima. Atque hæc lymphæ præterea distinguitur à communi per compagem fibrosam, quam in coagulatione assumit, tum etiam quod in aqua frigida solvatur conquassatione; ex eadem iterum floccose præcipitanda per alcohol & acida.

§. 1060.

Synoviæ igitur partes constituentes sunt 1. Lympha in statu singulari. 2. Lympha communis. 3. Aqua. 4. Sal communis. 5. Carbonas sodæ. 6. Phosphas calcis. Grana 288 synoviæ bovis, quæ proprie hisce tentaminibus inservit, secundum cl. Margueron tenent lymphæ singularis 34 grana, lymphæ vulgaris 13 gr., salis communis 5 gr., carbonatis sodæ 2 gr., phosphatis calcis 2 gr., & aquæ 232 grana.

CXXXV. DE URINA.

§. 1061.

Urina inter omnia liquida forte omnium maxime variat, non tantum ratione diversorum animalium, sed etiam ratione sanitatis & morbi, nutrimenti, & affectuum animæ. Medici urinam humanam imprimis duplici sub statu considerant, scilicet emissam ilico post cibos assumptos, quæ *Urina cruda* vocatur, & emissam post peractam digestionem, quæ *Urina cocta* est.

§. 1062.

Urina recens hominis sani est flavescens, limpida, odoris fatui, & saporis falli. Colorem violarum non mutat. Aqua calcis & sales alcalini fixi momento ex illa odorem ammoniacalem excutiant. Sibi relicta putrescit, & ammoniam multam evolvit. Tunc, licet ex homine sanissimo oriatur, deponit semper pulverem album, in febricitantibus rubescens & citius se extricantem. Sæpe etiam ad latera vasis crusta crystallina nascitur.

§. 1063.

§. 1063.

Urina recens, ex balneo aquæ destillata, promit liquorem aquosum & nauseosum; & extractum rubescens terræque simile residuum manet. Quod si ex retorta urgetur igne fortiori, dat liquorem alcalinum volatilem, dictum *Spiritum urinæ*, ammoniam siccam, & oleum empyreumaticum foetidissimum, & igne fortissimo nonnunquam aliquid phosphori. Carbo manet, cujus cineres continent salem communem, muriatem lixivæ, phosphatem sodæ & calcis.

§. 1064.

In urina recente, leni calore sufficienter evaporata, & refrigerio exposita, concresecunt plures sales, imprimis murias lixivæ, murias sodæ, & sic dictus *Sal microcosmicus*, qui mistura est phosphatis ammoniæ & phosphatis sodæ. Omnibus sic salibus ex urina separatis, manet extracti species, cujus pars in solo vini spiritu, pars in sola aqua solubilis est. Prior naturæ est alcalinæ, humiditatem ex atmosphæra attrahit, cæterum adhucdum indefinitæ. Altera verisimiliter naturæ gelatinosæ est.

§. 1065.

Sedimentum, quod ex urina quiete & imprimis putrefactione secedit, idque in quibusdam morbis copia maiore, constat ex phosphate calcis & ex calculo.

§. 1066.

Urina putrida a recente differt, quod ammoniam contineat liberam; & quod in ejus residuo post destillationem acidum adsit phosphoricum liberum; adeoque post evaporationem illa dat minorem salis microcosmici copiam, nisi in evaporatione ammonia deperdita per additam novam restituatur.

§. 1067.

Ex quibus omnibus intelligitur, veras partes constitutivas urinæ recentis esse aquam, salem communem, muriatem lixivæ, phosphatem sodæ & ammoniæ, gelatinam, partem extractivam singularem & calculum. Ex hisce partibus constitutivis etiam explicari origo potest illorum corporum, quæ ex urina chemice tractata obtinemus, & quæ proprie producta sunt.

CXXXVI. DE CALCULO.

§. 1068.

Concretiones in vesica urinaria sæpe obviæ, materies illa, quæ in nodis articulorum podagricorum accumulatur, & sedimentum urinæ, chemice spectata, unum idemque sunt. Calculi fere omnes, quamvis inter illos discrimen notabile imprimis ratione proportionis partium constitutarum intercedat, tamen sequentibus gaudent dotibus communibus.

§. 1069.

Calculus quidem in aqua ebulliente perfecte solvitur, at in quantitate minima, sic ut una pars calculi fere mille partes aquæ exigat. Nec spiritus vini nec æther ullam in calculum vim exercent.

§. 1070.

Acidum muriaticum in calculum non agit. Acidum sulphuricum concentratum, calore adjutum, solvit calculum cum eructatione spiritus sulphuris volatilis. Acidum nitri-

M 4

cum

cum dilutum vel frigide calculum invadit, in calore autem plene solvit. Hæc solutio, etiam calculo saturata, saporis est acidi, flavet, & evadit, per evaporationem concentrata, rubra, cutimque etiam tingit colore cinnabarino. In hac solutione evolvuntur gas acidum carbonicum & gas nitrosum; atque potest ex illa ope acidi sacchari calx sæpe excuti, sæpe autem non potest. Tractata iterato cum novo acido nitrico, solutio tandem in acidum sacchari mutatur.

§. 1071.

Sales alcalini caustici solvunt calculum in liquidum saponi simile; at vero sales alcalini mites illum intactum relinquunt. Aqua calcis perparum de calculo suscipit, unaque sic perdit causticitatem suam.

§. 1072.

Calculus, ex retorta destillatus, dat magnam copiam gas hydrogenii & gas acidi carbonici, phlegma alcalinum volatile, salemque fuscum & liccum, nova destillatione dealbandum, tunc præditum omnibus acidi dotibus. Carbo manet residuus, difficulter urendus in
ci-

cineres, qui constant phosphate calcis. Sunt calculi, qui etiam emittunt quidpiam olei empyreumatici.

§. 1073.

Ex quibus tentaminibus concludimus, caleulos præcipue consilari ex acido singulari & proprio, quod *Acidum lithicum* vel *bezoardicum* vocatur, cum gelatina animali & sæpe etiam cum phosphate calcis ligatum. Quidam Chemici hoc acidum pro mero acido sacchari habent.

CXXXVII. DE FAECIBUS HUMANIS.

§. 1074.

Quamvis facile intelligere sit, *Fæces* sive *Excrementa*, quæ in statu sano meris constant ex partibus ab alimento secretis & ad nutritionem ineptis, pro diversitate hujus alimenti diversas esse oportere, desideramus tamen huc usque analysin earundem accuratam, ut, quidquid de illis sciamus, ferme huc redeat; habere fæces colorem suum ab admista & concomitante bile; causam fætoris pendere ab inchoante putredine, in quam ex longo

suo per intestina decursu pronæ sunt; & dare illas, destillatione sicca, communia animalium producta.

CXXXVIII. DE SUDORE.

§. 1075.

Difficultas obtinendi *Sudorem* in copia requisita analysin ipsius accuratiorem huc usque impedivit. Interea novimus, esse illum sæpe pro diversitate adjunctorum diversissimum. Sapor ejus fere semper salulus est. Odor autem modo debilior, modo fortior, aromaticus, alcalinus volatilis, vel acer. Ut plurimum liquidus est adinstar aquæ; sæpe tamen etiam glutinosus, spissus & tenax, sic ut exsiccatum residuum super cute relinquat. Plerumque succos vegetabilium cæruleos rubefacit, unde ad præsentiam acidi phosphorici liberi conclusum est; qua quidem proprietate sudor podagricorum imprimis gaudet. Rariores observationes docuerunt, sudorem teilas liutcas laneasque albas nonnunquam reddidisse cæruleas.

CXXXIX.

CXXXIX. DE LIQUIDO HYDROPS.

§. 1076.

Liquor, qui in variis hydropis speciebus inque febre lactea ad diversas corporis humani partes deponitur, fere omnino congruit cum fero sanguinis. Plerumque flavescit, parum turbidus est, & vel habitu externo jam fero sanguinis similis. Odoris est fatui, sæpe veluti aciduli, ut exempli causa in febre lactea, & saporis falsi.

§. 1077.

Sibi relictus, primo turbatur, & tandem putrescit. In gradu caloris aquæ ebullientis maximam partem coagulatur, & aquæ ipsi ebullienti injectus liquorem format lactescentem, acido nitrico haud coagulandum. Infusum violarum reddit viride. Coagulatur ab omnibus acidis; sed a salibus alcalinis dilui potius videtur, & ab iisdem mitibus sequitur sæpe post aliquot horas præcipitatio gelatinosa, quæ (§. 998.) indicium esset puris præsentis.

§. 1078.

Alba illa, impellucida & pinguedini similis membrana, quæ in memoratis morbis liquorem sæpe comitatur, *Pseudomembrana Ruyschii* dicta, cum fibrosa parte sanguinis ejusdemque crusta inflammatoria convenit. Aëre & calore siccatur in materiem corneam; in aëre humido autem brevi putrescit. Tendo in aqua, sed imperfecte, solvitur; ex qua solutione per sales alcalinos mites præcipitatur materies gelatinosa.

CXL. DE LIQUIDO PER VESICANTIA SECRETO.

Liquor in vesicis, a medicaminibus vesicatoriis productis, contentus, dotibus suis chemicis etiam congruit cum sanguinis sero, ab hoc plerumque colore obscurius flavente diversus. Odore emplastri applicati imbutus est. Haud potuit observari discrimen inter liquorem, ex homine sano ortum, & illum ex homine febris putrida laborante.

§. 1080.

Ejusdem etiam omnino indolis est liquor, qui includitur vesicis, sinapismo, ambustione, insectorum punctione, formicarum morfu, & in quibusdam morbis cutaneis obortis.

CXLI. DE ACIDO FORMICARUM.

§. 1081.

Jam notum antiquis naturæ scrutatoribus erat, formicas liquorem ejaculari singularem, qui flores cæruleos rubefacit, & sapore acido pollet. Sed a recentioribus demum Chemicis liquor ille curatius examinatus est, quam invenerunt esse acidum propriæ naturæ, dictum *Acidum formicum*. Ex *Formica rufa* Linnæi aut expressione, aut destillatione, aut infusione in aqua fervida acquiritur.

§. 1082.

Pressione ex formicis electum, nedum acidum formicum sincerum est; sed quiete deponit oleum flavofuscum, ceraceum, & mucilaginosum, quod vocatur *Oleum formicarum pressum*. Si tunc acidum residuum destil-

Stillationi submititur ad lenem ignem, acidum formicum obtinetur decolor & purum. Aucto igne sequitur acidum empyreumaticum & tandem simile oleum. Carbonis residui cineres dant quidpiam phosphatis calcis.

§. 1083.

Acidum formicum purum habet odorem proprium & valde penetrabilem. In crystallos nunquam coit. Totum est volatile, ut immutatum destillando in excipulum transeat. Cum lixiva, soda & ammonia facit sales neutros deliquescentes, ad acetates neutros accedentes & saporis amari. Cum calce autem & cum baryta concrevit in sales medios crystallisabiles.

§. 1084.

Cum alcohole tractatum facit verum *Aetherem formicum*. At vero si alcohol directe super ipsis formicis destillatione ex balneo aquæ abstrahitur, obtinetur spiritus formicus dulcis & debilis, qui vocatur in officinis pharmaceuticis *Spiritus Formicarum*.

§. 1085.

§. 1085.

Formicæ recentes coctæ in aqua & expressæ largiuntur aliquid olei unguinosi formicarum. Destillatæ dant tantillum *Oleum æthereum formicarum*.

CXLII. DE ACIDO BOMBYCO

§. 1086.

Quando larvæ *Phalænæ mori* in pupas jamjam transiturae sunt, succus illarum omnes acidi proprietates possidet, vel in ipsis talis pupis persistens. Obtinetur sequente methodo. Pupæ vivæ infunduntur in alcohole; quod dein effunditur, & evaporando separatur ab acido, quod remanet. Hujus autem proprietates parum cognitæ sunt. Eadem quoque ratione elici acidum ex *Meloë proscarabeo* potest.

CXLIII. DE CANTHARIDIBUS.

§. 1087.

Meloë vesicatorius, chemice parum examinatus fuit; nec vel huc usque innotuit,
quæ-

quænam præcise sit ejus pars constitutiva chemica, in qua acrimonia illa & vis medica hæreat. Est interea pars illa non volatilis, nec dissipatur exsiccatione. Ab aqua non solvitur; nec perdit coctus in aqua meloë suam virtutem. Spiritus autem vini partem illam extrahit, & possidet *Tinctura cantharidum* proprietatem vesicatoriam.

§. 1088.

Tam meloë vesicatorius, quam proscarabæus, muscæ vulgares & quidam papilionæ, dant in destillatione sicca, præter producta animalium communia, etiam acidum empyreumaticum singulare, quod, cum ammonia copulatum, sub forma salis neutrius prodit.

CXLIV. DE CASTOREO ET
MOSCHO.

§. 1089.

Castoreum est materies singularis, quæ in folliculis duobus propriis contentus reperitur in utroque sexu *Casioris Fibri*. Saporis est acris, amari & nauseosi; odoris fortis, aro-

aromatici & proprii. Constat ex parte resinosa, per alcohol & ætherem extrahenda; ex gelatina, ab aqua solvenda; & ex sale quodam singulari, nedum satis explorato, qui post evaporatam solutionem aquosam in crystallos concrescit. Membrana cellulosa, quæ castoreum involvit, a membrana cellulosa reliqua (§. 1019.) non discriminatur. Destillatione sicca castoreum largitur tantillum oleum æthereum, & ammoniam. *Axungia castorei* ab axungia vulgari haud aliter differt, quam quod sit odore castorei adjacentis imprægnata.

§. 1090.

Moschus in folliculo proprio hæret prope umbilicum *Moschi moschiferi* maris. Est substantia inflammabilis, ad tactum pinguis, coloris ferruginei, saporis amari, & odoris fortis ac tenacis. Proprietatibus chemicis convenit cum castoreo, conflatus ex partibus resinosis & gelatinosis. Tritus cum salibus alcalinis fixis ammoniam olet.

CXLV. DE PARTIBUS CONSTITUTIVIS
CORPORIS ANIMALIS CUM PROXIMIS,
TUM REMOTIS, IN UNIVERSUM
CONTEMPLATIS.

§. 1091.

Elucet ex analysibus partium animalium ante memoratis, materies sequentes, ceu partes constitutivas corporum animalium principes, accipi posse; scilicet 1. *Aquam*, 2. *Gelatinam*, 3. *Albumen* sive *Lympham*, 4. *Sacchari materiem*, 5. *Axungiam*, 6. *Resinam*, 7. *Fibrā musculi* sive *sanguinis*, 8. *Sales*, & 9. *Calcem*.

§. 1092.

Sunt itaque corpora animalia multo magis composita quam vegetabilia. Ambo partes quasdam habent communes, uti aquam, materiem sacchari & calcem. Quædam partes ex adverbo unicuique propriæ sunt, uti plantis olea ætherea & aliquot sales essentielles, animalibus albumen, quod in vegetabilibus dumtaxat parce occurrit. Tandem inter quasdam partes vegetabilium & animalium ana-

logia quidem observatur aliqua, sed simul
adsunt indicia, quæ sufficiunt distinctioni.

§. 1093.

Talis pars constitutiva est 1. gelatina animalis, quæ quidem cum mucilagine vegetabili & cum gummi plurimum congruit, ab his tamen abunde se distinguit exsiccatione difficili, attractione humidi ex atmosphæra, congelatione in massam tremulam, & summa propensione in putredinem. Sic etiam fibra muscularis fere omnes possidet dotes glutini farinacei, a quò tamen differt multo majore tenacitate & elasticitate. Continetur præterea illa materies in animalibus multo copiosius, quam glutinum hoc in vegetabilibus. Axungia & resina animalis ab oleis unguinosæ resinisque vegetabilium recedunt non minus proprietatibus externis.

§. 1094.

Sales quoque animales discrepant a salibus vegetabilibus. Præter acidum muriaticum & sodam, quæ in utroque regno dumtaxat tantilla quantitate occurrunt, & præter acidum sebacicum, quod in axungia animali

longe copiosius hæret quam in oleis vegetabilium pressis, regnum vegetabile sibi vindicat acidum oxalicum, tartari, malicum, citricum, & benzoicum; regnum vero animale sibi acidum lacticum, phosphoricum, lithicum, formicum, & basin acidi sacchari lactis.

§. 1095.

Omnes hæ (§. 1091.) adductæ partes animalium constitutivæ proximæ tandem in remotas resolvuntur sequentes, scilicet in Oxygenium, Hydrogenium, Azotum, Carbonium, Phosphorum, Calcem & Ferrum; quæ cum partibus constitutivis plantarum remotis plane conveniunt, nisi quod in his phosphori & azoti quantitas sit minima, dum ex adverso in animalibus, ambo partem constantem efficiant.

CXLVI. DE PUTREFACTIONE
ANIMALI.

§. 1096.

Omnes animalium partes, ut primum actio organica in illis cessat, vel ut primum mortuæ sunt, in putredinem transeunt; & li-
cet

cet ex illis aliquæ antea fermentationem acidam patiantur, est hæc tantum momentanea. Phænomena, hanc putrefactionem concomitantia, non solum ab illis vegetabilium putrescentium, sed etiam differunt inter se ratione adjunctorum, sub quibus hæc mutatio procedit.

§. 1097.

Procedit autem facilius, 1. si adlit humiditas sufficiens, 2. si aëri liber concilietur accessus, 3. si temperatura sit + 10 graduum aut paulo hos excedat. Si sic pars animalis mollis, exempli gratia frustum carnis in putredinem vergit, fit caro pallidior, mollior, & firmitatem suam nexumque perdere incipit; liquorem lymphæ similem exsudat, & fatuum nauseosumque odorem exhalat. Brevi dein volumine minuitur, conciditque, odoris tunc acrioris & ammoniacalis. In hoc statu cum acidis effervesceat, & violarum infusum viridi colore tingit. Ammonia pedetentim avolat, & simul gas illud singulare putridum & penetrabile evolvitur, quod tam violente tamque horride in animalia viva agit, & cujus causæ & principia nondum abunde patent, quamvis Chemici sint, qui pro sola habeant

millura gas hydrogenii phosphorati & carboniati. Hic status durat diutissime, dum massa putrescens denuo intumescit, multumque gas acidum carbonicum emittit. Tunc structura organica penitus interiit, & tota versa est massa in pulvem fuscā vel viridem, quæ nunc iterum odorem fatuum & nauseosum recuperat, tandemque in substantiam friabilem & fuscā exsiccat. Spatium, quo hæc mutatio in parte animalis solidiore sub memoratis adjunctis absolvi solet, æstimatur ad minus octodecim mensium, ad summum trium annorum.

§. 1098.

Multo promptius putrefactio partium animalium fluidorum, tum & partium solidiorum in aqua, perficitur. In vasis clausis contra partes animales putrescunt lentius, tum quoque sub terra. In ultimo casu adjuncta putredinis variant pro diversitate soli. Si solum siccissimum est, arenosum, porosum, & ab ære & pluvia defensum, brevi omnes partes liquidas absorbet, ita quidem ut humiditas, ad putrefactionem necessaria, deficiat in parte animali, quo putrefactio non retardatur tantum, quin sæpe omnimode prævertatur.

Ex -

Ex adverso in solo argillaceo sub dio putrefactio humiditate perpetua acceleratur. Hoc tunc solum imbibit principia recens generata, nigrescit inde, pinguescit, fitque ad alendas plantas apprimè idoneum.

§. 1099.

Rarioribus in casibus observatum fuit, cadavera, maximo numero sine interpolita terra acervatim sepulta, vere & perfecte haud putrescere, sed tota, ossibus exceptis, transire in substantiam pinguedini similem solubilemque in aqua, proprietatibus chemicis cum sapone convenientem, ex axungia singulari & ex ammoniâ conflatam. Principia, quæ alias gasformia avolant, hic evadere nequeunt; unde hydrogenium videtur copulari partim, uti facere suevit, cum azoto in ammoniam, partim cum carbonio in oleum hoc singulare, quod cum ammoniâ substantiam illam saponaceam format.

§. 1100.

Putrefactio igitur animalis congruit cum illa plantarum secundæ classis; & ejus theoria eadem est (§. 891.), nisi quod ob majorem

copiam contenti azoti & phosphori copia
etiam major ammoniæ & hydrogenii phos-
phorati generetur, sitque in universum fœtor
multo fortior magisque noxius.

EXPOSITIO

SYSTEMATIS PHLOGISTICI.

§. 1101.

Becherus Chemicorum fuit primus, qui proprium inflammationis principium admisit, quo non tantum actionem ignis & combustionem corporum, sed etiam plura ex cognitis tunc temporis in Chemia præcipuis phænomenis explicare conatus fuit. Statuebat, esse elementum, & naturæ, uti alia sua duo, terreæ, vocabatque suam *Terram secundam*.

§. 1102.

Stahlius notionem hujus principii inflammabilis determinabat curatius, & nominabat

N^o 5

Phlo.

Phlogiston. Hic a præceptoris sui opinione quoad principii naturam discedebat, quam volebat esse sulphuream. Apud illum adest in omnibus corporibus trium naturæ regnorum, modo parcius, modo copiosius, solis aqua, salibus simplicibus terrisque exceptis.

§. 1103.

Phlogiston in omnibus corporibus inflammabilibus præcise & proprie pars illa est, quæ comburitur; sive, ut Stahlius ait, *est solum ad ignis motum accommodatum, creatum & aptum; est ignis corporeus, vel ipsa præcise propria materies ignis.* Nec potest tamen phlogiston per se solum sine ullo cum aliis corporibus nexu formare ignem, sed *avolat & dissipatur in tenuitate insensibili, sive facit dumtaxat ignem valde expansum & inconspicuum, scilicet calorem.* Nec iterum potest hæc volatilifatio & dissipatio fieri sine accessu aliarum rerum, imprimis aëris & aquæ.

§. 1104.

Dum phlogiston in majore vel minore copia cum reliquis naturæ corporibus est conjunctum, mutat horum proprietates cum ex-
ter-

ternas, tum præprimis chemicas. Actiones ejus præcipuæ spectantur in metallis, sulphure, coloribus, & odoribus.

§. 1105.

Cum autem proximis elapsis lustris notationes chemicæ in tam insolentem numerum increvissent, intelligentia phlogisti, a Stahlio stabilita, minime sufficiebat explicandis omnibus phænomenis; quare Chemici theoriam illam exactius interpretari & generalius applicare studuerunt. At vero in hisce interpretationibus magna spectatur varietas, ut fere tot sint sententiæ, quot capita; cujus rei exempla sequentia adducam.

§. 1106.

Baumé putabat, phlogiston esse materiem ignis cum terra elementari ligatam. Macquer volebat, esse solam ligatam lucis materiem. Scheele asseribat, esse partem constitutivam calorigi, quod constaret ex phlogisto & oxygenio. Scopoli & Volta nectebant acidum carbonicum cum calorigo, ut inde componerent phlogiston suum. Kirwan & Lametherie credebant, esse elementum a

calorico diversum, & facere balin gas hydrogenii. Wefrumb habet pro parte constitutiva aquæ, in quam copulatum cum gas oxygenio mutaretur. Tandem apud Gren phlogiston ex calorico & materie lucis componeretur. Et hic quidem Chemicus in singularem, jam ab antiquioribus Chemicis propositam, opinionem delabitur, phlogiston non tantum non possidere gravitatem ipsum, sed esse etiam negative grave, hoc est, imminuere connexionem suam gravitatem aliorum corporum absolutam.

§. 1107.

Ut igitur erant opiniones de proprietatibus & compositione phlogisti diversæ, sic necessario diversæ esse debebant phænomenorum chemicorum theoriæ & explicationes, quæ illis superstruebantur. Erat itaque unicuique phlogisticorum sectæ sua theoriæ chemicæ doctrina. Hinc ut completa concinnaretur disciplinæ phlogisticæ intelligentia, foret in analysin ad minus sex vel octo theoriarum variantium exspatiandum, quod prolixitatem induceret scopo nostro contrariam. Propterea momenta tantum quædam graviora, de quibus

bus omnium fere phlogisticorum unus consensus est, breviter perfiringemus.

§. 1108.

Omnes calces metallicæ sinceræ sunt corpora simplicia, quæ copulata cum phlogisto metallicam formam assumunt. Calcinatio metallorum in igne perficitur sola conjuntione & volatilisatione phlogisti cum aëre aut cum ejus parte, quando calx metallica in statu puro remanet. Si vero calx metallica in igne tractatur cum corpore inflammabili, tunc calx ex corpore inflammabili phlogiston arripit, reditque in metallum.

§. 1109.

Dum metalla solvuntur in acidis, hæc metallis phlogiston auferunt suum. Si ex istiusmodi solutione metallum præcipitatur per corpus phlogisto destitutum, puta per salem alcalinum, metallum ut calx excidit. At si corpus præcipitans possit phlogiston, quod habet, in metallum præcipitandum transferre, præcipitatum erit metallicum, uti in præcipitatione unius metalli per metallum aliud.

§. 1110.

§. 1110.

Augmentum ponderis absoluti in calcinatione metallorum , & ejusdem jactura in eorundem reductione, aut plane non explicantur a Phlogisticis , aut explicantur per levitatem specificam phlogisti. Sunt, qui concedunt, metalla in calcinatione sua gas oxygenium absorbere; & sunt alii, qui existimant, illud ponderis augmentum ab aqua peti oportere, quæ orta esset ex connubio gas oxygenii cum phlogisto, & calci adhæreret.

§. 1111.

Inter antiquiores Phlogisticos erant, qui credebant, metalla nobilia vere nunquam calcinari posse, formamque terream, in quam verti queunt, consistere in sola mutatione externa. Plerique Phlogistici hodierni admittunt calcinationem metallorum nobilium, quorum reductionem, ope solius ignis & sine additamento corporum inflammabilium, explicant ex eo, quod possit phlogiston foci permeare vala candefacta, vel alias ex idea propria, quam sibi de phlogisto fingunt.

§. 1112.

§. 1112.

Acida ex mente Phlogisticorum sunt corpora simplicia. In statu purissimo & ab omni purgata phlogisto vocantur *Acida dephlogisticata*; ligata vero cum plure vel parciore phlogisti copia, *Acida phlogisticata* audiunt; saturata tandem phlogisto perfecte, varias constituunt substantias, quæ proprietates acidi ultra non possident.

§. 1113.

Acidum sulphuris perfectum sive sulphuricum apud Phlogisticos est purissimum; plure cum phlogisto copulatum sistit acidum sulphuris phlogisticatum sive spiritum sulphuris volatilem; phlogisto plene saturatum facit sulphur. Si sulphur in vasis apertis deflagrat, ejus phlogiston partim coit cum aëre, & avolat, dum acidum sulphuris phlogisticatum remanet. Quando metalla in acido sulphuris concentrato solvuntur, phlogiston metalli conjungitur cum acido illo, abitque ceu gas acidum sulphuris volatile, aut remanet ceu sulphur. Generatio gas inflammabilis ex solutione metallorum in acido sulphuris diluto, tantum coacta ratiocinatione & hypothetice, pro singulari uniuscujusque opinione de natura phlogisti & gas inflammabilis, explicari potest.

Cur

Cur pondere increſcat ſulphur accenſum, nec hujus dare phænomeni rationem ſatisfacientem poteſt theoria phlogiſtica.

§. 1114.

Acidum nitri perfectum ſive nitricum eſt apud Phlogiſticos acidum nitri purum dephlogiſticatum, quod magis minusve cum phlogiſto connexum facit acidum nitri phlogiſticatum ſive ſpiritum nitri fumantem, ſaturatum autem phlogiſto evadit gas nitroſum. Hoc dum in contactum venit cum gas oxygenio, deponit partem phlogiſti ſui, & redit in acidum nitri phlogiſticatum. In ſolutione metallorum in acido nitri, illorum phlogiſton coit cum hujus acidi parte, & avolat ceu gas nitroſum. Eodem modo omnia corpora inflammabilia phlogiſton ſuum acido nitri tradunt, atque hoc ſic reddunt phlogiſticatum.

§. 1115.

Acidum muriaticum imperfectum ſive vulgare Phlogiſticis eſt acidum muriaticum phlogiſticatum, quod, ſpoliatum phlogiſto ſuo, mutatur in acidum muriaticum dephlogiſticatum, nobis dictum oxygenatum. Phlogi-

glisticorum aliqui, ut theoriam suam habeant salvam, acidum muriaticum oxygenatum prætendunt esse liquorem singulariter compositum.

§. 1116.

Acidum phosphori perfectum est corpus simplex, quod cum phlogisto ligatum facit acidum phosphori volatile, eodem vero saturatum ipsum phosphorum. Ex aliquorum sententia aer phosphoricus sive gas hydrogenium phosphoratum constat ex phosphoro, phlogisto, calorico & aqua.

§. 1117.

Saccharum constat ex acido sacchari & ex phlogisto. Acidum arsenici est arsenicum phlogisto suo perfecte privatum. Et sic porro ex analogia concluditur circa omnia acida reliqua, licet opiniones super acidis vegetabilibus & animalibus inter diversarum sectarum phlogisticos valde varient.

§. 1118.

Gas oxygenium apud alios Phlogisticos corpus est simplex, scilicet aer in statu purissimo;

mo; quod alios conflatum ex calórico & aqua. In utroque casu cum phlogisto formaret aërem phlogificatum sive gas azoticum. Aër inflammabilis dicitur a Phlogisticis. valde compositus, & pro origine sua diversus. Kirwan esse credit connubium phlogisti cum calórico.

§. 1119.

Carbo constat acido aëreo, phlogisto & partibus fixis incombustibilibus. Dum carbo comburitur, phlogiston & acidum aëreum aufugiunt; terræ autem, metalla & sales fixi remanent.

§. 1120.

Phlogiston partem principem corporum organicorum constituit, unde etiam omnia comburi possunt. In quibusdam abundat, uti in oleis & axungiis. Phlogiston causa est odoris & colorum plantarum; & in œconomia animali primarias partes agit, dum in sanguine solutum, aut in illo deficiens, plures morbos producit.

§. 1121.

§. 1121.

Tota respirationis utilitas ex sententia Phlogisticorum in eo consistit; ut phlogiston superabundans ex corpore eliminetur. Sanguis, dum circulator in corpore; imprægnatur phlogisto; per diversas actiones vitales liberato & reddito superfluo; atque hoc onustus in pulmōnes redit: Aër inspiratus vitalis sive gas oxygenium ex sanguine phlogiston illud extrahit, & secundum aliquos etiā una; similiter sic in sanguine productum; acidum carbonicum: Sanguis, ab his sic purgatus; per arterias iterum in corpus diffunditur; ad novum suscipiendum phlogiston:

§. 1122:

Ad similem normā in systemate phlogistico cætera pleraque phænomena chēmica explicare conati sūnt; quā quidem in re magna occurrīt facilitas ob vacillantem; indefinitam & ad libidinem torquendam phlogistici intelligentiam. At vero omnes hæe explanationes maximam partem corrunt; ut primum legum generaliter acceptarum, ad quas corpora in mutuo agunt; accurata postulatur observatio, & imprimis exactissima ponderis &

voluminis corporum, in experimentis adhibitorum, exigitur computatio. Non equidem in natura explicare omnia possumus, nec poterimus unquam; quare absurda est systematis rejectio propterea, quod non omnia explicet. Nec hoc præsumunt Antiphlogistici, quorum systema excellentiam, quam illi hodierni ferme omnes Physici adjudicant, meretur ex eo, quod per illud fere omnia phænomena, uno nexu & cum omnibus adjunctis, evidenter & uniformiter explanentur; quod sit simplici naturæ incessui convenientius; & quod omnes consequentiæ in illo directè petantur a factis, nec sit hic ullis subtilibus argutiis opus.

Nihil est in intellectu, quod non prius fuerit in sensu.

Baco.

DESCRIPTIO

APPARATUS WOULFIANI

PRO

DESTILLATIONE COMPOSITA.

In omni destillatione materies abstrahenda in excipulum propellitur sub forma aërea. Hoc gas si tale est, ut solo refrigerio & facile in statum liquidum densetur, aut proprie si vapor est, sufficere excipiendo huic producto aut educto excipulum vulgare frigidum potest, uti in confectione alcoholis, aceti destillati &c. Si vero fluidum illud aërisforme per se solum non potest frigore in fluidum guttans converti, aut sic demum convertitur tantum lentissime, alius nullus superat modus sistendi illud liquidum, quam si cum plure vel par-

cione aqua, si possibile est, conjungimus; cujus quidem rei exempla prostant plurima, uti in destillatione aquæ fortis, acidi muriatici vulgaris, ejusdem oxygenati, ammoniæ causticæ &c.

Modus antiquissimus ad hunc scopum obtinendum eo redibat, ut ipsa in retorta tantum aquæ adderetur misturæ destillandæ, quæ fatis esset ligando fluido aëreo prodituro. Aqua hæc, calore excitato in vapores redacta, sub hac forma simul cum fluido aëreo in excipulum transibat, hic iterum densabatur in statum guttantiem, & gas solutum retinebat. Sic procedebamus huc usque in operationibus memoratis; sed laborat hic modus multis vitiis & incommodis, quorum magis spectata sunt sequentia.

1. Plura acida aëriformia, ammonia & alia aquam volatilitate antecellunt, & hinc partim prius aqua in excipulum perveniunt. Hæc prima igitur portio, cum per aquam non ligetur, ita perditum. Hoc quidem vitium evitare studuerunt eo, quod excipula apponerentur maxima, in quibus gas illud tam diu inclusum hæreret, donec ab aqua transeunte absorberetur. At nec sufficiebant tam ampla;

[quia

quin esse simul deberent tubulata, quo posset gas accumulato dari exitus, ut ne apparatus disploderetur. Ab aliis etiam ante operationem aqua infundi in excipulum solebat; sed cum gas solam aquæ superficiem lamberet, ab hac lentissime suscipiebatur.

2. Evictum est, aquam frigidam fluida aeræ promptius multo & copiosius solvere quam calidam. Cum itaque semper aqua in superiori processu prodeat fervida, excipulum calefaciat, adeoque diu calida maneat, novum hinc oritur impedimentum, nec potest hoc aqua pacto unquam fluido aëreo plene saturari.

3. Ex (1) dictis patet, jacturam in hisce operationibus sola lentissima & cauta destillatione, imminui posse, & imprudentiam vel minimam non tantum operationem turbare, sed etiam sæpe operatorem in vitæ periculum conjicere. Tum quoque vel cum summa præcautione & vigilantia operator non minus exponitur vaporibus noxiis & ingratis. Quin etiam ipsa spiritus nitri fumantis & acidi muriatici concentrati effusio ex tam enormibus excipulis quam maxime incommoda sit.

4. Si corpori adhibito quidpiam heterogenii aut inquinamenti adhæreat, quod imprimis in operationibus majoribus locum habere solet, tunc illud ab aqua suscipiebatur, traducebaturque in liquorem destillantem. Quare vix unquam poterat exempli causa acidum muriaticum concentratum & fumans obtineri decolor.

5. Non poterant copia liquoris obtenti & gradus concentrationis illius ad arbitrium determinari; quoniam jactura a plurimis pendebat, nec omnino prævidendis, nec moderandis adjunctis.

Ad declinanda omnia illa incommoda, Chemicorum multi novas destillationis methodos proposuere; quos inter præprimis Hales & serius Rouelle magna quidem præstiterunt; at nulla omnium methodus tantopere scopo fecit satis, & generalius fuit accepta atque illa Petri Woulfe, quam hic, ut a Pelletier fuit correctâ, descripturus sum.

STRUCTURA APPARATUS WOULFIANI,

Hic apparatus, qualis ad operationes chemicas & pharmaceuticas in usu est, semper ex vitre totus componitur, & optime quidem ex vitro decolori; & tantummodo in fabricis majoribus partim ex ligno, ferro, cupro, similibusque confectus esse potest.

Vasa singula & instrumenta, ex quibus ad quascunque operationes cognitae construi potest, sunt sequentia:

1. *Excipulum tubulatum* sive bulbus vitreus duplici collo donatus (Fig. 5.). Sit huic excipulo collum breve, amplum, & collo retortæ adhibendæ accommodatum. Sit etiam hoc collum in ostio paulo amplius, designatque versus excipulum parumper in conum; ut arctius collum retortæ circumdet, firmitusque adglutinari queat. Cum pleraque excipula vulgaria parentur ex phialis collo maximam partem truncatis, hoc vitio laborant, quod eorum colla in ostio angustiora sint, amplienturque versus bulbum. Alterum collum sive tubus circularem habeat aperturam, fatisque sit longum, ut obturamento subereo

exacte claudi possit. Tubus porro illum situm in bulbo occupet, ut evadat perpendicularis, quando excipulum retortæ, in balneo arenæ positæ leviterque inclinatæ, committitur, uti ex Fig. 1. videre est. Capacitas horum excipulorum respondeat magnitudini operationis; raro autem ad labores chemicos & pharmaceuticos amplioribus opus est, quam quæ ab octo ad viginti libras capiunt. In minoribus etiam, loco tubi, foramen sufficit, sed diametri fere duarum linearum, ut siphonem communicatorium admittere possit.

2. *Excipula proprie woulfiana.* Sunt lagenæ vulgares cylindricæ & brevicolles, quæ præter collum consuetum medium uno, adhuc alterove alio collo simili instruuntur, hinc bicolles aut tricolles (Fig. 3. & 4.). Istiusmodi lagenæ in principio, adhibebantur quadricolles; sed carere his in omnibus operationibus solitis possumus, ad quas omnino priores sufficiunt. Collum medium sive primum harum lagenarum plerumque paulo amplius est reliquis; male tamen superaret pollicis diametrum, quia sic inutiliter commissuræ laxarentur. Colla præterea sint omnia ferme cylindrica & circularia, & quantum fieri possit perpendicularia & parallela. Magnitudine hæ-

lagenæ ratione operationis sunt diversæ ; at
capacitas nunquam multo minor sit quam di-
midia libræ , nec majore illa quam duodecim
librarum etiam in maximis operationibus opus
est.

3. *Siphones communicatorii.* Horum in
promptu habeantur semper plures ; aut pos-
sunt ex tempore parari pro vario usu ex tubis
rectis, de vitro fusiliori confectis, super car-
bonibus ardentibus aut ad lampadem ferru-
minatoriam. Ut plurimum sunt facti ad Fig.
8. cum crure altero ad altitudinem fere lage-
næ woulsianæ longiori, quam crus alterum
est. Usui tamen interdum veniunt tales, qui-
bus crura æqualia sunt. Ad operationes haud
magnas optimi sunt diametro unius lineæ,
ad easdem majores etiam linearum duarum.
In universum tamen nimis ampli potius sint
quam nimis angusti. Tubo summo inter cru-
ra medio sufficiens detur longitudo, ut lage-
næ, siphonis ope connexæ, vasaque refrige-
ratoria commode juxta stare queant. Anguli
sive curvaturæ siphonis ne sint acuti, sed
tantisper arcuati, alias frangi faciles ; quin
possit etiam tota illa pars in arcum flecti.
Communiter hi siphones sunt simplices ; qui-
busdam vero in casibus conducit tubulus, in-
ter

ter crura siphoni infixus cumque siphone communicans & summa extremitate apertus (vid. Fig. 8.). Siphones istiusmodi tubulati dexteram vitrarii operam exigunt, nec sunt stricte necessarii. Ad recipienda fluida aërea, pluribus in operationibus prodeuntia, sub forma aërea sua, etiam uti solemus siphone, cujus crus unum in extremitate sua sursum incurvatum est, uti in Fig. 7.

4. *Tubus securitatis*; qui est tubus rectus vitreus, circiter diametri unius lineæ, & fessquialterum vel duos pedes longus.

5. *Tubus interpositorius curvus* (Fig. 6.) connectit retortam cum lagena wouffiana, uti ex figura 2. videre est. Plures amplitudinis diversæ præsto sint pro diversitate capacitaturæ retortarum. Minores possunt ex retortarum inutilium collis confici.

6. *Vasa refrigeratoria* adhibentur, ut liquida, in lagenis wouffianis contenta, conserventur frigida ope glaciei, nivis, vel aquæ gelidæ continuo renovatæ. Huc faciunt labra parva lignea, cupæ terreæ &c. Aptiora sunt vasa ex ferro laminato confecta & vernice oleosa obducta, in quorum latere versus
fun-

fundum foramen est, obturamento subereo claudendum, ut glaciei liquatæ aut aquæ calefactæ detur exitus. Vide Fig. 2.

DE LUTO.

Cum in operationibus cum apparatu wouffiano institutis omnino necesse sit, ut ne ullus per hiatus vasorum detur fluidis aëriformibus exitus, luti electio res hic maximi momenti est. Luta omnia, uti notum est, in duas classes dividuntur, scilicet in *Luta pingua* & *Luta vulgaris*. Ex prima classe duo luti genera in apparatu wouffiano trahuntur in usum, quæ sequente methodo præparantur.

1. Argilla plastica optime exsiccata (exempli causa dicta Aufriacis Creta montana, *Bergfreide*) in mortario ferreo tunditur, & cum successive affuso olei lini cocto, sive sic dicta vernice lini oleosa, depfitur in pastam. Hoc lutum parvi pretii est, utilissimum in omnibus destillationibus acidorum aliorumque spirituum rodentium; at vero conservari nequit diu, recens semper parandum.

2. In olla ferrea cum operculo ferreo liquefcat leni igne fescuncia terebinthinæ cum
su-

superaddita una libra succini in pulverem tusi. Interea in alio furno ebulliat libra una olei lini, quod fervidum tunc infundatur in priorem massam sub continuâ agitatione ope spatulæ ferreæ. Sic liquidum obtinetur spissitatis melleæ, quod basin facit *Vernicis succineæ vulgaris*. Cum eodem nunc depfitur, uti supra, argilla bona exsiccata, cui quidpiam olei nucis pressi adjungitur ad dilutionem & ad evitandam exsiccationem. Hoc quidem lutum priore carius est, sed etiam in omnibus dotibus suis excellentius. Diutissime asservari potest, & binis etiam vel ternis vicibus applicari.

In destillatione ammoniæ, ætheris & similia haud opus est luto pingui; sed multo commodius hic in usum venit lutum sequens. Nempe depfuntur fæces amygdalarum presarum subtiliter cribratæ, vel melius farina lini, cum amyli pulve bene cocta in massam firmam, quæ pro usu irroratione aquæ mollior redditur. Hoc lutum mundum est, & utile ad omnes operationes, ubi materies non valde rodit. At semel dumtaxat est applicabile, nec diu servari potens. Firmius & melius evadit, quando pulvi farinacæ parum glutini lignariorum admiscetur.

Ap-

Applicatio luti in obturandis vasorum commissuris etiam summam attentionem meretur; nam vel optimo luto sine applicatione bona possunt commissuræ non exacte claudere. At vero hæc res sola demonstratione practica & usu edisci potest, & unicum, quod scripto tradi potest, præceptum in eo consistit, ut lutum tantum per parvas doses successive applicetur vitro puro & siccissimo, sic ut quælibet subsequa portio cum præcedente depresso bene concorporetur.

Siphones communicatorii firmanur in collis lagenarum woulfianarum per obturamenta suberea perforata. Scilicet hæc primo terebrantur, & foramen hinc enatum ampliatu ope limæ teretis eo usque, ut crus siphonis firmiter suberi infigi possit. Dein obturamentorum superficies raditur lima subtiliore, donec collis lagenarum exacte respondeant. Debent semper tota quanta introduci in lagenarum collum, nec multum supra hoc eminerere. Hujusmodi excipula woulfiana & siphones communicatorii, solis obturamentis connexa, spectantur in Fig. 2.; eademque lutata in Fig. 1. Conjunctio retortarum cum excipulis vulgaribus aut cum tubis interpositoriis, aut horum cum lagenis woulfianis, fit
solo

folo luto, cujus pars protruditur inter commissuras vasorum, quæ directe tangere sese non debent.

Cum commissuræ, tam luto pingui quam vulgari coherentes, motu facile vacillent; lutumque pingue præterea calore mollescat & descendat; in operationibus accuratis opus est, commissuras jam lutatas circumdare vesica humida, vel, quod melius est, linteis albumine ovi & calce illinitis; quæ densitate sua ad claudenda exactius vasa non tantum conferunt, sed præcipue luto subjecto firmitudinem dant, ejusdemque sic servant cohesionem. Optime proceditur, si fasciæ ex linteo bono nec nimis rudi, unam unciam latæ, secentur in frusta tam longa, quæ superficiem luti commissuris applicati tegere possint. Hæc immergantur albumini ovi recenti; unde successive extracta, confricentur probe calce viva pulverata, imponantur transverse commissuris, lutoque fortiter & æquabiliter apprimantur. Hoc modo lutum obducatur uno alterove, in operationibus majoribus etiam triplici vel quadruplici, harum faciarum strato, totumque dein illinatur adhuc albumine, & calce viva inspergatur.

COMPOSITIO APPARATUS WOULFI-
ANI, DUM CORPORA MERE AËRI-
FORMIA TRANSEUNT:

Quando in destillatione aliqua corpus ;
quod actione mutua substantiarum adhibitarum
aut vi ignis secernitur ; totum quantum ceu
gas evolvitur ; in aqua solvi potens ; appara-
tus ; ut hoc gas , cum aqua copulatum , ac-
quiratur in statu guttante ; sequenti modo di-
sponitur.

Retorta vitrea vel terrea , in balneo
aquæ vel arenæ aut in igne aperto posita ;
ope tubi interpositorii curvi conjungitur cum
collo medio lagenæ woulfianæ tricollis. In
altero collo laterali tubus securitatis ita firma-
tur , ut ferme ad fundum lagenæ pertingat.
Alterum collum laterale ligatur cum alia la-
gena woulfiana bicolli per siphonem commu-
nicatorium cruribus inæqualibus donatum , sic
ut crus brevius solummodo intret collum la-
genæ illius tricollis ; crus autem longius fere
ad fundum lagenæ bicollis perveniat. Eo-
dem plane modo hæc & tertia bicollis lagenâ
committuntur ope similis siphonis communi-
catorii inæqualis , aut melius , si adest ; talis
siphonis tubulati. Fig. 2.

Lagenæ tricolli ante lutationem tantum aquæ destillatæ infunditur, quæ tubus securitatis immergatur ad dimidii pollicis profunditatem. In alterâ & tertia lagena dividitur aqua, quam ab experientia sufficere novimus ad gas omne absorbendum, in portione æquali.

Tubus securitatis manet apertus. Tubulus vero siphonis communicatorii secundi luto sic clauditur, ut possit facile & cito aperiri. Collum alterum lagenæ tertiæ aut pateat, aut leviter obturetur subere.

Si retorta adhibetur tubulata, totus lutatur apparatus, & per retortæ tubum dein immittuntur substantiæ tractandæ, vel saltem illæ, quæ evolutionem gas producant. In casu contrario commissuræ inter retortam & tubum interpositorium, interque hunc & primam lagenam, relinquuntur ultimo apertæ, tunc demum lutandæ ilico, simul atque substantiæ per collum retortæ immissæ fuerunt.

Quando corpora, in retorta hærentia, subministrato gradatim calore in sese mutuo agere incipiunt, & gas evolvitur, hoc in principio commiscetur cum aëre atmosphæri-

eo, in retorta, in prima lagena, inque primo siphone communicatorio contento, qui comprimitur, premitque ipse superficiem totam aquæ in lagena prima, & in lagena secunda aquam in siphonem communicatorium ingressam.

Cum autem renixus aquæ in lagena secunda par sit pressioni columnæ aquæ, cujus altitudo æquat summam altitudinum aquæ lagenæ secundæ & lagenæ tertiæ, atque adeo multo major sit renixu aquæ in lagena prima, qui ad summum columnam aquæ unius pollicis æquare debet; sequitur, superficiem aquæ in immerso siphonis communicatorii crure lagenæ secundæ tamdiu manere immutatam, donec, pressione successive aucta, aqua in tubum securitatis ad illam adscenderit altitudinem, quam summa altitudinum aquæ in secunda tertiaque lagena facit. Sit exempli gratia altitudo aquæ tam in secunda, quam in tertia lagena, quatuor pollicum, aqua in tubum securitatis adscendet ad octo pollices, antequam gas ex orificio cruris immerli siphonis communicatorii priimi extrudi poterit.

Ut primum nunc etiam renixus aquæ in lagena secunda superatus est, tunc gas sub

forma bullularum transit per aquam in eandem hanc lagenam, & ex hac per siphonem communicatorium alterum in lagenam tertiam. In hoc transitu gas absorbetur ab aqua, quo causæ concurrunt sequentes. 1. Status compressionis, in quo sunt & gas & aqua. 2. Gas, transpressi per aquam, divisio subtilis. 3. Frigus, quod excipulis per vasa refrigeratoria, methodo in figura indicata, conciliatur; cæteroquin enim caloricum, ex gas evolutum, aquam calefaceret sæpe vel ad ebullitionem.

Operatione in actum deducta, aqua in tubo securitatis semper eandem servat altitudinem, solis mutandam subsequis in casibus.

1. Quando evolutio fluidi aërei igne imprudenter aucto aut aliis ex causis tam velociter increfcit, ut per siphones communicatorios sat cito transvahi nequeat, atque adeo in prima lagenâ nimio opere coarcervetur. Hoc in casu aqua attollitur; & si fiat hoc majore copia, nec sit tubo securitatis longitudo sufficiens, omnis per hunc lagenæ primæ aqua elevata egreditur, & apparatus sic sponte se aperit. Sic igitur tubus securitatis apparatus hic defendit ab explosione.

2. Quando densitas aquæ in secunda & tertia lagena ob gas jam susceptum augetur. Hinc in unam lagenam nimia aqua ne unquam infundatur, sed potius distribuatur in pluribus, nec unquam crura siphonum communicatoriorum immergantur nimis profunde, quoniam in plerisque operationibus densitas liquidi sub finem notabiliter increfcit, & sic etiam renixus.

3. Quando evolutio fluidi aërei immittitur, aqua in tubo securitatis descendit. Contingit hoc vel imprudente ignis diminutione, vel sub finem operationis. Si apparatus tunc omnino frigescit, gas in prima lagena tantopere densatur, ut aër atmosphæricus per tubum securitatis irrumpat. Hic si deficeret, necessario liquor secundæ lagenæ in primam traheretur. Idem quoque eveniret in lagena tertia, nisi tubulus siphonis secundi aperiretur, atque sic aëri atmosphærico daretur ingressus. At vero si abest siphon tubulatus, ocyus solvolutum lagenæ tertiæ oportet, ipsamque etiam tolli lagenam.

4. Altitudo aquæ in tubo securitatis etiam decrefcit, quando secunda & tertia lagena

magis refrigeratur, aut dum ex alia causa citius gas absorbetur, quam evolvitur.

5. Non minus etiam in ipsa operatione nonnunquam contingit, ut massa, in retorta hærens, aliquamdiu gas absorbeat potius quam evolvat; aut vero ut volumine velociter minuat; quo similiter in tubo securitatis descensus aquæ producitur.

Tubus securitatis adeoque non solum defendit apparatus a dispendio, sed etiam missionem fluidorum in lagenis antevertit. In universum regula est, qua operationis incessus judicetur.

Si in operatione observamus, per colum apertum lagenæ tertiæ adhucdum quidpiam exire de gas non absorpto, statim lagena quarta ope siphonis communicatorii connecti cum tertia debet, uti tertia hæc cum secunda connexa fuit. At semper una hic cogitandum est, sic pressionem in prima lagena augeri, & consulendus propterea securitatis tubus.

Post operationem finitam refrigeratumque apparatus, nunc in lagenis contentam ha-

habemus aquam, gas evoluto imprægnatam, & magis quidem imprægnatam in lagenis primis quam in ultimis. Qui in prima lagena liquor hæret, sæpe parumper impurus est, cum paucæ transeuntes guttæ liquidæ inquinamenta corporum destillatorum secum abripiant; liquores vero reliqui perfecte sinceri sunt. Si pondus aquæ, in singulas lagenas infusæ, curate determinatum fuit, ex ponderis excessu post operationem absolutam non tantum definire poterimus totum pondus gas acquisiti, sed etiam gradum concentrationis liquoris in qualibet lagena; cujus quidem rei exemplum sit computatio operationis re ipsa institutæ, quæ hæc est.

PRAEPARATIO SPIRITUS SALIS AMMONIACI CAUSTICI.

Libra $1\frac{1}{2}$ salis ammoniaci siccati cum $4\frac{1}{2}$ libris calcis vivæ in retortam vitream immittebantur hoc modo. Libra $\frac{1}{2}$ calcis solius tangebatur fundum retortæ, cui superingerebatur mistura ex $3\frac{1}{2}$ libr. calcis & ex $1\frac{1}{4}$ libr. salis ammoniaci, tegenda superflite dimidia libra calcis. Ponebatur retorta in balneo arenæ, & cum apparatu woulfiano supra descripto connectebatur. Destillatio instituebatur igne leni.

te & gradatim aucto ad candescentiam retortæ, donec nullum ultra gas prodiret. In primam lagenam ad immersionem tubi securitatis infundebantur 3 unciae aquæ; in alterum vero & tertiam singulatim $\frac{1}{2}$ libra. Post solutum apparatus hærebant in prima lagena 4 unciae 2 drachmæ & 40 grana spiritus salis ammoniaci debilis & fordidi; in lagena secunda 12 unciae & 28 grana ejusdem spiritus fortissimi & purissimi; & in tertia lagena $9\frac{1}{2}$ unciae 3 drachmæ & 16 grana ejusdem purissimi quidem sed debilioris. Tabula subjecta summam hujus experimenti exhibet.

Lagena.	Aqua.	Excessus a gas.
Prima —	3 unciae —	1 unc. 2 dr. 40 gr.
Secunda —	3 unciae —	4 unc. — — 28 gr.
Tertia —	8 unciae —	1 unc. 7 dr. 16 gr.
Summa	19 unciae —	7 unc. 2 dr. 24 gr.

Ex hac computatione igitur videre est, $1\frac{1}{2}$ libram salis ammoniaci dare 7 uncias 2 drachmas & 24 grana ammoniæ sinceræ & gasformis, quæ, in 29 uncis aquæ soluta, facit 25 uncias 2 drachmas & 24 grana spiritus salis ammoniaci, cujus portio minor, in prima lagena obtenta, inquinata & debilis est,

est, nec ideo respicienda; qui autem in secunda lagena continetur, omnium fortissimus est, cum 2 partes aquæ 1 partem gas susceperint; tertiæ lagenæ spiritus pariter sincerus est, sed non tam fortis, cum hic gas ad aquam sit fere = 1 : 5.

COMPOSITIO APPARATUS WOULFIIANI, QUANDO CORPORA PARTIM TRANSEUNT GUTTANTIA, PARTIM GASFORMIA.

Quando in destillatione quacunque transeuntia educta partim in statu guttante, partim in gasformi comparent, tres casus locum habere possunt,

1. Ubi gas transcendens in aqua solubile est, atque cum hoc ligatum, sed a fluido guttante simul prodeunte separatum, excipere scopus est.

2. Potest gas proditum, sive in aqua solubile sit, sive non sit, in hoc statu suo colligi, & simul etiam fluidum guttans seorsim & sine ulla jactura obtineri,

3. Si gas foret duplex, scilicet partim solubile in aqua, partim in hac indissolubile, potest pars solubilis cum aqua copulata, pars insolubilis sub forma aërea, & fluidum guttans, excipi, tria hæc singula separatim & sine perditione.

In *primæ casu* apparatus disponitur uti in Fig. 1. Nimirum retorta directe connectitur cum excipulo vulgari tubulato, & hujus tubus ope siphonis communicatorii crurium æqualium cum lagena woulfiana tricolli, sic ut crura haud multum intrudantur ultra tubum excipuli & collum lagenæ. In alterum lagenæ collum infigitur tubus securitatis. Per tertium collum hæc lagena conjungitur cum alia lagena bicolli ope alterius siphonis communicatorii crurium inæqualium, cujus crus brevius infra collum lagenæ primæ parum dumtaxat promineat, crus autem longius pertingat fere ad fundum lagenæ secundæ. Ubi opus est, addi eadem ratione lagena tertia potest. Excipulum relinquitur vacuum. Primæ lagenæ aqua infunditur, quæ sufficiat immergendo tubo securitatis; secundæ autem & subsequis lagenis aqua tanta, quæ possit gas absorbere.

Fluidum guttans, quod in destillatione transgreditur, mox in excipulo vacuo colligitur, & manet in ejus fundo. Fluida autem gasformia, posteaquam aërem atmosphæricum ex apparatu extruserunt, per primum siphonem communicatorium adscendunt in primam lagenam, in tubo securitatis pressionem requisitam producant, ac dein siphonem alterum permeant, ab aqua secundæ lagenæ absorbenda. Operatione finita, in excipulo hæret fluidum guttans transgressum, in altera vero lagena gas aqua immissa ligatum.

Possset equidem in casu necessitatis excipulum ilico sic connecti cum lagena altera, uti hæc connectitur cum lagena prima; at vero lagena hæc intermedia, tubo securitatis instructa, summæ est utilitatis, non tantum quod per illam totus operationis incessus judicari possit, sed etiam quod sic præca-
veatur, ne, si forte aër retortæ a massa absorbeatur, aqua lagenæ in excipulum transvehatur, quo non solum fluida confunderentur, sed sæpe, ob calorem productum, excipulum findi, & operator periculo exponi possset.

Cæterum hic eadem circa cautiones & momenta singularia locum habent, quæ ad primum casum dicta fuerunt.

Hæc apparatus woulsiani compositio usui venit in destillatione ætheris & acidorum edulcatorum, imprimis autem in præparatione acidi nitri, quæ ultima hic exemplo sit.

PRAEPARATIO ACIDI NITRI.

Nitri purissimi, per fusionem omni crystallisationis aqua spoliati, inque pulverem tusi, libræ quatuor immittebantur in retortam vitream; cui modo supra dicto committebatur apparatus woulsianus, omnibus commissuris luto pingui & fasciis linteis occlusis, excepta sola illa, qua retorta connectebatur cum excipulo. Tunc per collum retortæ nitro affundebantur libræ duæ olei vitrioli optimi saxonicæ (nordhausensis), ilico lutabatur etiam hæc ultima commissura, & instituebatur destillatio ex balneo arenæ igne lenissimo; successive aucto ad retortæ candorem usque. In prima lagena woulsiana pro immergendo securitatis tubo hærebant tres unciae aquæ; in

altera lagena unciae fedecim. Operatione finita, erant in excipulo 27 unciae & 2 drachma acidi nitri concentratissimi & fumantis; in lagena prima 5 unciae & 6 drachmae acidi nitri fumantis & virentis; in altera lagena 26 unciae acidi ejusdem fortis & caerulefcentis. Consequenter

Lagenæ	Aqua	Excessus.
Excipulum	— — — —	27 unc. 2 dr.
Lagena I.	— 3 unc.	— 2 unc. 6 dr.
— II.	— 16 unc.	— 10 unc.
Summa	— 19 unc.	— 40 unc.

Unde patet, in hac operatione præter 27 uncias & 2 drachmas spiritus nitri fumantis, in quo acidum ligatur per aquam antea in acido sulphurico contentam, adhuc acquiritas esse 12 uncias & 6 drachmas gas acidi nitrosi, quod cum additis 19 unciis aquæ conjunctum est.

In *secundo casu*, si quis velit in destillatione, ubi corpora partim transeunt guttancia & partim gasformia, hæc in statu suo gasformi-

mi super aqua aut hydrargyro obtinere a li-
quido separata, retorta connectitur, ut in
primo casu, cum excipulo tubulato, atque
hoc per tubulum suum, ope siphonis commu-
nicatorii tubulati & crure recurvato donati,
cum campana cupæ hydropneumaticæ aut
hydrargyropneumaticæ *). Fluidum guttans
hic, ut in primo casu, colligetur in excipulo;
gas autem ineabit per siphonem communica-
torium in cupam, atque sic trans aquam hy-
drargyrum adscendet in campanam. Apertio
tubuli siphonis hic in omni eventu impedit,
ne aqua aut hydrargyrum campanæ in exci-
pulum fugi possit. Hæc compositio apparatus
wouffiani in analysi corporum organicorum
per destillationem siccam locum habet.

Si vero in *casu tertio* jam in antecessum
novimus, in destillatione instituenda præter
fluidum guttans obtenturos nos esse fluida gas-
formia duplicia, quorum alterum solvi in aqua
potest, alterum non potest, non minus hæc
duo gas seorsim acquirere poterimus. In hunc
scopum totus apparatus wouffianus componi-
tur ut in casu primo, connectendo insuper
la-

*) Pono vulgarem tractandorum corporum gasiformium
methodum jam cognitum lectori.

lagenam woulfianam secundam per siphonem communicatorium recurvatum cum cupa hydropneumatica. Fluidum guttans etiam hic, uti prius, transibit in excipulum; fluida autem gasformia per siphones pergent in lagenam primam, & ex hac in secundam, cujus aqua gas solubile absorbebitur, dum alterum insolubile per siphonem incurvatum ultra urgebitur in campanam cupæ. Tubus securitatis lagenæ primæ indicat incessum operationis, præpeditque transgressum aquæ in excipulum; tubulusque siphonis incurvati idem præstet ratione aquæ campanæ ad lagenam alteram.

Si gas solubile est gas acidum carbonicum, solet in lagenam secundam loco aquæ immitti solutio lixivæ causticæ, quæ & celerius & perfectius gas illud absorbet.

Hæc apparatus woulfiani dispositio præprimis iterum usui venit in exploratione corporum organicorum per ignem. Lignum exempli causa destillatione sicca dat aquam acidulam, oleum empyreumaticum, gas hydrogenium & gas acidum carbonicum. Ut hæc producta obtineantur singula seorsim, lig-

lignum destillationi subjicitur cum supra dicto apparatu. Sic aqua & oleum erunt in excipulo, acidum carbonicum absorbebitur a lixivio caustico lagenæ secundæ, & gas hydrogenium transibit in campanam. Si pondus omnium horum corporum rite determinatum fuit, patebit, summam ponderis fluidorum guttantium & gasformium obtentorum carbonisque in retorta residui æquare cum jacturâ levissima pondus ligni adhibiti.

APPLICATIO APPARATUS WOULFIA- NI AD IMPRAEGNANDUM AQUAM AUT SALES ALCALINOS ACIDO CARBONICO.

Jam dudum Chemici ingeniose construxerunt apparatus diversos ad imprægnandam aquam gas acido carbonico; sed fere omnes & sunt valde compositi; & constant caro. Apparatus woulfianus simplicior & vilior satisfacit scopo.

Lagena woulfiana bicollis cum altera bicolli simili conjungitur per siphonem communicatorium crurium inæqualium, sic ut crus longius introëat in lagenam secundam. Posteaquam in hanc secundam certa pro lubitu quantitas aquæ immissa est, eadem ratione hæc connectitur cum lagena simili tertia, tertiaque cum quarta. Commissuris omnibus luto amygdalino oclusis, creta pulverata & acidum sulphuricum dilutissimum alternatis vicibus injiciuntur per collum alterum lagenæ primæ, mox subere toties obturandum. Gas acidum carbonicum, ex creta per acidum soluta excussum, in alteram lagenam transmigrat; & quod de illo hic ab aqua non suscipitur, ultra pergit in tertiam, & sic porro. Operatione sic aliquamdiu protracta, aqua lagenarum invenietur acido carbonico scatere. Solutio cretæ lentissima sit, ne vi effervescentiæ & caloris acidum sulphuricum ipsum transeat, & aquam inquinet.

Eadem methodo etiam solutio lixivæ aut sodæ plene saturari acido carbonico potest, & deduci in statum perfecte mitem. Cum solutione lixivæ diluta sic paratur remedium lithontripticum tam celebratum hoc tempore. Si vero solutio adhibetur concentrata, in ipsa

operatione concreſcunt elegantes cryſtalli hujus ſalis aëratī. Ob hanc cauſam ſiphones communicatorii in hoc proceſſu ſemper eſſe oportet paulo ampliores, ut ne tam facile a cryſtallis obturentur.

INDEX.

A.

Aceta medicata	§. 382	Acida	138—144
Acetis ammoniae	868	— — animalia	140—141
— — cupri	871	— — dephlogisticata	1112
— — lixivae	864	— — imperfecta	144
— — mercurii	880	— — mineralia	140—141
— — plumbi	877	— — oxygenata	140
— — sodae	867	— — perfecta	1..
Acetum	861	— — phlogisticata	1112
— — destillatum	863	Acidorum bases	143
— — lactis	924	Acidum aceticum	874
— — lithargyri	876	— — acetosum	864
— — radicale seu aerugi-		— — aëreum	288
ginis	873	— — arsenicum	678

Q 2

Ac-

I N D E X,

Acidum benzoicum	781	Acidum succinicum	474
— — bombicum	1086	— — sulphuricum seu	
— — boracicum	266	vitriolicum	415—420
— — camphoricum	769	— — sulphurosum	428
— — carbonicum	283. 288	— — tartarosum	854
— — citricum	785	— — tunsticum	684
— — fluoricum	274	Adamas	409
— — formicum	1081-1085	Aër fixus	283
— — gallaceum	791	— — inflammabilis	123
— — lacticum	924	Aerugo	870
— — lithicum	1073	— — destillata seu cry-	
— — malicum	787	stallifata	871
— — molybdicum	693	Aes ustum	573
— — muriaticum	204. 205	Aether aceticus	875
— — muriaticum oxyge-		— — formicus	1084
natum	213	— — muriaticus	848
— — nitricum	165	— — nitricus	845
— — nitro-muriaticum	226	— — sebacicus	1011
— — nitrosum	183	— — vitriolicus seu sul-	
— — oxalicum	780	phuricus	840—844
— — oxygenatum	144	Aethiops martialis	579
— — phosphoricum	1029	— — per se	535
— — phosphorosum	1043	— — mineralis	557
— — prussicum	960	Affinitas appropriata	42
— — pyro-lignosum	799	— — chemica	17
— — pyro-mucosum	818	— — divellens	41
— — pyro-tartarosum	858	— — duplicata	40
— — sacchari	772	— — numeris expressa	43
— — saccholacticum	922	— — praeparata	42
— — sebacicum	1009	— — quiescens	41

I N D E X.

Affinitas simplex & com-		Amylum	727
plicata	30	Analysis	4
Aggregatio	20	— — spuria vel com-	
Albumen	1014—1016	plicata	8
Alcahest Glauberi	186	— — vera seu simplex	8
Alcali fixum minerale	146	Anodynum minerale	623
— — fixum minerale aë-		Apparatus woulfsianus vol.	
ratum	297	2. pag. 215—243	
— — fixum vegetabile	146	Aqua anodina	838
— — fixum vegetabile		— — calcis	319
aëratum	290	— — destillata medicina-	
— — phlogisticatum	959	lis	732
— — volatile aëratum	303	— — destillata simplex	116
Alcalia	138	— — destillata vinosa	851
Alcohol	830—852	— — fortis	169
Alumina	312—386	— — fortis praecipitata	172
Alumen	388	— — phagedaenica	550
— — ustum	392	— — Rabelii	844
Amalgama	560	— — regia	226
Ambra grisea	482. 483	— — vulneraria cum ace-	
Ammonia	146	to	882
— — acetata	868	Aquae minerales acidulae	284
— — aërata	303	— — — martiales	591
— — boraxata	272	Arbor Dianae	562
— — fluorata	282	Arcanum duplicatum	241
— — nitrata	193	Ardor	77
— — pura seu caustica		Argent haché	683
	306. 236	Argentum	521
— — salita seu muriata		— — fulminans	524
	237	— — vitreum artificiale	532

I N D E X.

Argilla	312. 386. 387	Atmosphæra	88—113
— — nitrata	396	Attractio aggregationis	14
— — salita	397	— — — compositionis	17
— — vitriolata	388	Attractionis vis	13
Aroma	701—704	Auripigmentum	680
Arfenicum album	675	Aurum	502
— — — citrinum	680	— — fulminans	507
— — — fixum	676	— — musivum	603
— — — rubrum	680	Axungia	1005—1013
Asbestus	365	— — castorei	1089
Asphaltum	467	Azoticum sive Azotum	97

B.

Balsama	764	Bitumen fluidum	408
— — artificialia	908	— — solidum	408
Balsamum sulphuris Ru-		Boras ammoniac	272
landi	757	— — lixivæ	270
Barba pinnae marinae	1052	Borax	259
Baryta	312. 348	— — calcinatus	262
Basis acidi	142	Butyrum	915
— — acidificabilis	143	— — antimonii	632
— — gas	64	— — arsenici	682
Bergmanni tabulae analy-		— — bismuthi	655
ticae	47—50	— — cerae	817
Bilis	969—975	— — cacao	752
Bismuthum	651	— — stanni	555

C.

Calcinatio	101	Calor animalis	104
Calculi fellei	975	— — latens	75

I N D E X.

Calor sensibilis	69	Castoreum	1089
Caloricum	52	Cera	760
— — — absolutum	78	— — virginea	752
— — — ligatum	68	Cerata	909
— — — specificum	67	Ceratia	313
Calorici conductores	72	Cerevisia	829
Calorimetrum	78	Cerumen aurium	1013
Calx	312—315	Cerussa	877
— aërata	344	— — citrina	605
— extincta	318	Chalybs	593
— fluorata	339	Chamaeleon mineralis	674
— metallica	493	Cicatricula	1014. 1018
— nitrata	330	Cineres clavellati	808
— salita	334	Cinnabaris antimonii	632
— vitriolata	325	— — artificialis	558
— viva	315	Circonia	405
Camphora	767—769	Clarificatio	717
Candescencia	77	Clyffus nitri	186
Cantharides	1087. 1088	Cobaltum	662
Carbonas acidulus calcis	347	Caeruleum berolinense	962
— — aluminae	398	Cohaesio	14. 15
— — ammoniae	238. 303	Cohaesionis vires diversae	16
— — barytae	361	Colcothar vitrioli	167
— — calcis	344	Colla	1020
— — lixivae	290	Combustio	101
— — magnesia	382	Compositio	4
— — fodae	297	Conjunctio	4
Carbonium	289. 805	Conserva	895—898
Caro	1023—1026	Copulatio	4
Cartilagineae	1019		

Cor-

I N D E X.

Cornu cervi philosophice		Cremor tartari	853
praeparatum	1027	Creta	344
— — ustum	1028	Crocus antimonij sive-	
Cornua	1027	metallorum	623
Corpora aëriformia	17. 64	— — martis adstringens	576
— — combustibilia	101	— — martis aperitivus	578
— — fluida	57	Cruor sanguinis	941.947.950
— — inflammabilia	101.408	Crusta inflammatoria	950
— — liquida	57	Crytalli Hjerne	845
— — phosphorescentia	86	— — tartari	853
— — solida	57	— — veneris	871
Corpus pro balsamo	908	Cuprum	564
Cremor calcis	320	— — sulphuratum	573
— — lactis	915	Cutis	1019

D.

Decoctio, Decoctum	710	Dis junctio	4.
Decrepitatio	203	Dissolutio	4
Detonatio	185	Ductilitas	488

E.

Eau de Luce	481	Emplastra	910
Educta	8	Emulsum	758
Effervescentia	35	Ens veneris	573
Elaeofaccharum	892	Essentiae	763
Electrum	471	Eudiometrum	113
Electuarium	907	— — — Fontanae	178
Elementa	10—12	— — — Scheelianum	434
Elixir vitrioli dulce	844	Excipula tubulata vol. 2.	
Elixiria	763		pag. 222

Ex-

INDEX.

Excipula woulfiana	<i>ibid.</i>	Extractum lactis	913
Excrementa	1074	— — martis cum succo	
Extracta, sicca, mollia,		pomorum	789
simplicia, composita	723	— — sanguinis	942
Extractum aquosum seu	— —	faturni	876
gummosum	719—723	— — spirituosum	763
— — bilis	970	— — vini	832

F.

Faeces	1074	Flores salis ammoniaci	232
Farina	727	— — salis ammoniaci mar-	
Fecula	724	tiales	590
Fel	969—975	— — stibii Helmontii	636
— — inspissatum	970	— — sulphuris	413
Fermentatio	826	— — zinci	642
— — — acida	859—883	Fluas ammoniac	282
— — — vinosa	827 & seq.	— — calcis	339
Ferrugo	578	— — lixivae	289
Ferrum	575	— — sodae	281
— — crudum	595	Fluor mineralis	339
Flamma	77	Frigus	76
Flores antimonii argentej	613	Fuligo	223
— — benzoës	781	Fungus philosophicus	174
— — bisinuthi	652		

G.

Gagates	468	Gas acidum carbonicum	285
Galena plumbi artificialis	— —	acidum fluoricum	275
	611	— — acidum muriaticum	204
Gas	62—64		

Gas

I N D E X.

Gas acidum muriaticum	— oxygenium	97	
oxygenatum	213	Gelatina	906
— acidum nitrosum	165	— — animalis	1020
— acidum sulphurosum	425	Glacies	73
— ammoniacum	235	Gluten farinae	727
— azoticum	97	Gummi	762
— hepaticum	433	— — Copal	484
— hydrogenium	123	Gummiresinae	765
— hydrogenium phos-		Gypsum	325
phoratum	1045	— — extinctum	328
— hydrogenium sulphu-		— — striatum	325
ratum	433	— — ustum	327
— nitrosum	169		

H.

Hepar antimonii	621	Hepar sulphuris alcalinum	438
— — arsenici	676	Humus	885
— — baryticum	447	Hydrargyrum	534
— — calcis	443	Hydrogenium	123
— — magnesiae	450	Hydromel	829
— — sulphuris	431	Hydrofiderum	1048

I.

Ignis	77	Inflammatiō	77. 102
Inflammasibilis	130	Jupiter	596

K.

Kermes minerale	628
-----------------	-----

INDEX

L.

Lac	922—939	Liquor secretus in febre	
— defloratum	915	lactea	1076
— ebutyratum	915	— — — per vesican-	
— sulphuris	435	— — — tia	1079. 1080
— virginis	835	— — filicum	400
Lactis alcohol	931	— — terræ foliatae tar-	
— — differentiae	932—939	tari	864
Lacrymae	980—984	Lixiva	146
Lana	1050	— — acetata	864
Lapis calcareus	344	— — aërata	290
— — calaminaris	650	— — fluorata	280
— — causticus	293	— — mitis	290
— — infernalis	523	— — nitrata	153
Ligamenta	1019	— — pura seu caustica	293
Linimenta	909	— — salita	228
Lithantrax	469	— — vitriolata	242
Lithargyrum	605	Lixivium mater nitrario-	
Liquor anodynus Hoff-		rum	159
— manni	844	— — — — nitri de-	
— — cornu cervi suc-		puratorum	156
— — cinatus	478	Luna	521
— — hydropicorum	1076	— — cornea	526
— — mercurialis	550	Lutatio vol. 2. pag. 222—226	
— — nitri fixi	186	Lutum	ibid.

M.

Magisterium bismuthi	654	Magnesia aërata	382
— — — sulphuris	446	— — — muriae	366

Magne-

I N D E X.

Magnesia nitrata	373	Mercurius sublimatus cor-	
— — — nitri	157	rosivus	543
— — — salita	377	— — — vitae	634
— — — vitrariorum	668	Metalla	130—486—501
Magnesium	668	— — nobilia	491
Malleabilitas	438	Minera argenti vitrea ar-	
Malta	466	tificialis	534
Marmor	344	Minium	605
Mars	575	Miraculum chymicum	361
Mafficot	605	Molybdena, Molybdenum	
Materia lucis	82—87		692
— — perlata	630	Morsuli	894
— — saccharina farinae		Moschus	1090
	727	Mucilago	762
— — vegeto-animalis	727	Murias aluminae	397
Medulla	1005	— — ammoniae	231
Mella	905	— — barytae	358
Membrana	1019	— — calcis	334
Menstruum	27	— — lixivae	228
Mercurius	534	— — magnesia	377
— — — calcinatus	535	— — oxygenatus stanni	556
— — — dulcis	551	— — — — lixivae	220
— — — praecipitatus		— — — — hydrargyri	
albus seu cosmeticus	545		547—550
— — — praecipitatus		— — fodae	198
per se	535	— — stanni	556
— — — praecipitatus		Musculi	1023—1026
ruber	543	Myrica cerifera	761

I N D E X.

N.

Naphtha	463.	464	Nitrum	153
— — vitrioli		840	— — ammoniacale	193
Nervi	1019	—	— — calcareum vel ter-	
Nicolum	657		restre	330
Nihilum album	642	—	— — crudum	156
Nitras ammoniae	193	—	— — cubicum	190
— — acidulus lixivae	188	—	— — fixum	186
— — aluminae	396	—	— — flammans	193
— — argenti	522	—	— — lunae	522
— — barytae	354	—	— — nitratum	188
— — calcis	330	—	— — regeneratum	187
— — lixivae	153. 189	—	— — rhomboidale	190
— — magnesia	353	—	— — stibiatum	623
— — sodae	190	—	— — tabulatum	163
Nitris lixivae	189			

O.

Ossa Helmontiana	839	Oleum formicarum aethe-	
Olea aetherea, essentia-		reum	1085
lia, destillata	743	— — formicarum pref-	
— — pressa unguinosa	751	sum	1082
Oleum aluminis	416	— — guajaci	174
— — animale Dippelii	1007	— — martis	539
— — balaenae	1005	— — ovorum	1017
— — butyri	927	— — petrae	465
— — calcis	335	— — succini	45
— — camphorae	769	— — tartari per deli-	
— — cerae	817	quium	853
— — empyreumaticum	800	— — vini dulce	840
		Ole-	

R.

I N D E X.

Oleum vitrioli.	416	Oxyda	100
— — vitrioli glaciale	421	Oxydatio	100
Orichalcum	650	Oxygenium	97
Offa	1027	Oxymel	905
Ova avium	1014—1018		

P.

Panacea mercurialis	552	Phosphorus	1039
Pars caseosa lactis	916	— — — Balduini	332
— — fibrosa sanguinis	847	— — — bononiensis	449
Partes constitutivae	12	— — — Cantoni	444
— — — animalium		— — — Hombergii	335
— — — remotae	1091. 1095	Photophori	84
— — — plantarum		Pili	1050
— — — remotae	824. 825	Placenta sanguinis	941. 947
Pasta	893	Plantarum cineres	802. 804. 811
Pellicula ovi	1014—1018	Platinum	514
Petroleum	465	Plumbago	594
Phlogiston	II. 1101—1122	Plumbum	604
Phosphas, aluminae	1037	— — corneum	609
— — — ammoniac	1035	— — ustum	605
— — — barytae	1037	Plumae	1051
— — — calcis	1036	Pompholix	642
— — — ferri	1048	Potassa	146
— — — lixivae	1033	— — acetata	864
— — — magnesia	1037	— — aërata	290
— — — sodae	1054	— — fluorata	280
Phosphoretum ferri	1048	— — nitrata	153
Phosphoresa metallica	1047	— — pura seu caustica	292

I N D E X.

Potassa salita f. muriata	228	Pulpa	906
— — vitriolata	241	Pulvis Algaroth	634
Praecipitatio	35	— — carthusianorum	638
Praecipitatum metallicum	500	— — pyrius	457
Principia, prima	10	— — tonitruans	454
Principium adstringens		Punctum saturationis	23
plantarum	791	Purpura mineralis Cassii	510
Probatio vini	379	Pus	992—993
Producta	8	Putrefactio animalium	1096
Prussias ammoniac	966	— — — vegetabilium	884
— — calcis	966	Pyrites	411
— — sodae vel lixivae	961	— — artificialis	592
Pseudogalena artificialis	649	Pyrometrum wedgwoodia-	
— — — picea	696	num	78
Pseudomembrana Ruyschii	1078	Pyrophorus	102

R.

Radicale acidi	142	Resinae	263
Ramenta ferraria	576	Resolutio	4
Reductio metallorum	497	Roob	906
Regulus antimonii	612	Rotulae	694
— — arsenici	615		

S.

Saccharum	710	Sal ammoniacus, secretus	
— — — lactis	920—923	Glauberi	254
— — — saturni	877	— communis f. culinaris	198
Sal acetosellae	778	— cornu cervi	1028
— amarus	367	— digestivus f. febrifu-	
— ammoniacus	231	gus Sylvii	228
— ammoniacus fixus		— epsomensis	367
Glauberi	334		
	R 2	Sal	

I N D E X.

Sal fontanus	198	Sapo vegetabilis	756
— gemmae	198	Sapor	134
— marinus	198	Sebum	1005—1013
— microcosmicus	1064	Selenites	325
— mirabilis Glauberi	243	Seimen humanum	999—1004
— montanus	198	Sericum	1052
— perlatus	1034	Serpentinus	365
— polychrestus Glaferi	451	Serum lactis	916
— polychrestus Seignet-		— — sanguinis	941.943-946
ti	855	Setae	1050
— sedativus	266	Siderum	1048
— succini	474	Siphon communicatorius	
— tartari	858		vol. 2. pag. 220
— vitrioli volatilis	420	Smalta	663
— volatilis oleosus	838	Soda seu alcali fixum mi-	
Sales	130	nerale	146
— — — — — essentiales planta-		— — — — — acetata	867
rum	877	— — — — — aërata	297
— — — — — essentiales plantarum		— — — — — fluorata	231
cum sulphure parati	810	— — — — — muriata s. salita	198
— — — — — essentiales planta-		— — — — — nitrata	190
rum tacheniani	809	— — — — — pura seu caustica	301
— — — — — neutri et medii	150.1-2	— — — — — vitriolata	243
— — — — — neutri et medii aci-		Sol	502
duli	152	Solutio	17
Saliva	987—991	Spatum ponderosum	350
Sanguis	940—968	Sperma	999—1004
Sanguinis fibra	947	Spiritus aromaticus	851
Sapo acidus	754	— — — — — cornu cervi	1028
— — — — — chymicus	839	— — — — — formicarum	1035

Spi-

INDEX.

Spiritus fumans Beguini		Sulfas acidulus sodae	258
feu Boylei	440	— — aluminae	388
— — fumans Libavii	555	— — ammoniae	254
— — Mindereri	868	— — barytae]	350
— — nitri dulcis	847	— — calcis	325
— — nitri fumans	166	— — cupri	566
— — rector	701—704	— — ferri	581
— — salis ammoniaci		— — lixivae	242
oleosus	838	— — magnesia	367
— — salis ammoniaci		— — plumbi	607
causticus	236	— — sodae	248
— — salis ammoniaci		— — zinci	645
communis vel aquo-		Sulfis lixivae	247
sus	239	Sulphur	411
— — salis ammoniaci		— — auratum antimo-	
vinosus	837	nii primae praeci-	
— — salis dulcis	843	pitationis	625
— — sulphuris per		— — auratum antimonii	
campanam	417	secundae et tertiae	
— — sulphuris volatilil	428	praecipitationis	626
— — tartari	858	Sulphuretum	431
— — urinae	1063	— — — ammoniae	440
— — vitrioli	421	— — — argenti	532
Spuma lupi	684—691	— — — barytae	447
Stannum	596	— — — calcis	443
Stibium	612	— — — cupri	573
Succinum	471	— — — ferri	592
Succus gastricus	976	— — — magnesia	450
Sudor	1075	— — — plumbi	611
Sulfas acidulus lixivae	246		

I N D E X.

Sulphuretum sodae et lixi-	Synthesis	
vae	432	Syrupus 899—904
Synovia	1053—1060	

T.

Tabula affinitatum	857	Terra argillofa seu alu-	
Tabulae	893	minofa	386
Tartarus	853	— — foliata mercurialis	880
— — boraxatus	270	— — foliata tartari	864
— — emeticus	640	— — foliata tartari ficca	867
— — folubilis	856	— — ponderofa aërata	361
— — tartarifatus	854	— — ponderofa pura	312
— — vitriolatus	241		834
Tartritis calcareus	857	— — ponderofa falita	358
— — lixivae	854	— — fancta Rulandi	623
Tela cellulofa	1019	— — filicea	312. 399
— — erucarum	1052	— — fpati adamantini	407
Teleftopium achromati-		Terrae	130
cum	606	— — alcalinae feu abfor-	
Temperatio ferri	577	bentes	313
Temperatura	70	— — primitivae feu fun-	
Tenacitas	488	plices	312
Tendines	1019	— — vitrefcibiles	399
Terra	311	Tefta ovi	1014
— — amara 312. 365. 366		Thermometrum	70. 78
— — Becheriana, prima		Tinctura antimonii fan-	
fecunda et tertia 11		plex feu tartarif-	
— — calcarea 312. 315.		ta	624
— — circonia 405		— — cantharidum	1087

Tinc-

I N D E X.

Tinctura martis alcalina	Tubus interpositorius in-
Stahlil	586 curvus vol. 2. pag.
— — martis cum succo	222
pomorum	789 — securitatis vol. 2.
— — falis tartari	836 pag. 228
— — succini	472 Tungstenum 685
Tincturae	763 Turpethum minerale 538
Trochisci	893

U.

Unguenta	909 Uranium	696
Unguentum mercuriale	909 Urina	1061—1067
Ungula	1027	

V.

Vasa refrigeratoria vol.	— — martis	581
2. pag. 222	— — mercurii	537
Venus	564 — — saturni	607
Vernix oleosa vol. 2.	— — zinci	645
pag. 223	Vitrum	403
Viride acris	870 — — antimonii	620
Vitellus	1014. 1017 — — arsenici	657
Vitriolum cupri	566 — — boracis	262

Z.

Zaffra	663 Zincum	642
Zibethum	1013	

EXPLICATIO TABULAE.

- Fig. 1. Apparatus woulfianus , ad excipienda fluida guttantia & gasformia , cum commissuris lutatis.
2. Apparatus woulfianus pro destillandis solis fluidis gasformibus , cum commissuris nedum lutatis , & cum vasis refrigeratoriis.
3. Lagena woulfiana tricollis.
4. Eadem bicollis.
5. Excipulum tubulatum.
6. Tubus interpositorius incurvus.
7. Siphon communicatorius tubulatus & incurvatus.
8. Siphon communicatorius tubulatus cum cruribus inæqualibus.
-

Fig. 1.




Fig. 2.







Fig. 6.



Fig. 7.

Fig. 8.




Fig. 3.




Fig. 5.



Fig. 4.













927 - 127





